

# लूका

## परिचय

**1** ई की तई बहुतन ने उई बातन का जउन हमरे बीच म होय चुकी हय, इतिहास लिखय मां हाथ लगाइन हैं। <sup>2</sup>यही की तई जउन पहलेन ते ई बातन का देखय वाले अउर बात केर सेवक रह्यँ हम तक पहुँचाइन। <sup>3</sup>ई के तई हे सिरीमान थियूफिलुस हमका यहै ठीक लाग कि उइ सब बातन का पूरा हालु सुरु ते ठीक—ठीक जाँचि करिकै तुमरी तई लाइनबार लिखी। <sup>4</sup>काहे ते तुइ यहु जानि लियउ कि उइ बातँ जउनेक तुमका बतावा गवा है कइस अटल हइ। उइ मा तनका गलत नाहि हवे।

## यहुन्ना बपतिसमा देवे वालेन केर जनम कइहन भबिसवानी

<sup>5</sup>यहूदिन केर राजा हेरोदेस के बखत मा अविख्याह कइहन दल म जकरयाह नाम केयार एकु पुरोहत रहै। अउर वहिके मेहरारु हारुन वंस केर रहय वा जेकेर नमवा इलीसिबा रहै। <sup>6</sup>अउर उइ दूनौ परमेसुर केर समुहे धरमी रहै, परभु की सगरी आग्या अउर विधि ायन पर चलत रहै। वहिके कउनऊ सन्तान नहिन रहय। <sup>7</sup>काहेते इलीसिबा कऊहन बचवा नाहि कोई सकत रहा, काहे केर उई दुइनों बूढ़ि रहै।

<sup>8</sup>जब उइ अपने दल की बारी पर परमेसुर केर समुहे पुरोहित क्यार कामु करत रहय। <sup>9</sup>उइ पुरोहितन केर रीति केर मुताबिक वहिके नाम पतरी निकरी कि ऊ परभु के मंदिर म जाय कय धूप जलावयं। <sup>10</sup>अउर धूप जलावय के बखत लोगन केर मंडली बाहेर पराथना करत रहय।

<sup>11</sup>कि परभु क्यार एक सरग दूत कइहन की बेटी केर दहिनी तरफ ठार रहा वहिका दिखाई परा। <sup>12</sup>अउर जकरयाह याहि देखि कय घबराय गवा अउर वहिका बहुतय डरु लाग। <sup>13</sup>मगर सरगदूत वहिते कहिस हे जकरयाह डेराव न काहे ते तुमार पराथना सुनिलीन गय हय, अउर तुमरी मेहरारु ते तुमरी तइ

एकु बेटवा पैदा होई, अउर तुम वहिका नाव यहुन्ना रखेव। <sup>14</sup>अउर तुमका बहुतय खुसी होय अउर बहुत मनई वहिके नजम ते खुसी होइ है। <sup>15</sup>कहे ते ऊ परभु के सामनेन महान होई, अउर दाखरस अउर मदिरा कबहू न पीय। अउर अपनी महतारी के पेटे मे वहु परभु आतमा ते परिपूरन होइ जाई। <sup>16</sup>अउर दूसर इसराएलियन मइयां बहुतन का परभु परमेसुर केर तरफ फेरी। <sup>17</sup>वहु एलिय्याह की आतमा अउर सामरथ मा होइके वहिके आगे—आगे चली काहे ते लइके वालेन कइती पितरन मनु फेरि दियँ अउर आदेसु न मानय वाले धरमिन का समझु घर लावै। अउर परभु के तई एक लायक दार परजा तैयार करय।

<sup>18</sup>जकरयाह सरग इत ते पूछिस यू हम केहि मेर जानव काहे ते हम तो बूढ़ि है, अउर हमारी मेहरारु बुढ़ाय गय है।

<sup>19</sup>सरग दूत वहिका जवाबु दिहिस कि हम जिबराईल आइन जउन परमेसुर केर सामने खड़े रहित है। अउर हम तुमका बातय करय अउर हम तुमका खुसखबरी बतावय के तई भेजे गयेन है। <sup>20</sup>अउर देखब जउने दिन तक ई बातय पूरी न हुवै उई एक दिन तक तुम बोलिहव न अउर व बोलि पइहव ई की तई तुम हमरी बात जउन अपने बखत पूरी हुइ हैं, बिसवासु नाहीं किहेव।

<sup>21</sup>अउर लोगन जकरयाह कै बाद ज्वाहत या द्याखत रहय अउर अचरज करइ लागि कि वहिका मंदिर मां यतनी द्यार काहे लागि। <sup>22</sup>जब वहु बाहर आवा तौ वहिते बोलि नाई पाइस तब उइ जानि गए कि ऊ मंदिर मां कउनउ दरसन पाइस है। अउर ऊ वहिते संकेत करत रहय अउर गूंगा होय गवा।

<sup>23</sup>जब वहिकी सेवा केर दिन पूरे होइगे, तब वहु अपने घर का चलबा गवा।

<sup>24</sup>ई दिन के बाद वहिकी मेहरारु गरभवती होइ गय अउर पांच महीना तक अपने आप का यहु कहिकय छिपाय राखिस। <sup>25</sup>कि मनइन मां हमार नाम धराई

दूर करय की तई परभु ने किरपा कयिकय हमरे तई अइसन किहिन है।

### यीसु केर जनम केर भबिसवानी

<sup>26</sup>छठयें महीना मां जिबराइल सरग दूत परमेसुर की तरफ ते गलील मां नासरत नगर मां एकु कुआरी के पास भ्यांजा गवा। <sup>27</sup>जेहिकय मंगनी यूसुफ नाम दाउद के वंस के एकु मनई केर साथे हुइ रहय। वहि कुआरी केर नाम मरियम रहय। <sup>28</sup>अउर सरग दूत वहिके पास भीतर आयकय कहिस आनन्द अउर जय तुमारि हुवै जेहि पर परमेसुर केर किरपा भवा है। परभु तुमरे साथ है।

<sup>29</sup>वह उइ बचन सुनिकय बहुतय घबराइ गय अउर सोचन लागि कि इ कइसन तरह केर अभिवादानु आय। <sup>30</sup>सरग दूत वहिते कहिस हे मरियम डेराव न काहे ते परभु क्यार तुमरे ऊपर किरपा भवा हइ। <sup>31</sup>अउर देखउ तुम गरभवती होइहब अउर तुमरे एक बेटवा पैदा होई, तुम वहिका नामु यीसु रखेव। <sup>32</sup>वहु महान होई अउर परम परधान केर बेटवा कहलाई। अउर परभु परमेसुर वहिके बाप दाऊद क्यार सिंघासनु वहिका देहयं। <sup>33</sup>अउर ऊ याकूब कहइन वंस पर सदा राज करीहे। अउर ऊ के राज केर अन्त न होई।

<sup>34</sup>मरियम सरग दूत ते कहिस यू काहे कोइ? हम तौ मनई का जानत नहिन।

<sup>35</sup>सरग दूत वहिका जवाबु दिहिस कि पवित्तर आतमा तुम पर उतरी अउर परम परधान केर सामरथ छाया तुम पर परी यही तई ऊ जउन पवित्तर होई, जउन पैदा होय वाला है। परमेसुर केर पूत कहाई। <sup>36</sup>अउर देखउ अउर तुमरे परिवार मा इलीसिबा केर भी बुढ़ापा मां बेटवा होय वाला है। यहु वहिका जउन बांझ कहावत रहय, छठवां महीना हय। <sup>37</sup>कोहेते जउन बचन परमेसुर की तरफ से हुवत है वहु परकार कर रहित नाहीं हुवत है।

<sup>38</sup>मरियम कहिस कि देखउ हम परभु की दासी अहिन। तुमरे कहय के मुताबिक होंय, तब सरग दूत वहिके पास से चला गवा।

### मरियम कीन इलिसबा सइहन भेंट

<sup>39</sup>वहि दिन मरियम उठि कय जल्दी ते पहारु देस मां यहूदा केर एक नगर मा गए।

<sup>40</sup>अउर जकरयाह के घर मां जाय कय इलिसबा को नमस्कार किहिस। <sup>41</sup>जइसेन इलिसबा मरियम क्यार नमस्कार सुनिस तइसेन बच्चा वहिके पेट मां उछला अउर इलिसिका पवित्तर आतमा ते परिपूरन

होइ गय। <sup>42</sup>अउर वहु बड़े सबत मां पुकारि कय कहिस तू औरतन मां धन्य है, अउर तुमरे पेट का फल धन्य है। <sup>43</sup>अउर यहु किरपा हमका कहां ते भवा कि हमरे परभु केर महतारी हमरे पास आई। <sup>44</sup>अउर देखउ जइसन तुमरे नमस्कार के सबद हमरे कानन मा परा तइसेन बच्चा हमरे पेट मां आनन्दु ते उछल परा। <sup>45</sup>अउर धन्य है ऊ जउन बिसवासु किहिन कि जउन बातय परभु की ओर ते कही गयी है उई पूरी होइ है।

### मरियम केर गान

<sup>46</sup>तब मरियम कहिस हमरे परान परभु केर बड़ाई करत हइ।

<sup>47</sup>अउर हमारि आतमा हमरे उद्धार करै वाले परमेसुर से खुसी होइगै।

<sup>48</sup>काहे ते वहु अपनी दासी की दीनता पर दिरिस्टी किहिस है। यही खातिर द्याखव अब ते सब युग—युग के लोगन हमका धन्य कहियं।

<sup>49</sup>काहे ते ऊ सकतिमान हमरी तई बड़े—बड़े काम किहिस है। अउर वहिका नाम पवित्तर हय।

<sup>50</sup>अउर वहिकी दया उन पर जउन डेरात है, पीढ़ी दर पीढ़ी बनी रही।

<sup>51</sup>वहु अपन भुजबल देखइसि अउर जउन अपने आप का बड़ा समझत रहय उनका तितर वितर किहिस।

<sup>52</sup>ऊ बवानन का सिंहासन ते गिराय दिहिस अउर दीनन का ऊंचा कइ दिहिस। बसतुअन ते भरि दिहिस।

<sup>53</sup>वहु भूखेन का अच्छी वस्तुओं से तिरपि किहिस अउर धनवानन का छूछे हाथन निकारि दिहिस।

<sup>54</sup>वहु अपने सेवकु इसराएल का संभारि लिहिस।

<sup>55</sup>वहु अपन दया का सदा रही जइसन उसने हमेर बाप दादन ते कहिस रहय।

<sup>56</sup>मरियम लगभग तीन महीना वहिके साथे रहि कय अपने घर लौटि गये।

### यहुन्ना बपतिसमा दे वालेन केर जनम

<sup>57</sup>तब इलीसिबा कै जनेन का समय पूरा भवा अउर वहु बेटवा जनमिस। <sup>58</sup>वहिके परोसी अउर परिवार के वहु सुनिकय कि परभु वहि पर बड़ी दया किहिन है वहिके साथे खुसी भये।

<sup>59</sup>अउर अइसन भवा कि अठवे दिन उइ बालक का खतना कराय आये अउर वहिका नाम बाप के नाम पर जकरयाह रखय लागि। <sup>60</sup>अउर वहिकी महतारी कहिस कि नाहीं यहिका नाम यहुन्ना रखब।

<sup>61</sup>अउर उइ वहिते कहिन तुमरे परिवार का कउनउ केर यहु नाम नाहीं।

<sup>62</sup>तब उइ वहिके बापू ते संकेत करिकय पूछिन।

<sup>63</sup>कि तुम वहिका नाम का रखा चाहत हो अउर ऊ लिखय वाली पट्टी मंगाय कय लिखिस कि ई का नाम यहुना है, अउर सब अचरज करय लाग।

<sup>64</sup>तबय वहिके जबान अउर मुंह तुरन्तय खुलि गवा अउर वहु बोलय तथा परमेसुर का धन्यवादु करय लाग। <sup>65</sup>अउर वहिके आस-पास रहय वाले सब डेराय गये अउर उइ सब बातन केर चरचा यहूदिया के सारी पहारु देस मा फैल गवा। <sup>66</sup>अउर सब सुनय वालेन अपने-अपने मन मां विचार करिकय कहिन यू बेटवा कइसन होई काहे ते परभु केर हाथ वहिके साथ हुवै।

### जकरयाह केर गान

<sup>67</sup>अउर वहिका बाप जकरयाह पवित्तर आतमा ते परिपूरन होय गवा अउर भविसवानी करय लाग। <sup>68</sup>कि परभु इसराएल का परमेसुर धन्य हो कि उसने आप लोगन पर किरपा किहिस अउर उनका छुटकारा किहिस है।

<sup>69</sup>अउर अपने सुवकु दाऊद के वंस मां हमरे लीन यक्क उद्धार केर सींग निकरिस।

<sup>70</sup>जइसन उई अपने पवित्तर भविसवकतन के दुआरा जउन जगत के आदि से हुवत आय है कहिन रहय।

<sup>71</sup>अर्थात् हमरे दुसमन ते अउर हमरे सब बैरिन के हाथ ते हमार उद्धार किहिस है।

<sup>72</sup>कि हमरे बापू-दादन पर दया करिकय अपनी पवित्तर बापन का याद करयं।

<sup>73</sup>अउर वह किरिया जउन हमरे बाप अबराम ते खइस रहय।

<sup>74</sup>कि ऊ हमका यू देई कि हम अपने दुसमनन के हाथ से छूटि कय।

<sup>75</sup>वहिके समूहे पवित्तरता अउर धारमिकता ते जीवन भरि निडर रहिकय वहिकी सेवा करत रही।

<sup>76</sup>अउर तू हे बालक परम परधान का भविसवकता कहाइहैं। काहे ते तुम परभु का मारग तैयार करयके तई वहिके आगे-आगे चलिहव।

<sup>77</sup>कि वहिके लोगन का उद्धार का ग्यानु हुवत है।

<sup>78</sup>यहु परमेसुर की हुई बड़ी करुना ते होई जेहिके कारन हम पर ऊपर ते भोरु का परकासु उदय होई।

<sup>79</sup>कि अधेरु अउर मरनु की छाया मा बैठय वालेन का जोति दियव अउर हमरे पांवन का कुसल के

मारगु पर चलाया।

<sup>80</sup>अउर वहु बालक बाढ़त अउर आतमा मां बलवान हुवत गवा अउर इसराएल मा परगट हुअय के दिन तक जंगलन मां रहीस।

### यीसु केर जनम

**2**उइ दिनन मां औगुस्तूस कैसर की ओर ते आग्या निकरि कि सगरे जगत केर लोगन के कइहन नाम लिखन जायं। <sup>2</sup>इ पहिली दिखाई उइ बखत भय जब क्विरनियुस सूरिया क्यार हाकिमु रहय। <sup>3</sup>अउर सब लोगन नाम लिखावय के तई अपने-अपने नगर का गये।

<sup>4</sup>सो यूसुफ भी यही की तई कि ऊ दाउद घराने केर वंस रहय। गलील के नासरत नगर ते यहूदियन मा दाऊद के नगर बैतलहम का गवा। <sup>5</sup>कि अपनी मगेतर मरियम के साथे जउन गरभवती रहय नाम लिखाइस। <sup>6</sup>उनके हुवां रहतय वहिके पैदा जैने केर हुअय दिन पूरे होइगे। <sup>7</sup>अउर वह अपन पहिलौ बेटवा केर जनम दिहिस अउर वहिका कपड़ा मां लपेट कय चरनी मां रखिस काहे ते उनकी तइ सराय मां जगह नाहीं रहय।

### चरवाहे कइहन सरगदूतवन केर संदेसु

<sup>8</sup>उइ देस मा जेतने गड़रिया रहयं जउन रात मां मैदान मां रहिकय अपने झुंड क्यार पहरा दियत रहय। <sup>9</sup>अउर परभु केर एकू दूत उनके पास आयकय खड़ा भवा अउर परभु क्यार डेरायगे। <sup>10</sup>तब सरग दूत वहिते कहिस डेराव न काहे ते देखव हम तुमका बड़े आनन्द का सुसमाचारु सुनाइत है जउन सबै लोगन की तई होई। <sup>11</sup>कि आजु दाऊद केर नगर मां तोहरे तई एकू उद्धारु कर्ता पइदा भवा है। अउर यहइ मसीह परभु आय। <sup>12</sup>अउर यहिका तुमरे तई यहु पता होई कि तुम एकू बेटवा कइहन कपड़ा मां लिपटा भवा अउर चरनी मा पर पइहव।

<sup>13</sup>तब अकस्मात् उइ सरग दूत के साथे सरगदूतों का एकू दल परमेसुर केर स्तुति अउर पुटु कहत दिखाई परा।

<sup>14</sup>कि आकास मा परमेसुर केर महिमा अउर धरती पर उइ मनईन मा जिन्यते वहु परसन्न है सान्ती होय।

<sup>15</sup>जब सरगदूत उनके पास ते सरग का चले गये तो गड़रिया आपस मा कन आऊ हम बैतलहम जाय कय ऊ बात जउन भय है अउर जउन हमका परभु बताइन है द्याखैं।

<sup>16</sup>अउर उइ तुरन्तय जाय कय मरियम अउर यूसुफ अउर चरनी मां उइ बालक का परा देखिन। <sup>17</sup>इनका देखिकय उइ बातन जउन ई बालक के बारे मां उनसे कही गयी रहय परगट किहिन। <sup>18</sup>अउर सब सुनय वाले उइ बातन से जउन गड़ेरिया वहिते कहिन रहय अचरज किहिन। <sup>19</sup>मगर मरियम ई सब बातय सुनिकय अपने मन मां स्वांचत रहय। <sup>20</sup>अउर गड़ेरिये जइसन उनसे कहा गवा रहय वइसन की कुल सुनिकय अउर देखिकय परमेसुर की महिमा अउर स्तुति करत भये लौटि गये।

### यीसु कइहन मंदिर मा अरपन किन गवा

<sup>21</sup>जब आठ दिन पूरे भये अउर वहिके खतने का बखत आवा तउ, वहिका नाम यीसु रखा गवा जउन सरग दूत वहिके पेट मां आवे से पहिले कहिस रहय।

<sup>22</sup>अउर जब मूसा की व्यवस्था के अनुसार उनके सुद्ध हुवय के दिन पूरे भये तौ, उइ वहिका यरुसलेम साथे लइगे, कि परभु के समूहे लावय। <sup>23</sup>जइसन की परभु की वेवस्था मां लिखा हय कि हर एकु पहिलौठा बेटवा परभु की तई पवितर होई। <sup>24</sup>अउर परभु की वेवस्था अउर वचन के अनुसार पंडुकों का एक जोड़ा या कबूतर के दूइ बच्चे लायकय बलि चढ़ावै के करय।

<sup>25</sup>अउर देखव, यरुसलेम मा एकु समौन नाम क्यार एकु मनई रहय अउर ऊ मनई धरमी अउर भगत रहय, अउर इसराएल केर सान्ती केर राह जोहत रहय।

<sup>26</sup>अउर परभु की आतमा ते वहिका चेतावनी भय रहय कि जब तक तुम परभु मसीह का न देखिहउ तब तक मिरतू का न देखिहउ। <sup>27</sup>अउर वहु आतमा के सिखवाय से मंदिर मां आवा अउर जब महतारी बाप उइ बचुवा यीसु का भीतर लाये कि वहिकी तई वेवस्था के मुताबिक करय। <sup>28</sup>तब वहु वहिका अपनी गोद मां लिहिस अउर परभु का धन्यवादु करिकय कहिस।

<sup>29</sup>हे सुवामी अब तुम अपने बचन के अनुसार अपने दास का सान्ती से विदा करौ।

<sup>30</sup>काहे ते हमरी आंखय तुमरी उद्धार का देखि लिहिन हैं।

<sup>31</sup>जेहिका तुम सब देसन के लोगन के सामने तैयार किहेव है।

<sup>32</sup>कि वहु अन्य जातिन का परकास दियय के तई, जोति अउर तुमरे निज लोगन इसराएल केर महिमा होय।

<sup>33</sup>अउर वहिके महतारी अउर बाप ई बातन ते

जउन वहिके बारे मां कही जाती रहय अचरज करत रहय। <sup>34</sup>तब समौन ऊ का आसीसु दय कय वहिकी महतारी मरियम ते कहिस देखव ऊ तौ इसराएल मा बहुतन का गिरय अउर उठावय के तई अउर एक अइसन निसानु देयै खातिर ठहरावा गवा है। जेहिके विरोधु मां बातें कीन जइहैं। <sup>35</sup>वरन तुमार परान भी तलवारु से आर—पार छिद जाई यहिते बहुत ते हिरदयन के विचारु परगट होइ हैं।

<sup>36</sup>अउर असेर के वंस मां हन्वाह नाम के फनूएल केर एकु बिटिया भविसवकतन रहय वह बहुत बूढ़ि रहय अउर वियाह हुवय के बाद सात साल अपने मनई के साथे रहि पाइ रहय। <sup>37</sup>वहु चौरासी साल केर विधवा रहय अउर मंदिर का नाहीं छोड़त रहय मगर उपवासु अउर पराथना करि कय रात दिन पूजा करत रहय। <sup>38</sup>अउर वह उइ घरी हुवां आयकय परभु का धन्यवादु करय लागि अउर उइ सबन से जउन यरुसलेम के छुटकारे केर रास्ता द्याखत रहय वहिके बारे मां बातय करय लागि।

<sup>39</sup>अउर जब उइ परभु की वेवस्था के अनुसार सब कुछ निपटाय चुकै तो गलील मां अपने नगर नासरत का फिर लौटि गये। <sup>40</sup>अउर बालक बाढ़त अउर बलवानु हुवत अउर बुद्धि से परिपूरन होत गवा अउर परमेसुर केर अनुगारह वहि पर रहय।

### बालक यीसु मंदिर मां

<sup>41</sup>वहिके महतारी—बाप हर साल फसह के परब मां यरुसलेम का जात रहय। <sup>42</sup>जब वहु बारह साल का भवा तब परब की रीति के मुताबिक यरुसलेम मां गये। <sup>43</sup>अउर जब उइ उन दिनन का पूरा करिकय लौटय लागि तौ वहु बचुवा यीसु यरुसलेम मा रहि गवा अउर यहु वहि के महतारी—बाप नाहीं जानत रहय। <sup>44</sup>उई यू समझि कय कि वहु अउर यातरीन के साथे होई एकु दिन का पड़ाव निकारि आये अउर वहिका अपने परिवारु अउर जान—पहचान मां ढूंढय लागि। <sup>45</sup>पर जब नाहीं मिला तौ ढूंढत—ढूंढत उइ फिर यरुसलेम का लौटि गये। <sup>46</sup>अउर तीन दिन बादे वहिका उइ मंदिर मा उपदेसकन के बीच बइठ अउर उनकय सुनत अउर परसन करत भये पाइन। <sup>47</sup>अउर जितने वहिकी सुनत रहय उइ सब वहिकी समझ अउर जवाबु ते चकित रहय। <sup>48</sup>तब उइ वहिका देखिकय चकित भये अउर वहिकी महतारी वहिसे कहिस ओ बचुवा तुम हमसे काहे अइसन व्यवहार किहेव देखव तुमार बाप अउर हम कुढ़त भये तुमका ढूंढत रहय।

<sup>49</sup>ऊ वहिते कहिस तुम हमका काहे ढूँढत रहव का नाहीं जानत रहव कि हम अपने बाप के घर मां हुआ जरुर। <sup>50</sup>मगर जउन बात वहिते कहिस उइ वहिका नाहीं समझ पाइन।

<sup>51</sup>तब वह उनके साथ गवा, अउर नासरत मा आवा अउर उने वंस मां रहा अउर वहिकी महतारी ई बातन अपने मन मां राखिस। <sup>52</sup>अउर यीसु बुद्धि अउर कद—काठी मां अउर परमेसुर अउर मनई केर अनुगरह मां बढ़ति गवा।

### यहुना बपतिसमा दाता आऊर ओके सन्देशवा

**3**तिविरयुस कैसर के राज मां पंदरहवें साल मां जब पुत्तियु पीलातुस यहूदिया केर हाकिम रहय अउर गलील मां हेरोदेस नाम चौथाई का इतूरैया अउर जखोनितिस मां उसका भाई फिलिप्पुस अउर अविलेने लिसानियास चौथाई के राजा रहय। <sup>2</sup>अउर जब हना अउर कैफा महायाजक रहय उइ समय परमेसुर का बचनु जंगलमा जकरयाह के बेटवा यहुना के पास पहुँचा। <sup>3</sup>अउर ऊ यरदन के आस—पास के सारे देस मां आय कय पापन की माफु के तई मन फिराव का बपतिसमा का परचार करय लाग। <sup>4</sup>जइसन यसायाह भविसवक्ता के कहे हुए बचनन की किताब मां लिखा हय कि जंगल मां एक पुकारय वाले का सबद हुवत है। कि परभु केर मारग तैयार करब वहिकी सड़कय सीधी बनाउ।

<sup>5</sup>हर एक घाटी भर दीन जाई अउर हर एक पहार अउर टीला नी कीन जाई अउर जउन टेढ़ा है सीधा अउर ऊँचा—नीचा है वह समतल मारग बनी।

<sup>6</sup>अउर हर परानी परमेसुर के उद्धार का देखी।

<sup>7</sup>जो भीड़ की भीड़ वहि से बपतिसमा लियय आवत रहय वहिसे ऊ कहत रहय कि हे सांपन के बचुवों तुमका कउन बातय दिहिस हय कि आवय वाले किरोधु से भागव। <sup>8</sup>सो मन फिराव के जोग फलु लाव, अउर अपने मन मां यहु न सोचउ कि हमार बाप अबराम हैं, काहे ते हम तुमसे कहित है कि परमेसुर इन पथरन ते अबराम की तई सन्तान पैदा करि सकत है। <sup>9</sup>अउर अब ही कुल्हाड़ा पेड़न की जड़ पर धरा है, ई की तई जउन पेड़ अच्छा फल नहीं लावत है ऊ काटा अउर आग मां झोंका जात है।

<sup>10</sup>अउर लोगन ने पूछिस कि हम का करी।

<sup>11</sup>ऊ उनका जवाबु दिहिस कि जेहिके पास दुइ कुरता है जेहिके पास नहीं है वहिका दै दियय अउर जेहिके पास खाना हुवइ वहै अइसन करय।

<sup>12</sup>अउर महसूल लियय वाले भी बपतिसमा लियय

आये, अउर वहि ते पूछिन कि हे गुरुजी हम का करी।

<sup>13</sup>ऊ वहिते कहिस जउन तुमरे तई ठहरावा गवा है वहिते ज्यादा न लिहेव। <sup>14</sup>अउर सिपाही भी वहिते यहु पूछिन हम का करी ऊ वहिते कहिन कोई पूर उपदरव न किहेव, अउर न झूठ दोस लगायेव, अउर अपनी मंजूरी पर सन्तोस किहेव।

<sup>15</sup>जब लोग आप लगाये रहय अउर सब अपने—अपने मन मां यहुना के बारे में विचार करत रहय। कि कहूँ यहै मसीह तो न आय। <sup>16</sup>तौ यहुना उन सबते जवाबु मां कहिस कि हम तौ तुमका पानी ते बपतिसमा देइत हैं, मगर ऊ आवय वाला है, जउन हमते सक्तिसाली है। हम तौ ई लायक भी नाहीं हन कि वहिके जूतन का बांधि खोलि सकीं ऊ तुमका पवित्तर आतमा अउर आगि ते बपतिसमा देई।

<sup>17</sup>वहिका सूप वहिके हाथ मां है अउर ऊ आपन खलिहान अच्छी तरह से साफ करी अउर गोहूँ का अपने खते मां यकट्टा करी मगर भूसा का उइ आग मा जउन बुझी न जलाय देई। <sup>18</sup>सो वहु बहुतेरी सिच्छा दै—दै के लोगन का खुसखबरी सुनावत रहा।

<sup>19</sup>मुला उसने चौथाई के राजा हेरोदेस का वहिके भाई फिलिप्पुस की बहुरिया हेरोदियास के बारे मां अउर सब कुकरमन के बारे मां जउन उइ किहिन रहय डांट—फटकार दिहिस। <sup>20</sup>यही तई हेरोदेस उन सबते बढ़कर यहु कुकरम किहिन कि यहुना का जेल मा डारि दिहिन।

### यीसु केर बपतिसमा अउर बंसावली

<sup>21</sup>जब कुल मनई बपतिसमा लिहिन अउर यीसु बपतिसमा लय कय पराथना करत रहय तौ आकास खुलि गवा। <sup>22</sup>अउर पवित्तर आतमा सारीरिक रूप मां कबूतर की नाई वहि पर उतरा अउर यह आकासवानी भय कि तुम हमार दुलरवा बेटवा आव हम परसन्न हैं।

<sup>23</sup>जब यीसु उपदेसु करय लागि तौ लगभग तीस साल का रहय, अउर यूसुफ क बेटवा रहय अउर यूसुफ एलीकेर।

<sup>24</sup>अउर ऊ मतान्त का, अउर लेवी का, अउर ऊ मलकी का, अउर ऊ मन्ना का, अउर ऊ यूसुफ का।

<sup>25</sup>अउर ऊ मतिन्याह का, अउर ऊ आमोस का, अउर ऊ नहूम का, अउर ऊ असल्यास का, अउर ऊ नोगह का।

<sup>26</sup>अउर ऊ मात का अउर ऊ अनिन्याह का, अउर ऊ सिमी का, अउर ऊ योसेफ का, अउर ऊ योवाह का।

<sup>27</sup>अउर ऊ यहुन्ना का अउर ऊ रेसा का, आर ऊ जरुब्बाविल का, अउर ऊ सब्तियेल का, अउर ऊ नेरी का।

<sup>28</sup>अउर ऊ मलकी का, अउर ऊ अद्दी का, अउर ऊ कोसाम का, अउर ऊ इलगोदाम का अउर ऊ एरा का।

<sup>29</sup>अउर ऊ यीसु का अउर ऊ इलाजार का, अउर ऊ मन्तात का, अउर ऊ लेवी का।

<sup>30</sup>अउर ऊ समौन का, अउर ऊ यहूदाह का, अउर ऊ यूसुफ का, अउर ऊ योनान का, अउर ऊ इलया कीन का।

<sup>31</sup>अउर ऊ मलेसाह का, अउर ऊ अभिन्नाह का, अउर ऊ मन्ताता का, अउर ऊ नातान का, अउर ऊ दाउद का। <sup>32</sup>अउर ऊ यिसै का, अउर ऊ ओवेद का, अउर ऊ बोअज का, अउर ऊ सुलेमान का, अउर ऊ नहशौन का।

<sup>33</sup>अउर ऊ अम्मी नादाब का, अउर ऊ अरनी का, अउर ऊ हिसरोन का, अउर ऊ फिरिस का, अउर ऊ यहूदाह का। <sup>34</sup>अउर ऊ याकूब का, अउर ऊ इसहाक का, अउर ऊ अबराम का, अउर ऊ तिरह का, अउर ऊ नाहोर का।

<sup>35</sup>अउर ऊ सरग का, अउर ऊ रउफ का, अउर ऊ फिलिंग का, अउर ऊ एविर का, अउर ऊ सिलह का।

<sup>36</sup>अउर ऊ केनान का, अउर ऊ अरफजद का, अउर ऊ सेम का, अउर ऊ नूह का, अउर ऊ लिमिक का।

<sup>37</sup>अउर ऊ यथूसिलह का अउर ऊ हनोक का, अउर ऊ पिरिद का, अउर ऊ महलेल का, अउर ऊ केनान का। <sup>38</sup>अउर ऊ इनोस का, अउर ऊ सेत का, अउर ऊ आदम का, अउर ऊ परमेसुर का रहय।

### यीसु केर परिच्छा

**4** फिर यीसु पवित्र आतमा से भरा हुआ यरदन ते लौटा अउर चालीस दिन आतमा के सिखावय से जंगल मा फिरत रहा अउर सैतान वहिकी परिच्छा करत रहय <sup>2</sup>उइ दिनन मां ऊ कुछु नाही खइस अउर जब उन दिन पूरे होइगे तौ वहिके भूख लगी।

<sup>3</sup>अउर सैतान वहिते कहिस यदि तुम परमेसुर के बेटवा हय तौ ई पाथर से कहय कि रोटी बन जाय।

<sup>4</sup>यीसु वहिते कहिन कि लिखा हवै कि मनई खाली रोटी ते जिन्दा न रही।

<sup>5</sup>तब सैतान ऊ का लै गवा अउर पलभर मां वहिका सारे राज दे खाइस। <sup>6</sup>अउर ऊ ते कहिस हम यू सब अधिकार अउर इनका विभव तुमका द्यावै काहे ते यहु हमका सौपा गवा है अउर हम जेहिका

चाहित है वहिका देत है। <sup>7</sup>यही तई अगर तुम हमका परनाम करब तौ यू सब तुमार होय जाइ।

<sup>8</sup>यीसु वहिका जवाबु दिहिन लिखा है कि तुम परभु परमेसुर का परनाम करव अउर खाली वही केर उपासना करव।

<sup>9</sup>तब ऊ वहिका यरुसलेम लय जाय कय मंदिर के सबसे ऊँचा चोटी पर खड़ा किहिस अउर वहिते कहिस यदि तुम परमेसुर के बेटवा आव तब अपने कइहां हियां से नीचे गिराय दियब। <sup>10</sup>काहे ते लिखा है कि ऊ तुमरे बारे मां सरग दूतन का आगया देइ कि उइ तुमारि रक्छा करयं

<sup>11</sup>अउर उई तुमका हाथों हाथ उठाय लेहय अइसन न होई कि कउनेउ पत्थर ते तुमरे पांव मा चोट लागय।

<sup>12</sup>यीसु वहिका जवाबु दिहिन यहव कहा गवा है कि तुम अपने परभु परमेसुर केर परिच्छा न किहैव।

<sup>13</sup>जब सैतान सब परिच्छा कय चुका तब कुछु देर तई वहिके पास से चला गया।

### नासरत यीसु केर अस्वीकार

<sup>14</sup>फिर यीसु आतमा की सामरथ से भरा भवा गलीलन का लौटा अउर वहिकी बखान आस—पास के सगरे देस मां फैलि गय। <sup>15</sup>अउर ऊ उनकी उपासना घरन मां उपदेसु करत रहय अउर सब वहिकी बड़ाई करत रहय।

<sup>16</sup>अउर ऊ नासरत मां जहां पाला पोसा गवा रहय अउर अपनी रीति के अनुसार सत के दिन उपासना घर मां जाय कय पढ़य के तई खड़ा भवा। <sup>17</sup>यसायाह भबिस्यवक्ता के किताब वहिका दीन गय अउर ऊ उई किताब का खोलिकय वा जगह निकारिस जहां पर लिखा रहय।

<sup>18</sup>कि परभु केर आतमा हम पर हवै यहि केर लिए ऊ हमका कंगालन का खुसखबरी सुनावय के तई अभिसेकु किहिस है। अउर हमका यही की भेजिस है कि बन्धुअन का छुटकारे का अउर अंधरन का दिरिस्टी पावय का खुसखबरी परचारु करी अउर कुचले हुएन का छोड़ाइ।

<sup>19</sup>अउर परभु के परसन्न रहय केर साल का परचारु करु।

<sup>20</sup>तब ऊ किताब बन्द करिकय सेवक क हाथे मां दय दिहिस अउर बइठगा अउर आराधनालय की सब लोगन कै नजर वहि पर लगी रहय। <sup>21</sup>तब ऊ उनसे कहय लाग कि आजय यू लोग तुमरे सामने पूरा भवा हय।

<sup>22</sup>अउर सब वहिका सराहिन अउर जउन अनुग्रह केर बातय वहिके मुंहते निकरत रहय वहिते अचरज किहिन अउर कहय लाग कि का यहू यूसुफ क्यार बेटवा ना आय।

<sup>23</sup>ऊ वहिते कहस कि तुम हम पर या कहावत जरूर कहिहव कि हे वैद्य अपने आय का नीक करब जउन कछु हम सुने कि कफरनहूम मा कीन गवा है। वहिका हियां अपने देस मां भी करब।

<sup>24</sup>अउर ऊ कहिस कि कोई भविसवानी करै वाला अपने देस मां मानु—सम्मानु नाही पावत है। <sup>25</sup>अउर हम तुम ते सांचि कहत है कि एलिय्याह के जमाने मां जब साढ़े तीन साल का आकासु बन्द रहय, हियां तक कि सगरे देस मां बड़ा अकाल परा तौ इसराएल मां बहुत सारी विधवाएं रहय। <sup>26</sup>मगर एलिय्याह वहिमा ते कउनेउ के पास नाही भेजा गवा केव सैदा के सारफत मां एक विधवा के पास। <sup>27</sup>अउर इलीसा भविसवकता के वखत इसराएल मां बहुत से कोड़ी रहय मगर नामान सुरयानी का दोड़िकय अउर काहू का सुद्ध नाही कीन गवा।

<sup>28</sup>ई बातय सुनतय जेतने आराधनालय मां रहय सब किरौधु ते भरि गय। <sup>29</sup>अउर उठिकय वहिका नगर ते बाहर निकारिन अउर पहार पर उनका नगर बसा रहय वहिकी चोटी पर लै चले कि वहिका हुआ ते नीचे गिराय देवय। <sup>30</sup>पर वहु उने बीच ते निकरि कय चला गवा।

**यीसु दुस्त आतमा कइहन निकारात है**

<sup>31</sup>फिर वहु गलील के कफरनहूम नगर मां गवा अउर सबत के दिन लोगन का उपदेसु दियत रहय। <sup>32</sup>उइ वहिका उपदेसु सुनिकय चकित भये काहे ते वहिका बचनु अधिकार सहित रहय।

<sup>33</sup>आराधनालय मा एकु मनई जेहिमा असुद्ध आतमा रहय। <sup>34</sup>ऊ ऊँचे सबद से चिल्लाय उठा हे यीसु नासरी हमका तुमते कउन काम का तुम हमका नास करय आय हव, हम तुमका जानित है कि तुम कउन हो तुम परमेसुर का पवित्तर जन है।

<sup>35</sup>यीसु वहिका डपट कय कहिन चुप रहव अउर वहिमा से निकरि जाव। तब दुस्त आतमा वहिका बीच मां पटक कय बिना नुकसान किहे वहिमा ते निकरि गय।

<sup>36</sup>ई पर सबका अचरजु भवा अउर उई आपस मां बातय करिकय कहय लागि यू कइसन बचन है कि ऊ अधिकार अउर सामरथ के साथ दुस्त आतमन का आग्या दियत है। अउर उइ निकरि

जाती है। <sup>37</sup>सो चारिउ तरफ हर जगह वहिका धूम मचि गवा।

**यीसु लोगन केर चंगा किहिन**

<sup>38</sup>ऊ आराधनालय से उठिकय समौन के घर गवा अउर समौन की सासु के बुखारु चढ़ा रहय, अउर उइ वहिकी तई ऊ से विनती किहिन। <sup>39</sup>ऊ वहिके नेरे जायकय बुखारु का डांटिस अउर ऊ वहि पर से उतरि गवा अउर वहु तुरन्तय उठिकय उनकय सेवा टहल करय लागि।

<sup>40</sup>सूरज डूबत बखत जो—जो लोगन नाना परकार की बीमारिन मा परे रहय उइ सब उनका ऊ के पास लाये अउर ऊ एक—एक पर हाथ रखिकय उनका चंगा किहिस। <sup>41</sup>अउर दुस्त आतमा चिल्लात अउर यू कहत भय कि तु परमेसुर का बेटवा आय बहुतन मइसे निकरि गय मगर ऊ उनका डांटत अउर बोलय नाही दियत रहय काहे ते उइ जानत रहय कि यू मसीह आय।

<sup>42</sup>जब दिन भवा तब वहु निकरिकय अगली जगह गवा अउर भीड़ की भीड़ वहिका ढूँढति हुइ वहिके पास आई अउर ऊ का रोकय लागि कि हमरे पास से जाव। <sup>43</sup>मगर ऊ वहिते कहिस हमका अउर नगरन मां भी परमेसुर के राज का खुसखबरी सुनाउब जरूरी है काहे ते हम यहीं की तइ भेजे गयेन हैं। <sup>44</sup>अउर ऊ गलील के आराधनालय मां परचारु करत रहा।

**पहिले चेलन केर बुलाइन**

**5**जब भीड़ वहि पर गिरि परत रहय अउर परमेसुर का बचन सुनत रहय अउर ऊ गने सरत की झील के किनारे खड़ा रहय तौ अइसन भवा। <sup>2</sup>कि ऊ झील के किनारे पर दुइ नावें लागि देखिस अउर मछेरे वहिते उतरि कय जलु धोवत रहय। <sup>3</sup>उइ नावन मइसे एकु पर जउन समौन केर रहय चढ़िकय ऊ उससे विनती किहिस किनारे से थोड़ा हटालइ चलय तब ऊ नाव पर बैठिकय लोगन क उपदेसु दियय लागि।

<sup>4</sup>जब ऊ बताय करि चुका तौ ऊ समौन से कहिस गहिरे मां चलव अउर मछरी पकरय के तई आपन जालु डारव।

<sup>5</sup>समौन वहिका जवाबु दिहिस हे सुवामी सारी रात मेहनत कीन अउर कुछ नाही पकरि पायेन मगर तुमर कहे से जालु डारव।

<sup>6</sup>जब ऊ अइसन किहिस तौ बहुत सारी मछरी घेरि लाये अउर वहिका जालु फाटय लागि। <sup>7</sup>यहि पर ऊ

अपने साथिन का जउन दूसरी नाव पै रहय इसारा किहिस कि आयकय हमारि मदद करव अउर उइ आयकय दूसरी नाव हियां तक भर लिहिन कि उइ डूबय लागी।

<sup>8</sup>यू देखिकय समौन पतरस यीसु के पावन पर गिरा अउर कहिस हे परभु हमरे पास से जाव काहे ते हम पापी मनई हन। <sup>9</sup>काहे ते यतनी मछरी के पकरे जाय से वहिका अउर वहिके साथिन का अचरज भवा।

<sup>10</sup>अउर वइसन ही जबदी के लरिकन याकूब अउर यहुना का भी जउन समौन के सहभागी रहय, अचरजु हुआ। तब यीसु समौन ते कहिन डेराव न अब ते तुम मनई का जिन्दा पकरिहव। <sup>11</sup>अउर उइ नावन का किनारे पर लाये अउर सब कुछ छोड़ि कय वहिके पीछे होई लिहिन।

#### कुस्ट रोगी कइहन नीक किहिन

<sup>12</sup>जब उइ कउनेउ नगर मा रहय तौ देखव अउर हुवां कोढ़ से भरा एकु मनई रहय। अउर ऊ यीसु का देखिकय मुहि के बल गिरा अउर विनती किहिस कि हे परभु अगर तुम चाहव तौ हमका सुद्ध करि सकत हव।

<sup>13</sup>ऊ वहिका हाथ बढ़ाय क छुइस अउर कहिस हम चाहित है तुम सुद्ध हो जाव अउर वहिका कोढ़ तुरन्तय ठीक होइगा।

<sup>14</sup>तब ऊ वहिका चिताइस कि कोई से कहेव न मगर जाय कय अपने आपका याजक का दिखावउ अउर अपने सुद्ध हुवय के बारे मां जउन कुछ मूसा चढ़ावा ठहराइन रहय ऊ चढ़ावौ कि उन पर गवाही होय।

<sup>15</sup>मगर वहिकी चरचा अउर भी फैल गय, अउर भीड़ कै भीड़ वहिकी सुनय के तई अउर बीमारी से चंगा हुवय के तई इकट्ठी हुइ गय। <sup>16</sup>मगर ऊ जंगलन मां जाय कय अलग पराथना कीन करत रहय।

#### यीसु अपाहिज केर चंगा किहिन

<sup>17</sup>अउर एकु दिन अइसन भवा कि ऊ उपदेसु दियत रहय अउर फरीसी अउर बेवस्था के आचार्य हुवां बइठे रहय जउन गलील अउर यहूदिया के हर गांव ते अउर यरुसलेम से लाये रहन अउर चंगा करय के तई परभु के सामरथ उनके साथ रहय। <sup>18</sup>अउर देखव कइ मनई एकु मनई का जउन लकवा का मारा रहय खटिया पर लाये अउर उइ

वहिका भीतर लय जाय अउर यीसु के सामने लय जाय क उपाय दूढ़त रहय। <sup>19</sup>अउर जब भीड़ कै कारन वहिका भीतर नाहीं लै जाय पाइन तौ उइ कोठे पर चढ़िकय अउर खपरैल हटाय कय वहिका खटिया सहित बीच मां यीसु के सामने उतार दिहिन।

<sup>20</sup>वहु वहिका विसवासु देखिकय वहिते कहिस हे मानव तुमार पाप माफु भये।

<sup>21</sup>तब सास्तरी अउर फरीसी विवाद करय लागि कि यहु कउन हय जउन परमेसुर केर बुराई करत है। परमेसुर का छोड़ि कउन पापन का माफु करा सकत है।

<sup>22</sup>यीसु उनके मन की बातय जानि कय वहिते कहिन कि तुम अपने मन का विवादु करत हव। <sup>23</sup>सहज का है का यू कहव कि तुमार पाप माफु हुइगै या यू कहव कि उठव अउर चलव—फिरव। <sup>24</sup>मगर ई की तई तुम जानव कि मनई के बेटवा का धरती पर पाप माफु करय का अधिकारु है। उसने लकवा के मारे हुए मनई से कहिस। हम तुमते कहित है उठव, अउर आपनि खटिया उठाय कय अपने घर केर चले जाव। <sup>25</sup>वहु तुरंत उइके समूहे उठा अउर जेहि पर ऊ परा रहय वहिका उठाय कय परमेसुर की बड़ाई करत अपने घर चला गवा। <sup>26</sup>तब सब चकित भये अउर परमेसुर के बड़ाई करै लाग अउर बहुत डेराय कय कहय लागि कि आजु हम अनोखी बातय देखेन हैं।

#### लेवी केर बुलउव्वा

<sup>27</sup>अउर यहिके बाद ऊ बाहर गवा अउर लेवी नाम एकु चुंगी लियय वाले का चुंगी की चौकी पर बइठ देखिस अउर वहिते कहिस कि हमरे पीछे होय लियव। <sup>28</sup>तब वहु सब कुछ छोड़ि कय उठा अउर उइके पीछे हुइ लिहिस।

<sup>29</sup>अउर लेवी वहिके तई अपने घर मा बड़ी जेवनार किहिस अउर चुंगी लियय वालेन की अउर औरन की जउन वहिक साथ भोजन करय बइठ रहय एक बड़ी भीड़ रहय। <sup>30</sup>अउर फरीसी अउर उनके सास्त्री वहिके चलन से यू कहिकय कुड़कुड़ाय लागि कि तुम चुंगी लियय वालेन अउर पापिन के साथे काहे खात पियत हौ।

<sup>31</sup>यीसु उनका जवाबु दिहिन कि वहु भले अउर चंगन का नाहीं है मगर बीमारन के तई जरूर है। <sup>32</sup>हम धरमिन का नाहीं मगर पापिन का मन फिरावय केर तई बुलावय आयेन हैं।



**उपवास केर परसन**

<sup>33</sup>अउर उइ उससे कहिन कि यहुन्ना केर चेला तौ बेर—बेर कहत अउर पराथना कीन करत रहय अउर वइसनय फरीसियन के भी। मगर, तुमार चेला तौ खात—पियत है।

<sup>34</sup>यीसु वहिते कहिन का तुम बरातियन ते जब तक तुम दुलहा उनके साथ रहय उपवासु करवाय सकत है। <sup>35</sup>मगर उइ दिन अइहयं जिनमां दुलहा वहिते अलग कीन जाई तब उइ उन दिनन मां उपवासु करिहय।

<sup>36</sup>ऊ वहिते एकु अउर मसल कहिस क उनद मनई नये पहिरावन मइ से फारि कय पुराने पहिरावन मां चकती नाहीं लगावत हय नाहीं तो नवा फटि जाई अउर ऊ चकती पुराने मा मेल नाहीं खात है। <sup>37</sup>अउर कोई नवा दाखरस पुरान मसकन मा नाहीं भरत है। नाहीं तो नया दाखरस मसकन का फाड़ि कय बहि जाई अउर मसकय भी नासु हुइ जइ हैं। <sup>38</sup>मगर नवा दाखरस नई मसकन मा भरय का चाहीं। <sup>39</sup>कउनउ मनई पुरान दाखरस पी कय नवा नाहीं चाहत है काहे ते ऊ कहत है कि पुरानय नीक है।

**बिसराम दिनवा केर परभु**

**6** फिर सबत के दिन बहु खेतन मा होइ कय जात रहय अउर वहिके चेले वाली तूरि—तूरि कय अउर हाथन मां मलिकय खात रहय। <sup>2</sup>तब फरीसिन मइ से कई एक कहय लाग तुम बहु काम काहे करत हव जउन सबत के दिन करब नीक नाहीं है।

<sup>3</sup>यीसु उनका जवाबु दिहिन का तुम यू नाहीं पढ़ेव कि दाउद ने जब ऊ अउर उनके साथी भूखे रहय तौ का किहिन। <sup>4</sup>ऊ काहे के तई परमेसुर के घर गवा अउर भेंट केर रोटी लय कय खाइस जउन खाना याजकन केर छोड़ि अउर कोई का उचित नाहीं है। अउर अपने साथिन का भी दिहिन। <sup>5</sup>अउर ऊ वहिते कहिस कि मनई का बेटवा सबत केर दिन का भी परभु है। <sup>6</sup>अउर अइसन भवा कि कउनउ अउर सबत केर दिन ऊ आराधनालय का जाय कै उपदेसु दियय लाग अउर हुवां एक मनई रहय जेहिका दहिना हाथ सूखा रहय। <sup>7</sup>सास्त्री अउर फरीसी वहि पर दोसु लगावय के तई वहिकी ताक मा रहय कि देखव ऊ सबत के दिन चंगा करत हय कि नाहीं। <sup>8</sup>मगर ऊ उनके विचारु जानत रहय यही तई ऊ सूखे हाथ वाले मनई ते कहिस उठव बीच मां खड़े हुवय ऊ उठि खड़ा भवा।

<sup>9</sup>भीर उससे कहिन हम तुमते यहू पूछित है कि

सबत केर दिन का उचित है भला करब या बुरा करब परान का बचाउव या नासु करब।

<sup>10</sup>अउर ऊ चारिउ ओर देखि कय उन सबन केर ऊ मनई से कहिस आपन हाथ बढ़ाउ ऊ अइसन कहिस अउर वहिका हाथ फिर चंगा होइगा। <sup>11</sup>मगर उइ आपे से बाहर होइ कय आपस मां बहसे लागय कि हम यीसु के साथ का करीं।

**बारह चेलवन केर नमवा**

<sup>12</sup>अउर उई दिनन मां ऊ पहारु पर पराथना करय के तई निकरा अउर परमेसुर से पराथना करय मा सारी रात बिता दिहिस। <sup>13</sup>जब दिन भवा तब ऊ अपने चेलन का बुलायकय बारह उनमा ते चुनि लिहिस अउर उनका परेरितन कहिस। <sup>14</sup>अउर उइ ई आय समौन जेहिका नाम ऊ पतरस रखिस अउर वहिका भाई अन्द्रियास अउर याकूब अउर यहुन्ना अउर फिलिपुस अउर बरतुलमै। <sup>15</sup>अउर मत्ती अउर थोमा अउर हलफई केर बेटवा याकूब अउर समौन जउन जेलोतेश कहावत रहय। <sup>16</sup>अउर याकूब का बेटवा अउर यहूदा इस करियोती जउन वहिका पकरावत वाला बना।

**आसीस अउर अभिसाप**

<sup>17</sup>तब ऊ उनके साथे उतरिकय चौरस जगह मा खड़ा भवा अउर वहिके चेलन केर बड़ी भीड़ अउर सारे यहूदिया अउर यरुसलेम अउर सूर अउर सैदा के समुदर के किनारे के लोग जउन वहिकी सुनय अउर अपनी बीमारिन से चंगा हुवय के तई आये रहय हुवां रहय। <sup>18</sup>अउर दुस्ट आतमन केर सताये लोग भी अच्छे कीन जात रहय। <sup>19</sup>अउर सब वहिका छुवय का चाहिन काहे ते वहिमा से सामरथ निकरि कय सब का चंगा करत रहय।

<sup>20</sup>जब ऊ अपने चेलन की तरफ देखिकय कहिस धन्य हौ तुम जउन दीन हैं काहे ते परमेसुर का राज तुरतय आय।

<sup>21</sup>धन्य हौ तुम जउन अब भूखे हैं काहे ते तिरपत कीन जइहैं धन्य है तुम जउन अब रोवत है हाके ते हसि हव।

<sup>22</sup>धन्य हौ तुम जउन मनई के बेटवा के कारन लोग तुमते बैर करिहय अउर तुमका निकारि देहयं अउर तुमरी निन्दा करि हयं अउर तुमरा नाम बुरा जानिकय काटि देहयं।

<sup>23</sup>उइ दिन खुसी होइ कय उछलेव काहे ते देखव तुमरे तई सरग मा बड़ा परतिफल है। उनके बाप—दादे

भविष्यकतन के साथे वइसन कीन करत रहय।

<sup>24</sup>मगर हाय तुम पर जउन धनवान होय काहे ते तुम अपनी सान्ती पाय चुके हव।

<sup>25</sup>हाय तुम पर जउन अब तिरपत हव काहे ते भूखे होइहव, हाय तुम पर जउन हंसत हव काहे ते सोक करिहव अउर रोईहव।

<sup>26</sup>हाय तुम पर जब सब मनई तुमका भला कहयं काहे ते उनके बाप—दादे झूठे भविष्यकतन के साथे अइसनय कीन करत रहय।

### दुसमनों ते पियार

<sup>27</sup>मगर हम तुम सुनय वालेन से कहित है कि अपने बैरिन ते पिरेम रखव जउन तुमको बैर करय वहिका भला करव। <sup>28</sup>जउन तुमका सराय दिययं वहिका असीसु दियय, जउन तुमार आपमानु करय वहिकी तई पराथना करव। <sup>29</sup>जउन तुमरे एक गाल पर थप्पर मारय वहिकी तरफ दुसरौ कयि दियव अउर जउन तुमारि दोहर छीन लियय वहिका कुरता लियय से भी न रोक्कव। <sup>30</sup>जो कोई तुमते मांगय वहिका दियव अउर जउन तुमते वस्तु छीन लियय वहिते न मांग। <sup>31</sup>अउर जइसन चाहत हौ कि मनई तुमरे साथे करय वइसनय तुम उनके साथे करव।

<sup>32</sup>अगर तुम अपने पिरेम रखय वालेन ते पिरेम किहेव तौका बड़ाई काहे ते पापी भी अपने पिरेम रखै वालेन से पिरेम रखत हय। <sup>33</sup>अउर अगर तुम आपनि भलाई करय वालेन का भला करत हव तौ तुमारि का बड़ाई काहे ते पापी भी अइसनय करत है। <sup>34</sup>अउर अगर तुम उनका उधार दियव जिनसे पावय केर आसा राखत हौ तौ तुम्हारि का बड़ाई काहे से पानी पापियन का उधार दियत है काहे ते वतनय फिर पावय। <sup>35</sup>वरन अपने सतरुअन ते पिरेम रखय अउर भलाई करव, अउर फिर पावय की आस न रखिकय उधार दियव अउर तुमरे तई बड़ा फल होई अउर तुम परम परधान केर सन्तान ठहरिहव काहे ते ऊ पर जउन धन्यवादु नहीं करत है। अउर बुरन पर भी किरपालु हय। <sup>36</sup>जइसन तुमार बाप दयावान है वइसनय तुमहूँ दयावान बनव।

### दूसर परे आरोप

<sup>37</sup>दोसु मत लगाऊ तौ तुम पर दोसु न लगाव जाई दोसी न ठहराऊ तौ तुमहूँ दोसी न ठहराये जइहौँ माफु करव तौ तुमहूँ माफु कीन जइहौँ। <sup>38</sup>दीन करव तौ तुमहूँ का दीन जाई लोग पूरा नाप दबाय—दबाय कय अउर हिलाय—हिलाय कय अउर उमरता हुआ

तुमरी गोद मां डारय काहे ते जउन नाप से तुम नापत हव वहिते तुमरी तई नापा जाई।

<sup>39</sup>फिर ऊ उनसे एक दिरिस्टान्त कहिस का अन्धा अन्धे का मारगु बताय सकत है? का दुनव गड़हा मा न गिरिहय? <sup>40</sup>चेला अपयं गुरु ते बड़ा नहीं मगर जो कोई सिद्ध होई ऊ अपने गुरु के समान होई।

<sup>41</sup>तुम अपने भाई की आंख का तिनका काहे देखत हव अउर अपरी आंख का लट्ठा तुमका नहीं सूझत हय? <sup>42</sup>जब तुमका अपनी आंख का लट्ठा नहीं सूझत है तो अपने भाई ते काहे कहत हौ कि हे भाई ठहर जाव तुमरी आंख के तिनका निकारि देई। हे कपटी पहिले अपनी आंख से लट्ठा निकाल तौ जउन तिनका तुमरे भाई की आंख मां हवै अच्छी देखिकय निकारि पइहव।

### एक बिरवा अउर उईके फल

<sup>43</sup>कोई अच्छा बिरवा नहीं जउन बुरा फल लावय अउर न तो कोई निकम्मा बिरवा है जउन अच्छा फल लावय। <sup>44</sup>हर एकु बिरवा अपने फल ते पहिचाना जात है काहे ते लोगु झाड़िन ते अंजीर नहीं तूरत अउर न झरबेरी ते अंगूर। <sup>45</sup>भलामानुस अपने भले मन के भन्डार ते भली बातय निकारत है काहे ते जउन मन मा भरा हवै वहे मुंह पर आवत हय।

### बुद्धिमान अउर बेवकूफ घरवा केर बनावै वाला

<sup>46</sup>जब तुम हमार कहा नहीं मानत हव तौ काहे हमका हे परभु हे परभु कहत हव। <sup>47</sup>जऊन कऊनों हमरे पास आवत है अउर हमरी बातय सुनिकय उनका मानत है हम तुमका बताइत है ऊ केहिके समान हवै। <sup>48</sup>ऊ उई मनई केर समान है जउन घर बनावत बखत गहरी जमीन खोदि कय चट्टान पर नींव डारिस अउर जब बाढ़ आई तौ धारा उई घर से लागि मगर हिलाय नहीं पाइस काहे ते ऊ पक्का बना रहय। <sup>49</sup>मगर जउन सुनि केर नाही मानत है ऊ उई मनई केर समान है जउन माटी पर बिना नींव केर घर बनाइस जब वहि पर धारा लागि तौ ऊ तुरन्तय गिर परा। अउर ऊ गिरिकय सत्यानासु होइगा।

### सूबेदारन केर बिसवासु

**7**जब ऊ लोगन का अपनी सगरी बातय सुनाय चुका तब ऊ कफरन हूम मां आवा। <sup>2</sup>अउर कऊनउ सैनिक अधिकारी जउन वहिका दासु जउन पिरिय रहय बीमारी ते मरय पर रहय। <sup>3</sup>ऊ यीसु केर

चरचा सुनिकय यहूदिन केर कई पुरनियन का वहितै यह विनती करय ऊ केर पास भेजिस आय कै हमरे दास का चंगा करय।<sup>4</sup>उइ इसू के पास आयकय बड़ी विनती किहिन अउर कहय लाग कि ऊई योग्य है कि तुम वहिके तई यहु करव।<sup>5</sup>काहे ते ऊ हमरी जाति से पिरेम रखत है अउर बहय हमरे आराधनालय का बनवाइस हय।<sup>6</sup>यीसु उनके साथे चला पर जब ऊ उइ घर से दूरि नाहीं रहय तौ सैनिक केर सूवेदार अपने दोस्तन से वहिका कहलाय भेजिन कि हे परभु दुख न उठाउ काहे ते हम ई जोगु नाहीं हन कि तुम हमरी छत के नीचे आऊ।<sup>7</sup>यही कारन हम अपने आप का ई लायक भी नाहीं समझेन कि तुमरे पार आई। पर वचन ही कहि दियव तौ हमार सेवकु चंगा होई जाइ।<sup>8</sup>हमहू पराधीन मनई हई अउर सिपाही हमरे हाथ मां हैं। अउर जब एक का कहित है कि जाव तौ ऊ जात है अउर दूसरे से कहित है कि आउ तो ऊ वहिका करत है।

<sup>9</sup>यू सुनिकय यीसु अचरज किहिन अउर उसने मुंह फेरि कय उइ भीड़ ते जउन उनके पीछे आवत रहय कहिन हम तुमते कहित है कि हम इसराएल मा भी अइसन विसवासु नाहीं पायेन।<sup>10</sup>अउर भेज भये लोग घर लौटि कय उइ दास का चंगा पायेन।

### यीसु विधवा औरत केर बेटावा कइसेनि किहिन जीवित

<sup>11</sup>थोड़े दिन के बाद ऊ नईम नाम के एक नगर मा गवा अउर वहिके चले अउर भीड़ वहिके साथ मा जात रहय।<sup>12</sup>जब ऊ नगर के फाटक के पास पहुंचा तो देखव लोग एक मुरदे का बाहर लिहे जात रहय जउन अपनी महतारी का इकलौता बेटावा रहय अउर वह विधवा रहय अउर नगर के बहुत लोग वहिके साथे रहय।<sup>13</sup>वहिका देखि कय परभु का बड़ा तरस आवा अउर उहिसे कहिन कि मत रोउ।<sup>14</sup>तब ऊ नेरे आयकय अरथी क छुइस अउर उठावय वाले रुकि गै तब ऊ कहिस हे जवान हम तुमते कहित है कि उठव।<sup>15</sup>तब ऊ मुरदा उठि कय बइठा अउर बोलय लाग अउर ऊ वहिका उनकी महतारी का सौंप दिहिस।

<sup>16</sup>यहिते सब डेराय गे अउर उइ परमेसुर के बड़ाई करिकै कहय लाग कि हमरे बीच मां एक बड़ा भविसवकता उठा है अउर परमेसुर अपने लोगन पर बड़ी किरपा दिरिस्टि किहिन।<sup>17</sup>अउर वहिके बारे में यह बात सारे यहूदिय अउर आस—पास के सगरे देस मां फैलि गवा।

### यीसु अउर यहुन्ना बपतिसमा देवे वाला

<sup>18</sup>अउर यहुन्ना का वहिके चलेन नेई सब बातन का समाचार दिहिन।<sup>19</sup>तब यहुन्ना अपने चेलन मइ से दुइ का बुलाय कय परभु के यू पूछय केतई भेजिस कि का आवय वाल तुमहिन अव या हम दुसरे केर बाट जोखी।

<sup>20</sup>उई ऊ के पास आयकय कहिन यहुन्ना बपतिसमा दियव वाले हमका तुमरे पासे यू पूछय के तई पढ़ाइन हैं कि का आवय वाले तुम ही हो या दुसरे के रासता देखयं।

<sup>21</sup>वही घरी ऊ बहुतन की बीमारी अउर पीड़ा अउर दुस्त आतमन से छुड़ाइस अउर बहुत से अन्धन का आंखी दिहिस।<sup>22</sup>अउर ऊ वहिते कहिस जउन कुछ तुम देखेव अउर सुनेव है जाय कय यहुन्ना से कहि दियव कि आंधर देखत है लंगड़ा चलत है कोढ़ी सुद्ध कीन जात है बहिरे सुनत हैं मुरदा जिन्दा कीन जात है अउर कंगालन का खुसखबरी सुनावा जात है।<sup>23</sup>अउर धन्य है ऊ जउन हमरे कारन ठोकर न खाय।

<sup>24</sup>जब यहुन्ना के भेजे गये लोग चल दिहिन तौ यीसु यहुन्ना के बारे मां कहय लाग कि तुम जंगल मां का देखय गये रहव का हवा से हालत हुए सरकन्डेन का।<sup>25</sup>तौ फिर तुम का देखय गये रहव का कोमल कपड़ा पहिने भये मनइन का देखव जउन भड़कीला कपड़ा पहिनत है अउर सुख—विकास ते रहत है उइ राज भवनन मां रहत हैं।<sup>26</sup>तौ फिर का देखय गये रहेव का कउनेउ भविसवकता का हां हम तुमते कहित है वरन भविसवकता से भी बड़े को।<sup>27</sup>यू वहय हय, जेहिके बारे मा लिखा हवै कि देखव हम आपन दूत कइहन आगे—आगे भेजित है जउन तुमरे आगे मारगवा सीध करी।<sup>28</sup>हम तुमते कहित आय जउन औरतन सइहन से जनमें है उनमा ते यहुन्ना से बड़ा कउनऊ नाहीं पर जउन परमेसुर के राज मां छोटे से छोट है ऊ वहिते भी बड़ा है।

<sup>29</sup>अउर सब साधारन मनइ सुनिकय अउर चुंगी लियव वाले यहुन्ना केर बपतिसमा लय कब परमेसुर के मान लिहिन।<sup>30</sup>पर फरीसी अउर, बेवस्थापकन ने वहि से बपतिसमा न लयकय परमेसुर केर मनसा का अपने बारे मां बेकार कर दिहिन।

<sup>31</sup>तौ हमई जुग के लोगन की उपमा केहिते देई कि उइ केहिके समान हवै।<sup>32</sup>उई उन बालकन केर समान हवै जउन बाजार मा बइठे हैं अउर कहत हैं।

कि हम तुमरे तई बांसुरी बजायेन अउर तुम ना नाचेव हम विलाप किहेन अउर तुम ना रोयेव।

<sup>33</sup>काहे ते यहुन्ना बपतिसमा दियय वाला न रोटी खात आवा न दाख रस पियत आवा अउर तुम कहत हौ कि वहिमा दुस्त आतमा हवै। <sup>34</sup>मनई का बेटवा खात—पियत आवा है अउर तुम कहत हौ देखव पेटू अउर पियक्कड़ मनई चुंगी लियय वालेन का अउर पापिन का दोस्त हवै। <sup>35</sup>पर ज्ञान अपनी सब सन्तानन से सांचु ठहरावा गवा है।

### यीसु पापिन औरत कइहन माफु दीन

<sup>36</sup>फिर कउनउ फरीसी वहिते विनती किहिस कि हमरे साथे भोजन करै सो वहु ऊ फरीसी के घर जाय कय भोजन करय बइठ। <sup>37</sup>अउर देखव उइ नगर कै एक पापिन औरत यू जानिकय कि ऊ फरीसी के घर मा भोजन करय बइठ है, संगमरमर के बरतन मां इतर लाई। <sup>38</sup>अउर वहिके पावन केर पासे पीछे ठार होइकै रोवत भये वहिके पावन का आंसू बन सइहन से भिगोवय अउर अपने सिर के बारन से पोछय लागि अउर वहिके पांव बार—बार चूमि कय वहि पर इतर मलिसि।

<sup>39</sup>यहु देखि कय बहुते फरीसी अउर वहिका बुलाइस रहय अपने मन मा सोचइ लाग यदि यहु भविसावकता हुवत तौ जान जात कि यहु जउन वहिका छुवत हवै वह कउन अउर कइसन औरत हवै काहे ते वह तौ पापनि आय।

<sup>40</sup>यू सुनिकय यीसु वहिके जवाबु मा कहिन कि हे समौन हमका कुछ तुमते कहय का है, ऊ बोला हे गुरू कहव।

<sup>41</sup>कउनउ महाजन केर दुइ देनदार रहय एक पांच सौ अउर दूसर पचास दीनार धरता रहय। <sup>42</sup>जबकि उनकेर पास लौटावय तई कछू नाहीं रहय, तौ ऊ दूनौ कइहन माफु कर दिहिस, सौ उनका से कउन अधिक पिरेम रखी?

<sup>43</sup>समौन जबाबु दिहिन हमरी समझ मा ऊ जेहिका ऊ अधिक छोड़ि दिहिस ऊ औसे कहिस तुम ठीक विचार किहेव हे।

<sup>44</sup>अउर उई औरत की तरफ फिर मय ऊ समौन से कहिस का तुम ई औरत का देखत हव हम तुमरे घरमा आयेन मगर तुम हमरे पांव धोवय का पानी नाहीं दिहेव पर यहु हमरे पांव आंसुवन ते भिगोइस अउर अपने बारन ते पोछिस। <sup>45</sup>तुम हमका चूमा नाहीं दिहेव मगर जबते हम आयेन है तब ते यह हमरे पांव का चूमय नाहीं छोड़िस। <sup>46</sup>तुम हमरे सिर पर तेल नहीं मलेव मगर यह हमरे गोड़वा पर इतर मलिसि है। <sup>47</sup>यही तई हम तुमते कहित है कि कह

यहिके पाप जउन बहुत रहय माफु होइगे काहे ते यह बहुतय पिरेम किहिस पर जेहिका थोड़ा माफु भवा है ऊ थोड़ा पिरेम करत हवै।

<sup>48</sup>अउर ऊ औरत ते कहिस कि तुमरे पाप माफु भवा है ऊ थोड़ा पिरेमे करत हवै।

<sup>49</sup>तब जउन लोग वहिके साथे भोजन करय बइठ रहय उइ अपने मन मां सोचय लागि कि यू कउन हवै जउन पापिन का भी माफु करत हवै।

<sup>50</sup>पर ऊ औरत ते कहिस तुमरे विसवासु ने तुमका बचाय लिहिस कुसल से चली जाव।

### बीज बोने वालेन केर दिरिस्तान्त

**8** यहि के बाद ऊ नगर—नगर अउर गांव—गांव परचारु करत अउर परमेसुर के राज का खुसखबरी सुनावय लाग। <sup>2</sup>अउर उइ बारह वहिके साथे रहय अउर केतानिउ औरतें जउन दुस्त आतमन से अउर बीमारिन ते छुड़ाई गई रहय अउर उई ई आय मरियम जउन मगदलीनी कहावत रहय जेहिमा ते सात दुस्त आतमाएं निकरी रहय। <sup>3</sup>अउर हेरोदेस केर भन्डारी खोजा केर मेहरिया यहुन्ना अउर यहुन्ना अउर बहुत सारी मेहरिया ई तौ अपनी सम्पत्ति से वहिकी सेवा करति रहय।

<sup>4</sup>जब बहुत भीड़ इकट्ठी भई अउर नगर—नगर केर लोग वहिके पास आवत रहय तौ ऊ एक उदाहरनु मा कहिस। <sup>5</sup>कि एक बोवय वाला बीज बोयय निकरा बोवत भये कुछ बीज मारग केर किनारे गिरे अउर रौंदा गवा अउर आकास केर पंछी लोग वहिका चुन लिहिन। <sup>6</sup>अउर कुछ चट्टान पर गिरा अउर उपजा मगर तरी न पावय से सूखि गवा। <sup>7</sup>कुछ झाड़िन केर बीच मां गिरा अउर झाड़ी साथ—साथ बढ़िकय वहिका दवाय लिहिन। <sup>8</sup>अउर कुछ अच्छी जमीन पै गिरा, उगिकय सौगुना फल पाइस यु कहिकय ऊ ऊंचे सब्दन मा कहिस जेहिक कान हुवय वहु सुन लियय।

<sup>9</sup>वहिके चेला उहिते पूछिन यहु दिरिस्तान्त का है ऊ कहिस। <sup>10</sup>तुमका परमेसुर केर राज केर भेदन केर समझ दीन गय है पर औरन का दृस्तान्तन मा सुनावा जात हे यहिकी तई कि उई देखत भये नाहीं देखत हे अउर सुनत भये नाहीं समझत हवै।

<sup>11</sup>दिरिस्तान्त ई है बीजु तौ परमेसुर केर बचनु आय। <sup>12</sup>मारग केर किनारे उई आय जउन सुनिन तव सैतान आयकय इनके मन ते बचन उठाय लय जात है कि कहुं अइसन न हुवय कि उइ विसवासु करिकय उद्धार पावइ। <sup>13</sup>चट्टान पर केर उई अहीं कि जब उई

सुनत है तौ आनन्द से बचन का गरहन करत हैं मगर जड़न पकरे तो उई थोड़ी देर बिसवासु करत है अउर परिच्छा केर समय वहकी जात है।<sup>14</sup>जउन झाड़िन मा गिरा तउन की अही जउन सुनत है मगर दुवत—दुवत चिन्ता अउर धन अउर जीवन केर सुख अउर बिसवासु मां फसि जात है।<sup>15</sup>पर अच्छी जमीन मइके उइ है जउन वचन सुनिकय भले अउर उत्तम मन मां सम्हारे रहत है अउर धीरज से फल लावत है।

### दिया दिवट पै

<sup>16</sup>कोई दिया बारि केर बरतन से नाहीं छिपावत है, अउर न खटिया केर नीचे रखत है। मगर डीवट पै रखत है कि भीतर आवय वाले परकास पावय।<sup>17</sup>कुछ छिपा नाहीं जउन परगट न हुवय अउर न कुछ गुप्त है जउन जाना न जाय अउर परगट न हुवय।<sup>18</sup>यहिते चौकस रहेव कि तुम कउनी रीति ते सुनत हौ काहे ते जेहिके पास हवै वही का अउर दीन जाई अउर जेहिके पास नाहीं है वहिते बहव लै लीन जेहिका ऊ आपन समझत है।

### यीसु केर भाई अउर महतारी

<sup>19</sup>वहिकी महतारी अउर भाई वही केर पास आए मगर भीड़ केर कारन वहिते भंटे नाहीं करि सकय।<sup>20</sup>अउर वहिते कहा गवा कि तुम्हारि महतारी अउर तुमार भाई बाहर खड़े हवै, उई तुमते मिला चाहत हवै।

<sup>21</sup>ऊ वहिके जवाबु में वहिते कहिस कि हमार महतारी अउर हमार भाई इनहिन आप जउन परमेसुर क वचन सुनत अउर मानत है।

### यीसु तूफान कइहन सान्त किहिन

<sup>22</sup>फिर एक दिन ऊ अउर वहिके चेला नाव पर चढ़े अउर ऊ वहिते कहिस कि आऊ झील केर पार चलें सो उइ नावै खोलि दिहिन।<sup>23</sup>पर जब नाव चलत रहय तब वहु सोइ गवा, अउर झील पर आंधी आई अउर नाव पानी ते भरे लागि, अउर उइ जोखिम मा रहय।

<sup>24</sup>तब उइ नेरे आइकय वहिका जगाइन अउर कहिन सुवामी हम नासु हुवे जाइत है।

तब उई उठिकय पानी की लहरन का डाटिस अउर ऊ थमि गै अउर चैन हुइ गै।<sup>25</sup>अउर उई वहिते कहिस तुमार बिसवासु कहां रहय, पर उई डेराय गय अउर अचम्भित होइके आपसु मा कहै लागि। यु कउन हवै कि जउन अचरज आंधी अउर पानी का भी

आग्या दियत हवै। अउर उई वहिकै मानत है।

### दुस्ट आतमवा सइहन यक मनइ कइहन नीक किहिन

<sup>26</sup>फिर ऊ गिरा सोनियो केर देस मां पहुंचे, जउन उई पार गलील केर सामने रहय,<sup>27</sup>जब उई किनारे पर उतरा तब उई नगर का एक मनई वहिका मिला जेहिमा दुस्ट आतमाएं रहयं। अउर बहुत दिन से न कपड़ा पहिनत रहय न घर मा रहत रहय। वरन् कबरन मा रहा करत रहय।<sup>28</sup>वहु यीसु का देखि कय चिल्लानु अउर वहिके सामने गिरि कय ऊचे सबदन मां कहिस, हे परम परधान परमेसुर केर बेटवा, यीसु हमका तुमते कउन काम हम तुम्हार विनती करित है कि हमका पीरा न दिहेव।<sup>29</sup>काहे ते उई दुस्ट आतमा का उई मनइन मा ते निकरय केर आग्या दियत रहय, ई की तई ऊ बार—बार वहिके ऊपर परबल हुवत रहय।

<sup>30</sup>यीसु वहिते पूछिन तुमार का नाम है ऊ कहिस सेना काहे से दुस्ट आतमाएं उहिमा पैठि गये रहयं।

<sup>31</sup>अउर उई उससे विनती किहिस कि हमका अथाह गड़हा मां जाये का आग्या न दिहेव।

<sup>32</sup>हुवां पहारु पर सुअरन केर एक बिसाल झुन्ड चरत रहय, सो उइ विनती किहिन कि हमका उनका पैठे दियव ऊ उनका जाए दिहिस।

<sup>33</sup>तब दुस्ट आतमाएं उइ मनई ते निकरि कय सुअरन मां गई अउर ऊ झुंड करारे पर ते झपट केर झील मे जाय गिरा।

<sup>34</sup>चरवाहे यू जउन भवा देखिकय भागे, अउर नगर मां गावन मा जायके वहिका समाचार कहिस।

<sup>35</sup>अउर लोग जउन भवा रहै वहिका देखिकय निकरे अउर यीसु केर पास आय कय जउन मनई ते दुस्ट आतमाएं वहिका यीसु केर पावन केर नेरे कपड़ा पहिने अउर सचेत बैठ पय केर डेराय गये।<sup>36</sup>अउर देखय वाले उनका बताइन कि ऊ दुस्ट आतमा का सतावा गवा मनई की मेर अच्छा भवा हय।<sup>37</sup>तब गिरासेनियो केर आसपास केर सब लोग यीसु ते विनती किहिन कि हमरे हियां ते चले जाओं, काहे ते ऊ बहुते डेराय गय सो उइ नाव पर चढ़िकय लौटि गवा।

<sup>38</sup>जउन मनई से दुस्ट आतमाएं निकरी रहै ऊ वहिते विनती किहिस कि हमका अपने साथ रहय दियेव, मगर यीसु वहिका विदा करिकय कहिन।

<sup>39</sup>अपने घर का लौटि जाव, अउर लोगन ते कहि दियेव कि परमेसुर तुमरे तई कितने बड़े—बड़े काम किहिन हयं, ऊ जाय कय सारे नगर मां परचार करै

लागि। कि यीसु हमरे तइ कितने बड़े-बड़े काम किहिन।

### बीमार औरत अउर मरी हुयी लड़की कइहन नीक किहिन

<sup>40</sup>जब यीसु लौटत रहै तब लोग वहिते आनन्द से मिले, काहे से ऊ सब वहिकी रास्ता देखत रहय। <sup>41</sup>अउर देखव याईर नाम का एक मनई जउन आराधनालय का सरदार रहय आवा, अउर यीसु केर पावन पर गिरि कय विनती करय लागि कि हमरे घर चलव। <sup>42</sup>काहे ते वहिके बारह बरस के एक बिटिया रहय अउर वह मरय पर रहय जब ऊ जात रहय, तब लोग वहि पर गिरे परत रहय। <sup>43</sup>अउर एक औरत जेहिके बारह बरस ते लोहू बहे केर बीमारी रहय अउर जउन अपनी सारी जीविका वैदन केर पीछे खरच कर चुकी हरय। तवौ कउनेउ हाथन से चंगी नाई भय। <sup>44</sup>पीछे से आय कय वहिके कपड़ा का आंचरू छुइसि अउर तुरंतय वहिका लोहू बन्द होइगै।

<sup>45</sup>यहि पर यीसु कहिन हमका को छुवा जब सब मुकरै लाग तौ पतरस अउर वहिके साथी कहिन हे सुवामी तुमका तौ भीड़ दबाय रही हय अउर तुम पर गिरि परत हय।

<sup>46</sup>मगर यीसु कहिन कोई हमका छुइस है काहे ते हम जानि लिहिन है कि हममा से सामरथ निकरी हय।

<sup>47</sup>जब औरत देखिस कि हम छिप न पड़बै कापति भय आई अउर वहिके पावन पर गिरि कय सब लोगन के सामने बताइस कि हम कउनके कारन से तुमका छुएन कैसन तुरंतय ठीक होइगै। <sup>48</sup>ऊ उससे कहिस बेटी तोहार विसवासु तुमका चंगा किहिस। कुसल से चली जाओ।

<sup>49</sup>यहु कहतय रहय कि कउनउ आयकय आराधनालय केर सरदार केर हियां आय कय कहिस तुमार बिटिया मरि गय, गुरु का दुख न दियव।

<sup>50</sup>यीसु यह सुनिकय वहिका जवाबु दिहिन मत डेराव केवल विसवासु रखव तब वह बचि जाई।

<sup>51</sup>घर मा आय कय ऊ पतरस अउर यहुन्ना अउर याकूब अउर लड़की केर महतारी बाप को छोड़ि कय अउर कोई का अपने साथे भीतर आवे नाहीं दिहिस।

<sup>52</sup>अउर ऊ सब वहिकी तई रोवत पीटत रहय मगर वहु कहिस रोवउ न वा मरी नाहीं हय वा सोवत है।

<sup>53</sup>उई यू जानिकय कि मरि गई है वहिकी हंसी करन लागि। <sup>54</sup>मगर ऊ वहिका हाथ पकरिस अउर पुकारि कय कहिस हे लड़की उठ। <sup>55</sup>तब वहिके

परान फिर आए अउर वा तुरन्तय उठि गय। फिर ऊ आग्या दिहिन कि ईका कुछ खाये का दीन जाय। <sup>56</sup>वहिके महतारी बाप चकित भये। मगर ऊ उनका चिताइस कि यू जउन भवा हे कहू ते कहेव ना।

### यीसु बारह चेलवन कईहन भेजिन

<sup>9</sup>फिर उइ बारहों का बुलाई कय उनका सब दुस्त आतमा अउर बीमारी दुर करय की सामरथ अउर अधिकार दिहिन। <sup>2</sup>अउर उनका परमेसुर की राज का परचार करे अउर रोगी बीमारन का अच्छा करय केतई भेजिन। <sup>3</sup>अउर ऊ उनसे कहिस कि मारग तई कुछ न लिहैव न लाठी न झोरी न रोटी न दुई-हुई कुरता। <sup>4</sup>अउर जउने घर मा उतरेव हुवयं रहेव, अउर हुवय से विदा हुएव। <sup>5</sup>जो कोई तुमका गरहन न करै उइ नगर से निकरत भय अपने पावन क धूरि झार डारवे काहे ते उन पर गवाही होय। <sup>6</sup>सो उइ निकरि कय गांव-गांव खुसखबरी सुनावत अउर हर कहू लोगन का चंगा करत फिरत रहय।

<sup>7</sup>अउर देस की चौथाई का राजा हेरोदेस यू सब सुनि कय घबराय गवा। काहे ते कितनेव कहिन कि यहुन्ना मरे हुएन मई से जी उठा हय। <sup>8</sup>अउर कितने यू कि एलियाह दिखाई दीन है अउर अउरन यू कि पुराने भविसवकतन मइ से कउनउ जी उठा हय। <sup>9</sup>मगर हेरोदेस कहिन कि यहुन्ना का सिर तो हम कटवायेन रहय अब यू कउन है। जेहिके बारे मा अइसन बातय सुनित हय अउर ऊ बाटिका देखय की इच्छा किहिस।

### यीसु पांच हजार मनइन कइहन भोजन खिलाइन

<sup>10</sup>फिर न परेरित लौटिन आऊर जउन कछु उई किहिन रहय वहिका बताएन अउर ऊ उइ का अलग करि कय वैतसैदा नाम एक नगर मा चलगे। <sup>11</sup>यू जानिकय भीड़ वहिके पीछे हुइ लिहिस। अउर ऊ आनन्द केर साथ वहिते मिला अउर उनसे परमेसुर केर राजकी बातय करै लाग अउर जउन चंगे हुआ चाहत रहय उनका चंगा किहिस।

<sup>12</sup>जब दिन ढलै लाग तब बारहौ आयकय वहिते कहिन की भीड़ का विदा करौ कि चारेव ओर गांव मा जायके टिकय अउर भोजन केर बेवस्था करय काहे ते हम इहां सुनसान जगह मा हन।

<sup>13</sup>ऊ वहिते कहिस तुमहिन इनका खायका दियउ, उई कहिन हमरे पास पांच रोटी अउर दुई मछरी का छोड़ि कय अउर कुछ नाहीं, यदि हम जायकय इन सब लोगन तई भोजन मोल लेई मा हुई सकत है।

उड़ लोग तौ पांच हजार पुरुसन केर लगभग रहय।<sup>14</sup>तब ऊ अपने चेलन से कहिन उनका पचास—पचास करिककय पांती—पांती बैठा दियउ।<sup>15</sup>उड़ अइसनय किहिन, अउर सबका बैठाइ दिहिन।<sup>16</sup>तब ऊ पांच रोटी अउर दुई मछरी लिहिस अउर सरग की तरफ देखि कय धन्यवादु किहिस, अउर तूरि—तूरिकय चेलन का दियय लागि कि लोगन का परसव।<sup>17</sup>सो सब खाइकय तिरपत होई गय। अउर बचे भये टुकरन से बारह टोकरी भरि कय उठाइन।

### परतरस केर परभु कइहन मसीह मानीन

<sup>18</sup>जब ऊ एकान्त मा पराथना करत रहय अउर चेला वहिके साथे रहय तौ ऊ उनसे पूछिस कि लोग हमका का कहत है।

<sup>19</sup>उड़ उतर दिहिन यहुन्ना बपतिसमा दियय वाला अउर कोई—कोई एलिव्याह और कोऊ यू की पुराने भविसवकतन मई से कउनउ जी उठा।

<sup>20</sup>ऊ वहिते पूछिस मगर तुम हमका का कहत हो, परतरस जवाबु दिहिस परमेसुर का मसीह।

<sup>21</sup>तब ऊ उनका जिलाय केर कहिस कि यू कोई से न कहय।<sup>22</sup>अउर ऊ कहिस मानव बेटवन की तई जरूरी हवै कि ऊ बहुत दुख उठावै अउ पुरनिया अउर महायाजक अउर साखी वहिका तुच्छ समझ कय मार डारय अउर ऊ तिसरे दिन जी उठय।

<sup>23</sup>ऊ सबसे कहिस अगर कोई हमरे पीछे होई लिए।<sup>24</sup>काहे ते जो कोई आपन परान बचाई ऊ वहिका खोई, अउर जो कोई हमरे तई आपन परान खोई ऊ वहिका पाई।<sup>25</sup>यदि मनई सारे संसार का पाय जाय अउर आपन परान खोई दिये या वहिकी हानि उठावै तौ वहिका लाभु हवै।<sup>26</sup>जो कोई हमसे अउर हमरे बातन से लजाई मनई का बेटवा भी जउन अपनी अउर अपने बाप की अउर पवित्तर सरग दूतन की महिमा सहित आई तौ वहिसे लजाई।<sup>27</sup>हम तुमते सांचु कहित हय कि जब तक परमेसुर का राज देख न लियव तब तक मिरतू को पराप्त न होईहौ।

### आतमिक बदलाव

<sup>28</sup>इन बातन केर कोई आठ दिन बाद ऊ परतरस अउर यहुन्ना अउर याकूब का साथे लइकै पराथना करय केर तई पहारु पर गवा।<sup>29</sup>जब ऊ पराथना करत रहय तौ वहिके चेहरे का रूप बदलि गवा, अउर वहिका कपड़ा उज्जर होइके चमकै लागि।<sup>30</sup>अउर देखव मूसा और एलिव्याह ई दुइ मनई वहके साथे

बातै करत रहय।<sup>31</sup>उई महिमा सहित दिखाई दिहिन अउर वहिके मरय की चरचा करत रहय जउन यरुसलेम मा हुवय वाला है।<sup>32</sup>परतरस अउर वहिके साथी नींद से भरे रहय अउर जब अच्छी तरह सचेत भये तौ वहिकी महिमा अउर उई दुई मनई का जउन उ साथे खड़े रहय देखिन।<sup>33</sup>जब उड़ वहिके पास से जाय लागि तौ परतरस यीसु ते कहिन है सुवामी हमार हियां रहय भला हवै सो हम तीन शोपड़ी बनाइत हवय एक तुमरी तई एक मूसा तई अउर एक एलिव्याह तई ऊ जानत नहीं रहय कि का कहत है।

<sup>34</sup>ऊ यू कहतय रहय कि एक बादल आय कय उनका छाय लिहिस अउर जब उड़ बादर से धिरय लागि तौ डेराय गै।<sup>35</sup>अउर उड़ बादर मइते यहु सब्द निकरा कि हमार बेटवा अउर हमार चुना हुवा है यहि की सुनव।<sup>36</sup>ई सब्द होतय यीसु अकेले पाए गये अउर उड़ चुप रहे अउर जउन कुछ देखिन रहय वहिकी कोई बात उड़ दिन कोई ते नाहीं किहिन। यक लइकवा कइहन नीक किहिन बुरी आतमा सइहन।

### एकु लइका म ते दुस्तआतमा ते चंगाई

<sup>37</sup>अउर दुसरे दिन जब उड़ पहारु ते उतरे तौ एकु बड़ी भीड़ वहिते आय मिली।<sup>38</sup>अउर देखव भीड़ मइ ते एक मनई चिल्लाय कय कहिस हे गुरू हम तुमते विनती करित है कि हमरे बेटवा पर किरपा करव काहे ते ऊ हमार इकलौता है।<sup>39</sup>अउर देखव एक दुस्त आतमा वहिका पकरत है अउर ऊ एका एक चिल्ला उठत है अउर ऊ वहिका अइसन मरोड़त है कि ऊ मुहि मा फेन भर जावत है अउर वहिका कुचलि कय कठिनाई से छोड़त हय।<sup>40</sup>अउर हम तुमरे चेलन ते विनती किहेन कि वहिका निकारय मगर उई नाहीं निकारि पाइन।

<sup>41</sup>यीसु जवाबु दिहिन अविसवासी अउर हठीले लोगन हम कब तक तुमरे साथे रहब अउर कब तक तुमारि सहब अपने बेटवा का हिया लै आव।

<sup>42</sup>ऊ अउतय रहय कि दुस्त आतमा वहिका पटक कय मरोरिस मगर यीसु दुस्त आतमा का डाटिन अउर बेटवा का अच्छा करिकय वहिके बाप का सौप दिहिन।<sup>43</sup>तब सब लोग परमेसुर की महा सामरथ ते चकित भये।<sup>44</sup>मगर जब सब लोग उई सब कामन ते जउन ऊ करत रहय अचरज करत रहय तौ ऊ अपने चेलन ते कहिस ई बातय तुमरे कानन मा पूरी रहय काहे ते मनई का बेटवा मनई केर हाथ मा पकरावा जाय का है।<sup>45</sup>मगर उड़ ई बात का नाहीं समझत रहय यह उनसे छिपी रहय कि उड़ वहिका

जानय न पावय अउर उइ ई बात केर बारे मां वहि से पूछत डेरात रहय।

### कौनु बड़ा होये

<sup>46</sup>फिर उनका यू विवाद होय लाग कि हममा से बड़ा कउन है। <sup>47</sup>पर यीसु उनके मन केर विचार जानि लिहिन अउर एकु बालक का लइकय अपने पास खड़ा किहिन। <sup>48</sup>अउर उनसे कहिन जो कोऊ बालक का गरहन करत है ऊ हमका ग्रहन करत है अउर जो कोई हमका गरहन करत है ऊ हमरे भेजय वालेन का गरहन करत है काहे ते जउन तुममें सबसे छोटू है वहै बड़ा है।

<sup>49</sup>तब यहुन्ना कहिन हे सुवामी! हम एकु मनई का तोहरे नाम से इनह दुस्त आतमा निकारत देखेन अउर हम वहिका मना कीन काहे ते ऊ हमरे साथे होय कय तुमरे पीछे नाहीं होय लियत।

<sup>50</sup>यीसु उनसे कहिन वहिका मना मत करव काहे ते जउन तुमरे विरोध मा नाहीं ऊ तुमरी तरफ है।

### समरियन केर विरोध

<sup>51</sup>जब वहिके ऊपर उठावै जाय केर दिन हुवय पर रहय तौ ऊ यरुसलेम जाय कय विचार पक्का किहिस। <sup>52</sup>अउर ऊ अपने आगे दूत में जिसवे सामरियों केर एक गांव मा गये कि वहिकी तई जगह तैयार करय। <sup>53</sup>मगर उइ लोग वहिका उतरय नाहीं दिहिन काहे ते ऊ यरुसलेम का जात रहय। <sup>54</sup>यू देखि कय वहिके चेला याकूब अउर यहुन्ना कहिन हे परभु का तुम चाहत है कि हम आग्या देई कि आकास से आग गिरकय उनका भसम कर दियय। <sup>55</sup>मगर उइ फिर कय डांठिन अउर कहिन का तुम नाहीं जानत हौ कि तुम कइसन आतमा केर हौ। <sup>56</sup>काहे ते मनई का बेटवा लोगन केर परान का नासु करय का नाहीं वरन बचावय केर तई आवाहै। अउर उइ कउनउ अउर गांव मां चले गये।

### यीसु केर पाछे होये केर कीमत

<sup>57</sup>जब उइ मारग म जात रहय तौ कउनव वहिते कहिस कि जहां जहां जइहव हम तुमरे पीछे होय लेब।

<sup>58</sup>यीसु वहिते कहिन लोमडीन केर अउर आकास केर पंछिन का बसेरा हुवत है मगर मनई केर बेटवा का सिर धरय का भी जगह नाही है।

<sup>59</sup>ऊ दूसरे से कहिस हमरे पीछे होय लियव ऊ कहिस हे परभु हमका पहिले जाय दियव हम अपने वाप का गाड़ देई।

<sup>60</sup>ऊ वहिते कहिस मरे हुअन का आपन मुरदा गाड़य दियव पर तुम जाय कय परमेसुर केर कथा सुनाऊ।

<sup>61</sup>एकु अउर कहिस हे परभु हम तुमरे पीछे होय लेयब पर पहिले हमका जाय दियव कि अपने घर केर लोगन ते विदा होई आई।

<sup>62</sup>यीसु वहिते कहिन जो कोई आपन हाथ हम पै राखिकय पाछे देखत हय ऊ परमेसुर केर राज केर लायक नाहीं।

### बहत्तर लोगन कौ यीसु भेजिस

**10**अउर ई बातन केर बाद परभु बहत्तर अउर मनई ठीक किहिन अउर जउन नगर अउर जगह केर उका जाय का रहय हुओ उनका दुई—दुई करिकय अपने आगे भेजिस। <sup>2</sup>अउर उ वहिते कहिस पक्के खेत बहुत है मगर मंजूर थोरे है यही तई खेत कि मालिक से विनती करव कि उ आपन खेत काटय केर तई मजूर भेज दियय। <sup>3</sup>जाव देव हम तुमक भेड़न की नाई भेड़ियन केर बीच भेजित ह। <sup>4</sup>ई लिए न बटुआ न झोली न जूते लिहेव अउर न मारग मा कोई का नमस्कार किहेव।

<sup>5</sup>जउनेक घरमा जायेव पहिले कहेव कि ई घर पर कल्यान होय। <sup>6</sup>यदि हुआ कोई कल्यान केर योग्य होई तो तुम्हार कल्यान वहि पर ठहरी नहीं तौ तुम्हारे पास लौटि आई। <sup>7</sup>बही घर मा रहव अउर जउन कुछ उनसे मिलय वहय खाव—पियव काहे से मंजूर का आपनि मंजूरी मिलय का चाही घर—घर न फिरेव।

<sup>8</sup>अउर जउन नगर मां जाये व अउर हुंवा केर लोग तुमका उतारय तौ जउन कुछ तुमरे सामने रखा। जाय वहय खाव। <sup>9</sup>हुंवां के विमारन का चंगा करव अउर उनसे कहव कि परमेसुर का राज तुमरे नेरे आय पहुंचा है। <sup>10</sup>मगर जउन नगर मा जाव अउर हुंवा केर लोग तुमका गरहन न करय तौ बाजारन मां जाय कय कहव। <sup>11</sup>कि तुमरे नगर कि धूल भी जउन मेरे पावन मां लागि है हम झारे देइत है तबव यू सुनि लियत कि परमेसुर का राज तुमरे नेरे आय पहुंचा है। <sup>12</sup>हम तुमसे कहत है कि उई नगर की दसा सदोम कै दसा सहय लाक होई।

<sup>13</sup>हाय खुराजीन हाय वैतसैदा जउन सामरथ केर काम तुममा कीन गये यदि उई सूर अउर सैदा मा कीन जाती तौ टाट ओढ़ि कय अउर राख मा बैठिकय उई कब का मन फिरावत। <sup>14</sup>मगर न्याय केर दिन तुमरी दसा से सूर अउर सैदा केर दसा सहे योग्य होई। <sup>15</sup>अउर हे कफरनहूम का तुम सरग तक ऊंचे



कीन जइहव तुम तो अधोलोक तक नीचे जइहव।

<sup>16</sup>जउन तुमरि सुनत है ऊ हमरि सुनत है अउर जउन तुम का तुच्छ जानत है ऊ हमका तुच्छ मानत है अउर जउन हमका तुच्छ जानत है उई हमरो भेजय वाले का तुच्छ जानत है।

<sup>17</sup>उई बहत्तर फिर आनन्द केर साथ आय कै कहय लागि हे परभु तुमरे नाम से दुस्त आतमा भी हमरे वस मा है।

<sup>18</sup>वहु उनसे कहिस हम सैतान का विजली की नाई सरग से गिरा देख रहेन हय। <sup>19</sup>देखव हम तुमका साँपन अउर विछुवन रौदय अउर दुसमन की सारी सामरथ पर अधिकार दिहेन है। अउर कउनिउ वस्तु से तुमका कुछ हानि न होई। <sup>20</sup>तवौ यहिते खुसी न हुवव कि आतमा तुमरे वस मा है मुला यहि से खुसी हुवव कि तुमार नाम सरग मा लिखे हय।

<sup>21</sup>वही घड़ी उ पवित्तर आतमा मा होइ कय अनन्दु से भरि गवा अउर कहिस हे वापु सरगु अउर धरती केर परभु हम तुमार धन्यवादु करित है कि तुम इन बातन का ग्यानिन अउर समझदारन से छिपाय रखेव अउर बालक पर परगट किहेव हौं हे बापन काहे से तुमका यहय अच्छा लाग।

<sup>22</sup>हमरे बाप हमका सब कुछ साँपि दिहिन अउर कोई नाहीं जानत है केवल बेटवा केर अउर ऊ जेहि पर बेटवा परगट करय चाहय।

<sup>23</sup>अउर चेतन की तरफ फिरकय निराले मा कहिस धनि है उई आंखी जउन ई बातय जउन तुम द्याखत ह देखती हय। <sup>24</sup>काहे ते हम तुमसे कहित है कि बहुत सारे कवि अउर राजा चाहिन कि जउन बातय तुम देखत है देखय पर नाहीं देखिन अउर जउन बातय तुम सुनत है सुनिन पर नाहीं सुनिन।

### अनन्त जीवन केर परापति

<sup>25</sup>अउर देखव एक बेवस्थापक उठा अउर यू कहिकय वहि की परिच्छा करय लाग कि हे गुरु अनन्त जीवन का वारिस हुवय की तई हम का करी।

<sup>26</sup>वहु वहिसे कहिस कि बेवस्था म का लिखा है तुम कइसन पढ़त है।

<sup>27</sup>वहु जवाबु दिहिस कि तुम परभु परमेसुर से आपन सारे मन अउर सारे परान अउर आपन सारी सक्ति केर साथे परेम रखव अउर अपने परोसी से अपने समान परेम रखव।

<sup>28</sup>ऊ उससे कहिस तुम ठीक जवाबु दिहेव यहव करव तौ तुम जीवित रहिहव।

<sup>29</sup>मगर उ अपनी तई धरमी ठहरावय की इच्छा से

यीसु से पूछिस तौ हमार कउन हे।

<sup>30</sup>यीसु जवाबु दिहिन कि एक मनई यरुसलेम से यरीहो का जात रहय कि डाकू वहिका घेरिकय वहिके कपड़ा उतरवाय लिहिन अउर मारपीट कय वहिका अधमरा छोड़िकय चले गये। <sup>31</sup>अउर अइसन भवा कि वही मारग से एक याजक जात रहय मगर वहिका देखिकय कतराय कय चला गवा। <sup>32</sup>यही रीति से एक लेवी वहि जगह पर आवा वहव देखिकय कतरय कय चला गवा। <sup>33</sup>मगर एक सामरी याली हुआ आय निकरा अउर वहिका देखिकय तरस खाइस। <sup>34</sup>अउर वहिके पास आय कय अउर वहि केर धावन तेल अउर दाखरस ढालिकय पट्टी बांधिस अउर अपनी सवारी पर चढ़ाय कय सराय मां लय गवा अउर वहि कय सेवा टहल किहिस। <sup>35</sup>दूसरे दिन ऊ दुई दीनार निकारि कय भटियारे केर दिहिस अउर कहिस यहि की सेवा टहल करव अउर जउन कुछ अउर तुमार लागी ऊ हम लौटिकय दै देवय।

<sup>36</sup>अब तुमरी समझ मां जउन डाकुन मा धिर गवा रहइ तीनिव मइ ते वहिका परोसी कउन ठहरा। <sup>37</sup>ऊ कहिस वहय जउन वहि पै तरस खाइस यीसु वहिते कहिन जा तुमहूँ अइसन करव।

### मारथा अउर मरियम केर घर मां

<sup>38</sup>फिर जब उइ जात रहय तौ उ एक गांव मा गवा अउर मारथा नाम केर एक औरत वहिका अपने घर मा उतारिस। <sup>39</sup>अउर मरियम नाम केर वहिकय एकु वहिन रहय वह परभु केर पावन केर पास बइठ कय वहिका वचन सुनत रहय। <sup>40</sup>पर मारथा वहिका सेवा करत—करत घबराय गय अउर वहिके पास आयकय कहय लागि हे परभु का तुम कुछ नाहीं स्वाँचत हव कि हमरि वहिन हमका सेवा करय केर तई अकेले छोड़ि दिहिस। सो वहि से कहव कि हमारि मदद करय।

<sup>41</sup>परभु वहिका जवाबु दिहिन मारथा हे मारथा तुम बहुत बातन केर तई चिन्ता करत अउर घबरात है। <sup>42</sup>मगर एक बात जरूर है अउर उई उत्तम भाग का मरियम चुन लिहिस जउन वहि से छीना ना जाई।

### पराथना द्वारा सिच्छा

**11** फिर ऊ कउनिउ जगह पराथना करत रहे। अउर जब ऊ पराथना करि भवा तौ वहिके चेलन मइ से एक वहिसे कहिस “हे परभु जइसे यहुन्ना अपने चेलन कइहां पराथना करइ का सिखाइन

वइसेन तुम हमका सिखाय देव।

<sup>2</sup>तब वह कहिसि कि जब तुम पराथना करौ तो कहौ। “हे बाप तुमार नाम पवित्र माना जाय। तुमार राजु आवै”। <sup>3</sup>हमार दिन भरे कइ रोटी हमका दीन करौ। <sup>4</sup>अउर हमरे पापन का माफु करौ काहे ते हमहूँ अपने सब अपराधिन कइहा माफु करिति है। अउर हमका परीच्छा मइहां न लाऊ।

<sup>5</sup>अउर ऊ वहिते कहिसि कि तुममाते को है जेहि केर एकु साथी हुवई अउर ऊ आधी रात कइहां वहिते जाइ कइवां हे मित्तर मोहिका तीन रोटी दियउ। <sup>6</sup>काहे ते एकु मुसाफिर मित्तर हमरे लगे आवा है अउर हमरे लगे वहिके आगे धरइ कि तई कुछौ नाहीं है।

<sup>7</sup>अउर ऊ भीतर ते जवाबु दियइ कि हमका परेसान न करौ, अव तौ दुआर बन्द है अउर हमरे लरका हमेर लगे विछउना पर पहुरे है। यहि मारे हम उठि कै तुमका दइ नाहीं सकित। <sup>8</sup>हम तुमते कहिति है कि जौ वहिके मित्तर होय केर नाते वहिका नाहिउ देयतौ सरम—लिहाज छोड़िके वहिते मागे बदे वहिका जेतनी जरूरत होई ओतना उठि केर देई।

<sup>9</sup>अउर हम तुमते कहिति है कि मांगौ तो तुमका दीन जाई, दूँदहौ तो पहि हौ। खटखटइहौ तो दुआर ख्वाला जाई। <sup>10</sup>काहे ते जो कोउ माँगत है वहिका मिलत है जउन दूँदत है ऊ पावति है जउन खटखटावत है वहिकी तई दुआरु ख्वाला जात है।

<sup>11</sup>तुममा ते अइस बाप कउन है कि वहि केर बेटवा रोटी मागे तो वहिका पाथर मारे। मछरी मागे तो मछरी केर बदले वहिका साँपु देई। <sup>12</sup>कि अन्डा मांगइ तो वहिका बीछी देइ। <sup>13</sup>यहि मारे जब तुम खराब होइके अपने लरका बच्चन का नीकि चीजें दीन चाहत हौ तौ सुरगीय बाप अपने मागे वरेन कइहां पवित्र आतमा काहे न देई।

### दुस्त आतमा अउर यीसु

<sup>14</sup>फिर ऊ एक गुँगी दुस्त आतमा कइहाँ निकारिस जब दुस्त आतमा निकरिगै तौ गुँगा वालइ लोगन कइहा बड़ा ताजुब भवा। <sup>15</sup>मुला उनमा ते केतनेउ कहिन कि झै कि ई तौ सइतान नाम दुस्त आतमन कइ मदद लइके दुस्त आतमन कइहाँ निकारति है। <sup>16</sup>अउर लोग वहिके परिच्छा करइ कि तई वहिते आसमाने कइ एक चीन्हू माँगिन।

<sup>17</sup>मुला जब ऊ उनके घरे मा फूटि परति है ऊ राज उजरि जात है। अउर जउने घरे मा फूटि परति है ऊ नास होइ जात है। <sup>18</sup>अउर जो सैतान अपनेन खिलाफ होइ जाय तो वहि केर राज कइसे बना रही काहे ते

तुम हमरे बारे मइहां कहत हौ कि यू सइतान केर मदद से दुस्त आतमन कइहाँ निकारति है। <sup>19</sup>भला जो हम सइताने केर मदद से दुस्त आतमन कइहाँ निकारति है तो तुमरी औलादे केहिकी मदद से निकरती है ? ई मारे उन दिन तुमार नियाव करि है। <sup>20</sup>मुला जो इन परमेसुर केर पौरुख ते दुस्त आतमन कइहाँ निकरति है तौ परमेसुर कइ राजु तुमते तीर आय पहुँचा।

<sup>21</sup>जब ताकतवर मनइ हथियार बान्धि कइ अपने घर कइ रखवारी करति है तौ वहिके जायदाद बची रहति है। <sup>22</sup>मुला जब वहिते बढिके कउनउ अउर ताकत मनई चढ़ाई कइके वहिका जीति लेत है तो उके उई हथियार जिन पर वहिका भरोसा रहा छीनि लेति है अउर वहिके जायदाद लूटि कई बाटि देति है।

<sup>23</sup>जो कोई हमरे साथे नाहीं है ऊ हमरे खिलाफ है अउर जो कोई हमरे साथे बटोरिना उ विथरि जात है।

<sup>24</sup>जब दुस्त आतमा मनई मइसे निकरि जात है तौ दूसरी जगहन पइहां ठेकाना दूँदति है अउर जब नाहीं पाव है तौ कहत है कि हम अपने वही घर लउटि जाबै जेहिते निकरे रहेन। <sup>25</sup>औ आइके वहिका बहारा झारा, सजा सजावा पावति है। <sup>26</sup>तौ वा जाइके अपनेउ ते बद्तर सात अउर आतमन का लइ आवत है अउर उइ वही मइहां रहती हैं। अउर उइ मनई कइ पाछिन दसा पहिलेव ते खराब होइ जात है।

<sup>27</sup>जब ऊ ई बातें कहते रहा तौ भीड़ मइहांते कउनइ मेहरूआ जोर ते कहिस धन्नि—धन्नि वा कोखि जेहिमा तुम रहेव औ ऊ दूध जेहिमा तुम पियेव।

<sup>28</sup>वहु कहिस हां मुला धन्नि उइ हैं जउन परमेसुर कइ बाते सुनत अउर मानत है।

### जोना नबी केर निसान

<sup>29</sup>जब भीड़ इकट्ठी होय लागि तउ ऊ कहय लागि ई जुग केर मनई खराब हैं, उइ चीन्ह दूँदत हैं मुला यूनुस केर चीन्ह का छोड़ि कय अउर चीन्ह ऊ का नहिन दीन जाई। <sup>30</sup>जइस यूनुस जुग नीनवे केर मनइन की तई चीन्ह रहा तइसेन मनई कै बेटवा यहि जुग केर मनइन की तई होई। <sup>31</sup>दक्खिन केर रानी नियाव केर दिन ई वखत केर मनइन केर साथे उठि कै उनका दोखु लगाई, काहे ते वा सुलेमान कई गियान तुनइ की तई दुनियां केर उइ पार ते आई। अउर देखौ! हियां तो ऊ है, जउन सुलेमान ते बड़ा है। <sup>32</sup>नीनवे केर नियाव केर दिन ई वखत केर लोगन केर

साथे ठाढ़ होइकै उनका दोखु लगई हैं। काहे ते उइ यूनुस केर परचारु सुनि केर अपन मन फिराइन और देखौ हियां ऊ है जउन यूनुस ते बड़ा है।

### सरीर केर दिया

<sup>33</sup>कउनउ मनई दिया वारि कै तल घरे मां या तो पैमाना ते नीचे नाहीं रहत बल्कि दीप दान पर दिया धरत है, जेहिते आवे वाले उजेरु पावै <sup>34</sup>तोरी देहीं कै दिया तोरी आंखें हैं येहिते जौ तुमरी आंखी सुद्ध हैं तो तुमारि देहिउ उजेरु होई। मुला जौ उइ नीकी नाहीं हैं, तौ तुमारि देहिउ अंधेरी होई। <sup>35</sup>येहिते चौकस रहेउ कि जउब उजेरु तुमरे भीतर है, ऊ अंधे न होइ जाइ। <sup>36</sup>येहिते जौ तुमरि सगरिउ देहीं उजेरि होइ ओ वहिकै कउनउ हिस्सा अंधेर न रहे, तौ सबके सब अइस उजेरु होई जइस वहि बखत होत है जब चिराग अपनी चमक ते तुमका उज्यार द्यात है।

### छः सपथ

<sup>37</sup>जब ऊ बातें करत रहा तौ कउनो फरीसी वहिते विनती किहिस कि हमरे हियां भोजन करौ औ भीतर जाइके भोजन करै का बइठा। <sup>38</sup>फरीसी ई देखि कै ताजुब भवा कि ऊ भोजन करै ते पहिले असनान नाहीं किहिस।

<sup>39</sup>परभु वहिते कहिन हे फरीसियों, तुम कटोरा और थरिया लइकै ऊपर—ऊपर तो माजत हौ, मुला तुमरे भीतर अंधेर और दुस्तता भरी है। <sup>40</sup>वे अकिलों, जउन ऊपर केर हिस्सा बनाइस है का ऊ भीतरि केर हिस्सा नाहीं बनाइस है। <sup>41</sup>मुला हो भीतर वाली चीजन केर दान कइ देव तौ द्याखीं तुमरो खातिर सब कुछ सुद्ध होई जाई।

<sup>42</sup>मुला हे फरीसियों तुमरे ऊपर हाय! तुम पुदीना अउर सुदाब कै अउर सब तना केर साग पान क्यार दसवां हिस्सा द्यात हौ, मुला नियाव का अउर परमेसुर केर पिरेम का टारि देत हौ। तुमका चाहत यू है कि इन सबका करत रहौ अउर वहू कइहां न छोड़ी।

<sup>43</sup>हे फरीसियों तुम ऊपर हाय! तुम सभाघरों मां खास खास जगहओं वंजारन म नमस्कार करत हौ।

<sup>44</sup>तुमरे ऊपर हाय! काहे ते तुम उइ लुकी छिपी कबरन जइस हौ, जिन पर लोग चलत हैं, मुला जानत नाहीं है।

<sup>45</sup>तब एकु इन्तिजाम करै वाला वहिका जवाबु दिहिस कि हे गुरु ई बातें कहिकै तुम हमार निन्दा करत हौ।

<sup>46</sup>ऊ कहिस कि हे इन्तिजाम करै वालेव तुम

अइस बोझ मनइन पर लादत हौ, जेहिका उठावै का कठिन है, मुला तुम उइ बोझन केर अपनी अंगुरिन ते नाहीं छुवत हौ।

<sup>47</sup>तुमरे ऊपर हाय! तुम उइ ज्योतिसिन की कबरें बनावत है जिनका तुमरे न बाप दादा मारि डारिन रहे। <sup>48</sup>येहिते तुम गवाह हौ अउर अपने बाप दादन केर कामन मइहां सामिल हौ, काहे ते उइ तौ उनका मारि डारिन अउर तुम उनकी कबरें बनावत हौ। <sup>49</sup>येहिते परमेसुरी कइ अकिलि कहिस है कि हम उनके लगे ज्योतिसिन का अउर परेरितन का पठउव, अउर उइ उनमा ते केतनेउ का मारि डारि है अउर केतनेउ का सतइहै। <sup>50</sup>जेहिते जेतने ज्योतिसिन कइ खून दुनिया केर बने मां बहावा गवा है, सबके हिसाब ई जमाने केर लोगन ते लीन जाय। <sup>51</sup>हबिबल केर कतल ते लइके जकरयाह केर कतल तक जउन बेदी अउर मंदिर केर बची मां घात कीन गवा, हम तुमते सही कहित है वहिके हिसाब यही जमाने केर लोगन ते लीन जाई।

<sup>52</sup>तुम इन्तजाम करै वालन पर हय। काहे ते तुम गियान केर कुन्जी तो लेइ लिहेव, मुला तुम खुदै भीतर नाहीं गये अउर भीतर जाय वालन कइहां रोकि दिहेव।

<sup>53</sup>जब ऊ हंवा ते निकरा तौ सास्त्री अउर फरीसी बहुत पीछे परिगै अउर छ्वाड़य लागि कि ऊ तमाम बातन पर चरचा करै। <sup>54</sup>अउर घात मा लागि रहे कि वहिके मुंह केर कउनउ बात पकरै।

### चेतावनी अउर पाखण्ड केर विरुद्ध मा सिच्छा

**12** यतने मा हजारन कै भीड़ लागि गै हियां तक कि एक दूसरे पर गिरे पतर रहय, तौ ऊ सबते पहिले अपने चेलन ते कहै लागि की फरीसियों केर कपट जइस खमीर ते हुंसियार रहेव। <sup>2</sup>कुछौ मूदा नाहीं है, जउन खोला न जाई अउर न कुछ लुका छिपा है जउन जान न पाई। <sup>3</sup>येहिते जउन कुछ तुम अंधेरे मां कहत हौ, तउन ऊजेरे मां सुना जाई। अउर जउन तुम कोठरिन मां काने मां कहत हौ तउन कोउन पर परचार कीन जाई।

<sup>4</sup>मुला हम तुमते जउन हमार मितर हौं, कहत है कि जउन लोग देहिन पर घात करत हैं अउर वहिके पीछे कुछ नाहीं करि सकत, वहिते न डेराव। <sup>5</sup>हम तुमका चेताइति है कि केहिते डेराय का चाहीं घात करै केर बाद जेहिका नरक मां डारै केर हक है, वहिते डेराव हम तुमते कहित है कि वही ते डेराव। <sup>6</sup>का दुइ पइसा की पांच गउइया नाहीं बिकती? तकाँ परमेसुर

उनमां ते एकौ का भुलात नाही है। 7हिया तक कि तुमरे मूडे पर केर सगरेउ बार तक गिने भये है, यहिते तुम डेराव ना, काहे ते तुम गउरइयन ते बढ़िके तौ हइये हौ।

<sup>8</sup>हम तुमते कहित है कि जो कोई सबके सामने हमका मानि लेई, वहिका मनइन केर बेटवा परमेसुर केर सरगदूतन केर सामने मानि लेई। <sup>9</sup>मुला जो कोई मनइन केर समूहे हमते इनकार करी वहिके परमेसुर केर सरग दूतन केर सामने इनकार कीन जाई। <sup>10</sup>जउन कोई मनइ केर बेटवा केर खिलाफ कउनिउ कात कही, वहिके ऊ अपराध छिपाय लीन जाई, मुला जउन कोई पवित्र आतमा केर निन्दा करी, वहिके अपराधु माफु न कीन जाई।

<sup>11</sup>जौ लोग तुमका समा अउर हाकिम अउर अधिकाारी लोगन केर सामने लइ जायँ तौ चिन्ता न कहेउ कि हम कउनी विधी ते का जवाबु देई या का काहीं। <sup>12</sup>काहे ते पवित्र आतमा वही बखत तुमका सिखाइ देई कि का कहै क है।

### मूरख धनवान केर उदाहरन

<sup>13</sup>फिर भीड़ मां ते एकु वहिते कहिस हे गुरु, हमरे भाई ते कहउ कि बाप की जायदाद मइहां ते हमका बांटे दें।

<sup>14</sup>ऊ वहिते कहिस कि हे मनई हमका तुमार नियाव करै वाला या बांटे वाला केर तैनात किहिस है। <sup>15</sup>अउर ऊ वहिते कहिस कि चौकस रहौ हर तना केर लालच से अपने का बचाए राखौ। काहे ते कोई कै जिन्दगी, वहिके जायदाद अदा हुवै ते नाही होत।

<sup>16</sup>ऊ वहिते एकु किस्सा कहिस कि एक धनवान केर जमीन मइहां बहुत पइदावार होत रही। <sup>17</sup>तब ऊ अपने मन मां सोचै लागि कि हम का करीं। काहे ते हमरे हिंया जगह नाही है जहां आपन पैदावार राखी।

<sup>18</sup>अउर ऊ कहिस कि हम ई करब कि अपनी बखरिन का तोरिके वहिते बड़ी बनाउबै। <sup>19</sup>वो हुआं आपन सब अनाज अउर जायदाद राखव अउर अपने परान ते कहब कि हे परान तोरे पास बहुते बरसन की तई बहुत जायदाद धरी है। चैन ते खाव, पियौ, अउर सुख से रहौ।

<sup>20</sup>मुला परमेसुर वहिते कहिस कि हे मूरख आजै राति केर तोर परान तोहि ते लइलीन जाई तब जउन तुइ यकट्टा किहे है ऊ केहि कै होई।

<sup>21</sup>अइसेन ऊ मनई है जउन अपनी तई धन यकट्टा करत है, मुला परमेसुर की निगाह मां धनी नाही है।

### चिन्ता सइहन मुक्त होके चाहि

<sup>22</sup>फिर ऊ आपन च्यालन ते कहिस यही मारे हम तुमते कहित है कि अपने परान केर चिन्ता ना करौ कि हमका खइबै, न अपई द्याह केर चिन्ता करौ कि का पहिबै। <sup>23</sup>काहे ते भोजन ते परान अउर कपड़न ते बढ़िके देहीं है। <sup>24</sup>कउनव का देखौ, उइ बोवत हैं, न काटत हैं, न उनके भंडार अउर न खन्ता होत है तबौ परमेसुर उनका पालत है। कीमत चिरइयन ते ज्यादा है। <sup>25</sup>तुममा ते अइस कउन है जउन चिन्ता कइके अपनी उमरि का एकौ घड़ी बढ़ाय सकत है। <sup>26</sup>यहि मारे जौ तुम सबते छोट काय नाही कइ सकत हौ, तौ अउर बातन केर चिन्ता काहे करत हौ?

<sup>27</sup>सोसनन केर बिरवन का ख्याल करौ कि उइ कइसे बढ़त है, तबौ हम तुमते कहित है कि सुलेमनौ, अपनी तमाम धन दौलत केर बावजूद उनमा ते एकौ केर बराबरी करै वाले कपड़ा नाही पहिरे रहा। <sup>28</sup>यहि मारे मैदाने कइ घास जउन आज है अउर काल्हि भार मइहां झोंकी जाई वहू कइहां परमेसुर जब अइस कपड़ा पहिरावत है, तो हे कम भरोसा करै वाले ओं ऊ तुमका काहे ना पहिराई? <sup>29</sup>तुम ई बात की तलास मा ना रहौ कि का खइबै अउर का पहिरिवै ओ सब न करौ। <sup>30</sup>काहे ते दुनियां की जाती ई सब चीजन की तलास मा रहती है अउर तुमार बापु जानत है कि तुमका ई चीजन केर जरूरत है। <sup>31</sup>मुला वहिके राज की तलास करौ तौ सबई चीजे तुमकामिलि जइहैं। <sup>32</sup>हे छोटि झुंड डेराव ना, काहे ते तुमरे बाप कइहां नीक लागत है कि तुमका राज दियस। <sup>33</sup>आपनि जायदाद बेचि केर दान कइ दियउ अउर अपनी तई अइस बटुआ बनाव जउन पुरान नाही होत। ई का मतलब सरग मां अइ धन यकट्टा करौ जउन घटत नाही अउर जेहिके लगे च्वार नाही जात अउर जेहिमां किरवा नाही लागव। <sup>34</sup>काहे ते जहां तुमार धन है हुआं तुमार मनौ लाग रही।

### सचेत रहि हौ

<sup>35</sup>तुमरे करि हांव बंधे रहैं अउर तुमारि चिराग जलत रहैं। <sup>36</sup>अउर तुम उइ मनइन की तना कबौ जउन अपने मालिक केर राह द्याखत रहये कि ऊ बियाहते कब लउटी, कि जब ऊ आय केर दुआर खट खटावै तौ तुरन्तै दुआर खोलि देई। <sup>37</sup>धनि है उइ दास! जिनके मालिक आय केर उनका जगत पावै हम तुमते सांच कहित है कि ऊ कमर बांधि केर उनका भोजन करै का बइठाई अउर मेरे आय केर उनके सेवा करी। <sup>38</sup>जौ ऊ राति केर दूसरे या तिसरे

पहर मां उनका जागत पावै तो उइ दास धन हयं।  
<sup>39</sup>मुला तुम ई जानि रखै कि जो घर केर मालिक जानत कि चोर कउनी घड़ी अइहै तो जागत रहब अउर अपने घर मां संधि ना लागै देब।<sup>40</sup>तुमहू तैयार रहौ काहे ते जउन घरी तुम सोचबौ ना करि हौ वही घरी मनई केर बेटवा आय परी।

<sup>41</sup>तब पतरस कहिन कि हे परभु! का यहु मिसाल तुम हमहिन या सबते कहत हौ।

<sup>42</sup>परभु कहिस की ऊ बिसवास केर लायक अउर अकिलमन्द भन्डारी जउन हैं जेहिके मालिक वहिका नौकर चाकरन केर सरदार बनावै कि उनका बखत पर सीधा दे।<sup>43</sup>धनि है ऊ दासु! जेहिका वहिके मालिक आय केर अइस करत पावै।<sup>44</sup>हम तुमते सही कहित है कि ऊ वहिका आपनि सब जायदाद केर सरदार बनाई।<sup>45</sup>मुला जौ ऊ दासु स्वाँचै लागि कि हमारि मालिक आवै मा देरि करि रहा है अउर दास दासिन का मारै पीटे लागे अउर खाय पियै अउर पियक्कड़, होय लागै।<sup>46</sup>तौ मालिक अइसे दिनु आई जब बहु दासु वहिके रास्ता न देखत रही अउर उइ घरी जब ऊ जानत न हो ऊ आई अउर वहिका भारी सजा दइकै वहिकै किसमत अविस्वासिन केर साथै राखी।

<sup>47</sup>अउर ऊ दास जउन अपने मालिक केर इच्छा जानत रहा अउर तइयार नाहीं रहा अउर न वहिकी इच्छा केर मुताबिक चला, बहुत मारि खाई।<sup>48</sup>मुला जउन अनजाने मां मारु खाय लायक कामु करी ऊ थोरी मारु खाई ई मारे जेहिका बहुत दीन गवा है वहिते बहुत मांगा जाई अउर जेहिका बहुत सौंपा गवा है वहिते बहुत मांगा जाई अउर जेहिका बहुत सौंपा गवा है वहते बहुत मांगा जाई।

### सान्ति नाही मगर बंटवारा

<sup>49</sup>हम धरती पइहां आगि लगावे आइन हैं अउर का चाहित है कि अबहिने सुलगि जात।<sup>50</sup>हमका तौ एकु बपतिसमा लियौ का है अउर जब तक ऊ न होई जाय तब तक हम कइसी सकेती मां रहिबै।<sup>51</sup>का तुम समझत हौ कि हम धरती पर मिलाय करावै का आएन हैं। नाहीं, हम तुमते सही कहित है कि अलग करावै आएन हैं।<sup>52</sup>काहे ते अब ते एकु घर मां पांच जन आपसे मां विरोधु राखि हैं। ताकी दुई ते अउर दुई तीन ते।<sup>53</sup>बापु बेटवा ते अउर बेटवा बापु से विरोधु राखी, महतारी बिटिया ते अउर बिटिया महतारी ते, सासु बहुरिया ते अउर बहुरिया सासु ते, विरोधु राखी।

### समय कइहन पहिचाने चाहि

<sup>54</sup>अउर ऊ भीड़ों ते कहिस कि जब बाहर केर पच्छिम ते उठत द्याखौ तो तुरन्तय कहत हौ कि बरखा होई अउर अइसेन होत है।<sup>55</sup>अउर जब दखिनहरी चलत देखत हौ तो कहत हौ कि लू चली अउर अइसन होत है।<sup>56</sup>हे कपटिउ! तुम धरती अउर असमान केर रूप मां भेट करत हौ मुला ई जमाने केर विसय मां भेद करैका काहे नाहीं जानत हौ।

<sup>57</sup>अउर तुम अपने आप फँसला काहे नाहीं करि लेत हौ कि ठीक का है।<sup>58</sup>जब तुम अपने मुद्दई केर साथे हाकिम केर पास जाय रहे हौ, तो रास्तों मां वहिते छूटे केर जतन कइ लेव। अइस न होय कि ऊ तुमका नियाब करै वाले केर पास खींचि लइ जाय अउर नियायी तुमका दियाखि का सौंपि दिये अउर पियादें। तुमका बन्दी खाने मां डारि देय।<sup>59</sup>हम तुमते कहित है कि जब तक तुम दमड़ी दमड़ी करि न दे हौ तब तक हुआं ते छूटि न पइहौ।

### पस्चाताप या नासु

**13** वही वखत कुछ लोग आय पहुचे अउर वहिते उइ गलतियन केर चरचा करै लाग, जिनके खून पिलातुस उनहीं केर बलिदानन केर साथ मिलाये रहे।<sup>2</sup>ई सुनिकै वहिते जवाबु मां ऊ कहिस का तुम समझत हौ कि ई गलीली अउर सब गलीलिन ते जियादा पानी रहे कि उन पर अइस विपदा परी? <sup>3</sup>हम तुमते कहित है कि नाहीं मुला जौ तुम मन फिरिहौ तौ तुम सब यही तना नासु होइगै।<sup>4</sup>कि तुम समझत हो कि उइ अट्टारह जिन पर सिलोह केर गुम्मार गिरा अउर उइ दबि केर मरिगे, इउ यरुसलेम केर अउर सब लोगन ते ज्यादा गुनहगार रहे।<sup>5</sup>हम तुमते कहित है कि नाहीं मुला केर तुम मनन फिरइहो तो सब यही तना नास होइगे।

<sup>6</sup>फिरि ऊ मा मिसाल कहिस कि कउनउ अंगूर की बगिया मां अंजीर क्यार एकु बिरवा लाग रहा। ऊ वहिका फल दूढ़े आवा मुला पाइसि नाई।<sup>7</sup>तब ऊ बगिया केर रखवारे ते कहिस कि हम ई अंजीर केर बिरवा मां फल दूढ़े आवत है, मुला पाइत नाहीं है यहिका काटि डारो। यू जमीन काहे छेके रहै।

<sup>8</sup>ऊ वहिका जवाबु दिहिस कि हे मालिक यहिका ई साल अउर रहे देव कि हम यहि केर चारों तरफ खोदि केर खाद डारी।<sup>9</sup>वहिके बाद यू फरी तौ ठीक नाहीं तो यहिका काटि डारेव।

**कुबड़ी मेहरारू कइहन सबत दिन मा चंगा किहिन**

<sup>10</sup>सबत केर दिन ऊ एक पूजा घर मां उपदेसु करत रहा। <sup>11</sup>अउर देखो एक औरत रही जेहिके अट्टारह साल केर एक कमजोर करै वाली दुस्ट आमता लागि रहि। अउर वा कुबरी होइगै रही अउर कउनिय तना ते सीधी नाहीं होई पावत रही। <sup>12</sup>यीसु वहिका देखि केर बोलाइनि अउर कहिति, हे औरत तुम अपनी कमजोरी ते छूटि गयउ। <sup>13</sup>तब ऊ वहिके ऊपर हाथ धरिति अउर वा तुरन्तय सीधी होइगै। अउर परमेसुर केर बड़ाई करै लागि।

<sup>14</sup>यहि मारेकि यीसु सबत केर दिन वहिका चंगा किहिन पूजा घरेन केर सरदार रिसियाय केर लोगन ते कहै लाग अछ्य दिन मां जिनका काम करै का चाहीं सो उनहीं दिनन मां आय केर चंगा हो सबत केर दिन नाहीं।

<sup>15</sup>यू सुनिकै जबावु दिहिन, हे कपटिउ! का सबत केर दिन तुममा ते हर एकु अपने बैल अउर गदहन का कान ते खंचि कय पानी पिया दे नही लइ जाव?

<sup>16</sup>काई ठीक नाहीं है कि या अउर व जउन अबराम केर बिटिया है जेहिका सइतान अट्टारह साल ते बांधे रहा सबत केर यहिते छोड़ाई जात?

<sup>17</sup>जब ऊ यों बातें कहिन तौ वहिके सब मुखालिफ सरमिन्दा होइगे अउर सगरी भीड़ वहिके महिमा वाले उइ कामन ते जउन वहु करत रहा, परसन्न होइगै।

**राई केर बीज अउर खमीर केर उदाहरन**

<sup>18</sup>फिर वहु ऊ कहिस “परमेसुर केर राज केहिके समान है?” <sup>19</sup>अउर वइके मिसाल कोई ते देई? ऊ राई केर एक दाना की बना है जेहि लइके कउनिय मनई अपनी बगिया मां बोइसि, अउर ऊ वहिके बिरवा बनिया अउर असमान की चिरई वहि बसेरा किहिन।

<sup>20</sup>फिर ऊ कहिसि कि हम परमेसुर केर राज केर मिसाल काहेते देई। <sup>21</sup>ऊ खमीर की तना है, जेहिका लइके कउनिय औरत तीन पसेरी आटा मा मिलाइस अउर होत—होते सब आंटा खमीर होइगा।

**सकेत दुआर**

<sup>22</sup>ऊ सहर—सहर अउर गांव गांव होइके उपदेसु करत—करत यरुसलेम की तरफ जात रहा। <sup>23</sup>अउर कोई वहिते पूछिय कि हे परमेसुर उद्धार पावे वाले थोरिन हैं। <sup>24</sup>ऊ वहिते कहिन कि सकेत दुआर ते भीतर जायके कोसिस करौ काहेते भीतर जायके कोसिस बहुत करि हे अउर जाय ना पाइहैं। <sup>25</sup>जब

घर केर मालिक उठिके दुआर बन्द कइ चुका होय अउर तुम बाहर ठाढ़ दुआर खटखटाय केर कहौ हे परभु हमरी खातिर खोलि देव, अउर ऊ जवाबु देय कि हम तुमका नाही जानति तुम कहां केर आव।

<sup>26</sup>तब तुम कहे लागौ हम तुमरे सामने खावा—पिवा और तुम हमरे बजारन मां उपदेसु किहेव।

<sup>27</sup>मुला ऊ तुमते कही हम नाहीं जानित तुम कहां केर आव। हे कुकरम करै वाले तुम सब हमते दूरि रहौ।

<sup>28</sup>हुंवा रोउब अउर दांत पीसब होई जब तुम अबराहम अउर इसहाक और याकूब अउर सब भविस बतावै वालेन केर परमेसुर केर राज मां बइटे अउर अपने का बाहेर निकास पइ हो। <sup>29</sup>ओ पूरब, पच्छिम, उत्तर, अउर दक्खिन केर लोग आय केर परमेसुर केर राज केर भोज मा सामिल होई हैं। <sup>30</sup>अउर देखो कउनेव पहिले है जउन आगे होइहै अउर केतनेउ अगिले है जउन पीछे होइ हैं।

**यीसु केर दुःख यरुसलेम केर खातिन**

<sup>31</sup>वही घड़ी कितनेब फरीसी कहते आय केर कहिन कि हियां ते निकरि केर चले जाव काहे ते हेरोदेस तुम का मार डारा चाहत है।

<sup>32</sup>ऊ वहिते कहिन कि जाय केर उइ लोमड़ी ते कहि देव कि देख आज अउर काल्हि हम दुस्ट आतमन का निकरिति अउर चंगा करिति है अउर तीसरे दिन पूरा करि है। <sup>33</sup>तबौ हमका आज काल्हि अउर परसों चलै का जरूर है। काहे ते यू नाही होइ सकत कि कउनो भविस बतावै वाला यरुसलेम केर बाहर मारा जाय।

<sup>34</sup>हे यरुसलेम! हे यरुसलेम! तुइ जउन भविस बतावै वालेन का मारि डारव है, अउर जउन तुमरे पास भेजे गए है उनका परवाह करत है केउनेउ दफा हम चाहेन कि जइसे मुरगी अपने बच्चन का अपने परन केर नीचे यकट्टा करत है वइसेन हमहू तोरे लरिकन का यकट्टा करी मुला तुइ ई नाही चाहे। <sup>35</sup>दयाखौ तुमार घर तुमरी खातिर उजाड़ छोड़ा जात है अउर हम तुमते कहित है कि जब तक तुम न करिहौ कि धनि है ऊ जउन परभु केर जायते आवत है। तब तक तुम हमका फिर कबौ न देखि हौ।

**यीसु फरीसी केर घरवा मा**

**14** फिर ऊ सबत केर दिन फरीसिन केर सरदारन मां ते कोई केर घर रोटी खाये गवा अउर उइ वहिकी घात मा रहे। <sup>2</sup>अउर देखउ एकु मनइ

वहिके सामने रहा जहिके जलन्धर केर रोगु रहा।<sup>3</sup>यहि पर यीसु फरीसिन अउर इन्तजाम करे वालेन ते कहिन सबत केर दिन अच्छा करब ठीक है कि नाही? मुला उइ खामोस रहे।<sup>4</sup>तब ऊ हाथ लगाय केर वहिका चंगा किहिस अउर जाये दिहिस।

<sup>5</sup>अउर वहिते कहिस कि तुममा ते अइस केर हय। जेहिके गदहा अउर वैल कुंआ मां गिरि जाय अउर ऊ सबत केर दिन वहिका तुरंतय बहरे न निकारि लें।<sup>6</sup>उइ ई बातन केर कउनउ जवाबु नाही देई पाइन।

<sup>7</sup>जब ऊ देखिस नेवताहारी लोग कइसे खास जगह चुनि लेत है तो एकु मिसाल देई केर वहिते कहिस।<sup>8</sup>जब कोई तुमका वियाह मां बुलावै तो खास जगह पर न बैठउ। अइस न होय कि ऊ तुमहूँ ते बड़े कोई का नेउता दियाये।<sup>9</sup>अउर जउन तुमका अउर वहिका दोनौ का नेवता दिये हयं आय केर तुमते कहब कि ई का जगह देव अउर तब तुममा सरमिन्दा होईके सबते नीची जगह पर बैठे का परे।<sup>10</sup>बल्कि जब तुम बोलाये जाव तो सबते नीची जगह पर जायके बइठो कि जब ऊ आवें जउन तुमका नेवता दिहे है तो तुमते कहे कि हे मितर आगे बढि केर बइठो तुमरे साथ बइठे वालेन केर सामने तुमार बड़ाई होई।<sup>11</sup>काहे ते जो कोई अपने बड़ा बनाई ऊ छोट कीन जाई।

<sup>12</sup>तब ऊ अपने नेवता देय वालेनेउ ते कहिस जब तुम दिनके या रात केर खाना खाव तौ अपने मितरन का भाइन का खानदानिन का या धनी पड़ोसीन का न बोलेव कहूँ अइस न होय कि उनहूँ तुमका नेवता दें। अउर तुमार बदला होइ जाय।

<sup>13</sup>बल्कि जब तुम खाना खाव तो कंगालन, लूले, लंगड़ेन अउर अंधरेन का बोलावो।<sup>14</sup>जब तुम धनिन होइहो, काहे ते उनके पास तुमका बदला देवे खातिर कुछौ नाही बल्कि धरमिन केर जी उठे पर वेहिका फलु मिली।

#### महान खइकवा केर उदाहरन

<sup>15</sup>वहिके साथ भोजन करे वालेन मां से एक ई बातें सुनि केर कहिस धन्य है उइ जउन परमेसुर केर राज मा रोटी खाई।

<sup>16</sup>ऊ वहिते कहिस कि कउनउ मनई बड़ी जेउनार किहिस अउर बहुतन का बोलाइस।<sup>17</sup>जब भोजन तैयार होइगै तौ ऊ अपने दास केर हाथे नेवतहारिन का कहवा पठइस कि आवो भोजन तैयार है।

<sup>18</sup>मुला उइ सबके सब माफी मांगे लागि। पहिले वति कहे लागि कि हम खेत मोल लीन हयं अउर

जरूरी है कि ऊका देखी हम तुमते विनती करित है कि हमका माफु करो।

<sup>19</sup>दूसर कहिस कि हम पांच जोड़ी बैल मोल लीन हे अउर उनका परखे जाइत है। हम तुमते विनती करित है कि तुम हमका माफु करो।

<sup>20</sup>एक अउर कहिस कि हम बियाह किहिन है यति मारे हम नाई आय सकित हैं।

<sup>21</sup>उदास लौटि केर अपने मलिकवा से ई बातें बताइस तब घर का मालिक गुस्सा मा आइके अपने दासन ते कहिस सहर केर बजारन अउर गलिन मां जाइ केर तुरंतय कंगले, टून्डे लंगड़े अउर अंधरेन का लइ आउ।

<sup>22</sup>दास फिर कहिस हे मालिक जइस तुम कहे रहो वइसन कीन गवाहे अउर तबो जगइहै।

<sup>23</sup>मालिक दास ते कहिस कि सड़कन प अउर बाड़िन की तरफ जाइके लोगन का जबरदस्ती लइन आव जेहिते हमार घर भरि जाय।<sup>24</sup>काहे ते हम तुमते कहित है कि उइ नेवते गयेन मां ते कउनउ हमार जेवनार न खाई।

#### चेलवा होये केर कीमत

<sup>25</sup>अउर जब बड़ी भीड़ वहिके साथ जात रही तो ऊ फिर पाछे ते वहिते कहिस।<sup>26</sup>जो कोई हमरे पास आवे वो अउर बाप महतारी बीबी, लड़िका वाले, भाई बहिनिन का नाही बल्कि अपने परानों का अपिरय न माने तो ऊ हमार चेला नाही होई सकत।<sup>27</sup>अउर जो कोऊ अरनल सलीब न उठावे अउर हमरे पाछे न आवे वहौ हमार चेला नाहीं होइ सकति।

<sup>28</sup>तुममा ते को है कि गढ़ बनावा चाहत होय अउर पहिले बइठ केर खरचा न जोड़े। कि पूर करे कि विसात हमार पास है कि नहीं।<sup>29</sup>अइसन होय कि जब नेव डारि केर तैयार न करि सकय तो सब देखे वालेय इ कहि केर ठट्टा उड़ावे लागि।<sup>30</sup>यू मनई बनावे तो लागि मुला तैयार न करि पावा।

<sup>31</sup>कउनउ अइस राजा है कि दूसरे राजा ते लड़ाई करे जात होय, अउर पहिले बइठ कय विचार करौ कि जउन बीस हजार लिहे हमरे ऊपर चढ़ा आवत हय, हम दस हजार लइकेइ हम वहिके मुकाबिला कर सकित है कि नहीं।<sup>32</sup>नाही तो वहिके दूरिन रहत ऊ दूतन का पठइकै मिलाप करा चाही।<sup>33</sup>यही तना तुमका ते जो कोई आपन सब कुछ छोड़ि केर ऊ हमार चेला नाही होइ सकत।

<sup>34</sup>नमक तौ नीक है मुला जौ नमक केर सवादु

बिगिरि गय तो ऊइ कउनी चीज ते खावा जाई।<sup>35</sup>ऊ न तो जमीन केर अउर न खाद केर कामे आई ऊ का तो लोग बाहेर फेंकि देत है। जेहिके सुने वाले का न होय ऊ सुनि ले।

### खोये भई भेड़ी केर उदाहरन

**15** सब चुंगी लिये वाले और पापी वहिके पास आवत रहे काहे ते वहिक बात सुने।<sup>2</sup>अउर फरीसी अउर सास्त्रियन कुड़कुड़ाय केर कहै लागि कि ई तौ पापिन ते मिलत है औ उनके साथ खातौ है।<sup>3</sup>तब ऊ वहिते या मिसाल कहिसि।<sup>4</sup>तुममा ते को है जेहिकी सौ भेड़ी होय और उनमा ते एक खोय जात तौ न्यानवे का जंगल मां छोड़ि कय ऊ खोई भेड़ी का ढूँढत रहे जब तक न मिले जाय।<sup>5</sup>अउर जब मिलि जात है तौ बड़ी खुसी से वहिका कांधे पर उठाय लेत है।<sup>6</sup>अउर घरमा आय कय मितरन का अउर पड़ोसि का यकट्टा करि केर कहत हय कि हमरे साथे आनन्द करौ काहे ते हमारि खोई हुई भेड़ि मिलि गै है।<sup>7</sup>हम तुमते कहित है कि यही तना ते एक मन फिरावे वाले पापी केर विसय मां सरग मा दूतन आनन्द होइ जितना न्यानवे अइस धरमिन केर विसय नाही होत, जिनका मन फिरावे केर जरूरत नाही।

### खोये भये सिक्के केर उदाहरन

<sup>8</sup>कि कउन अइस औरत जेहिके पास दस सिक्का होय उनमा ते एक सिक्का खोय जात तौ वह दिया बारि केर और घर झारि बहारि केर जावै तक मिलि न जाय तब तक मन लगाय केर ढूँढत न रहे।<sup>9</sup>अउर जब मिलि जइहँ तब अपनी सुखिन का अउर परोसिन को बोलाय कय कहत है कि हमरे साथे आनन्द करौ काहे ते हमारा खोये भवा सिक्का मिलि गवा है।<sup>10</sup>जब तुमते कहित है कि यही तना ते मन फिरावे वाले पापी केर विसय मां परमेसुर केर सरग दूतन केर सामने आनन्द होत है।

### खोये भये बेटवा केर उदाहरन

<sup>11</sup>फिर ऊ कहिस कि कउनिय मनई केर दुइ बेटवा रहे।<sup>12</sup>उनमा ते छोटका बाप ते कहिस कि “हे बाप जायदाद मां ते जउन हिस्सा हमार होय, हमका दइ देव। ऊ उनमा जायदाद बांटे दिहिस।

<sup>13</sup>और बहुत दिन नाही बीते रहे कि छोटका सब कुछ यकट्टा करि कय एक दूर देस का चला गवा अउर हुंवा कुकरम कय आपन जायदाद उड़ाय दिहिस।

<sup>14</sup>जब उइ सब कछु खरच करि चुका तौ उइ देस मां बड़ा अकाल पड़ा अउर ऊ कंगाल होइगा।<sup>15</sup>अउर ऊ वहि देस केर रहे वालेन मा ने एक केर घरे जाय परा। ऊ वहिका अपने खेतन मां सुअर चरावे की खातिर भेंजिस।<sup>16</sup>अउर ऊ चाहत रहा कि उइ फयिन ते जितने सुअर अपने पेटु भरत रहे ऊ आपन पेट भरै। अउर वहिका कोउ कछु नाही देत रहा।

<sup>17</sup>जब ऊ अपने आपे मां आवा तो कहै लाग कि हमरे बाप केर केतनेव मजूरन का खाय ते ज्यादा रोटी मिलत है अउर हम हियां भूखन मरति है।<sup>18</sup>अब ऊ उठि केर अपने बाप केर पास जाव अउर कहव कि हम सरग केर विरोध मां औ तुमरी निगाह मां पाप कीन है।<sup>19</sup>अब हम ई लायक नाही रहेन कि तुमार बेटवा कहाई। हमका अपने आप मजुरे की नाई रखि लेव।<sup>20</sup>तब उठि केर अपने बाप केर पास चला गवा अवहिन थोरिन दूरि गवा रहा कि वहिके बाप वहिका देखि केर तरस खाइस अउर दउरि केर उडका गले लगाइसि अउर बहुत चूमिस।

<sup>21</sup>बेटवा वहिते कहिस कि बापु हम सरगे केर विरोध मां तुमरी निगाह मां पाप कीन है अउर ई लायक नाही रहेन कि तुमार बेटवा कहाई।

<sup>22</sup>मुला बाप अपने दासन ते कहिस कि जल्दी नीक ते नीक कपड़ा निकारि केर वहिका पहिराओ अउर हाथनु मां अंगूठी अउर पावन मां जूता पहिराओ।<sup>23</sup>अउर पाला भवा बछवा लाइके मारो काहे ते हम खाई अउर आनन्द मनाई।<sup>24</sup>काहे ते हमारि यहु बेटवा मरि गवा रहा अउर फिरि जी गवा है। खोय गवा रहा अउर मिलि गवा है अउर उइ आनन्द मनावे लागि।

<sup>25</sup>मुला वहिका बड़ा बेटवा खेत मां रहा अउर जब आवत रहा अउर घर केर बगीचे पहुंचय तो ऊ गावै बजावै अउर नाचै केर आवाज सुनिसि।<sup>26</sup>अउर एकु दास केर बुलाय केर पुछिस कि यहु का होइ हरा है।<sup>27</sup>ऊ वहिते कहिस कि तुमार भाई आवा है अउर तुमार बाप पाला भवा बछवा कटवाइन हैं काहे ते वहिका भला चंगा पाइन है।

<sup>28</sup>ई सुनि केर बहुत गुस्सा ते मरि गवा अउर भीतर नाही जाय केर चाहिस। मुला वहिका बाप बाहर आइके वहिका मनावे लागि।<sup>29</sup>ऊ बाप का जवाबु दिहिस कि द्याखौ हम अतने वरसन ते तुमारि सेवा करि रहे हन अउर कबौ तुमारि बात नाही टारेन तवौ तुम हमका कबौ याको बकरिउ केर बच्चा नही दियेउ कि हम अपने मितरन केर साथे आनन्दु करी।<sup>30</sup>मुला जब तुमार ई बेटवा जउन तुमारि जायदाद बैस्यन मां



उड़ाय दिहिस है, आवा है तो तुम ऊ की खातिर पाला भवा बछवा कटवाये हौ।

<sup>31</sup>वहु उड़ते कहिस बेटवा तुम हमेसा हमरे साथ हौ अउर जउन कुछ हमार है ऊ सब तुमरे है। <sup>32</sup>मुला अब आनन्द करे का अउर मगन होय का चाही काहे ते तुमार ई भाई जउन मरि गवा रहा फिर जी गवा है, खोय गवा रहा अउर फिर मिल गवा है।

### एक कठोर भन्दारी केर उदाहरन

**16** फिर ऊ चलने ते कहिस कि कवनेउ धनवान के एक भन्दारी रहा अउर लोग वहिके सामने उह पर दोसु लगाइनि कि तुमारि सब जायदाद उड़ाय द्यात है। <sup>2</sup>सो ऊ वहिका बोलाय केर कहिस कि ई हम तुमरे विसय मां का सुनि रहे हुन? अपने भन्दारे केर लेखा देव काहे ते तुम आगे भन्दारी नाही रहि सकत हौ।

<sup>3</sup>तब भन्दारी स्वांचै लागि कि हम अब का करी? काहे ते हमार मालिक भन्दारी केर काम अब हमते छीनि रहा है। भाटी ते हमते खोदि नाही जात अउर भीख मांगे मां हमका सरम आवत है। <sup>4</sup>हम समझिन गयेन कि हमै करिबौ जेहिते जब हम भन्दारी केर काम से छोड़ाय कई तो लोग अपने घरन मां हमका लइलेई।

<sup>5</sup>अउर ऊ अपने मालिक केरन दास माते एक का बुलाइ केर पहिले ते पूछिस कि तुमरे ऊपर हमरे मालिक केर का बनत है?

<sup>6</sup>ऊ कहिस कि सौ मन तेल फिर ऊ वहिते कहिस का आपन खाता वही लइकै बइठो अउर तुरन्तै पचास लिख देव।

<sup>7</sup>कहू दूसरे से पूछिस कि तुमरे ऊपर का आवत है? ऊ बताइस सौ मन गेहूँ। फिर ऊ वहिते कहिस कि आपन खाता वही लइकै अस्सी लिख दे।

<sup>8</sup>मालिक उइ अधरमी भन्दारी केर तारीफ किहिस कि वहु चतुराई ते काम लिहिस है। काहे ते ई दुनिया केर लोग अपने बखत केर लोगन क साथे रीति व्यवहार मा ज्योति केर लोगन ते ज्यादा चतुर है। <sup>9</sup>अउर हम तुमते कहित है कि अधरम केर धन ते अपनी खातिर मितर बनाई लेव काहे ते जब ऊ जात रहै तो उइ तुमका अनन्त निवासन मा लइके।

<sup>10</sup>जउन वइते कम का सच्चा है वहु बहुतेउ मा सच्चा है। अउर जउन कमते कम या अधरमी है ऊ बहुतेउ मा अधरमी है। <sup>11</sup>यहि मारे जब तुम अधरम केर धन मां सांचे बठहोव तौ सच्चा तुमका को सौपीं <sup>12</sup>अउर जौ तुम पराये धन मां सांचे न ठहरे ओ तो

जउन तुमार है वही तुमका को देई।

<sup>13</sup>कउनउ दास दुइ मालिकन केर सेवा नाही करि सकत है। मुला ऊ एक ते बैर अउर दूसर ते पिरम राखी। तुम परमेसुर अउर धन दोनों केर सेवा नाही कर सकति होय।

<sup>14</sup>फरीसी जउन लालची रहै या बात सुनिकै ठट्ठा उड़ावै लाग। <sup>15</sup>वहु वहिते कहिस कि तुम तो लोगन केर सामने अपने आप का धरमी ठहरावत हौ। मुला परमेसुर मन का जानत है काहे ते जउन चीज मनइन की निगाह मा महान है वा परमेसुर की निगाह मां नफरत केर काबिल है।

### अन्य सिच्छाएँ

<sup>16</sup>इन्तजाम करे वाले अउर भविस बतावै वाले यहुन्ना तक रहे, तबते परमेसुर केर राज केर खुसखबरी सुनाव जाय रहा है। अउर हर कोई परवलता ते कहि केर भीतर जात है। <sup>17</sup>असमान अउर धरती केर टरि जाब बेवस्था केर एक विन्दु केर कटि जाय ते आसान है।

<sup>18</sup>जो कोई अपनी अउरन का छोड़ि केर दूसरी ते वियाहु करत है ऊ वेभिचारु करत है अउर जो कोई छोड़ी भई अउरन ते वियाहु करत है वहू वेभिचारु करत है।

### धनी मनई अउर लाजर

<sup>19</sup>एकु धनवान मनई रहा अउर धूम-धाम ते रहत रहा। <sup>20</sup>अउर बाजकर नाम केर एकु कंगाल-कोड़ी जउन घावन ते मारा रहा वहिकी चौखट पर छोड़ि दीन जात रहा। <sup>21</sup>अउर ऊ चाहत रहा कि धनवान की मेज पर की जुठन ते आपन पेट भरै। अउर कुकुरौ आय केर वहिके घाव चाटति रहे।

<sup>22</sup>अउर अइस भवा कि कंगाल मरिगा अउर सरग दूत वहिका लइके अबराम की गोद मां पहुंचाइन अउर ऊ धनवानों मरा अउर गाड़ा गवा। <sup>23</sup>अउर अध गोलोक मां पड़े-पड़े पीड़ा केर मारे अपनी आरिख उठाइस अउर दूरि ते अबराम की गोद मां नाजर का देखिस। <sup>24</sup>अउर ऊ पुकारि केर कहिस कि देखव अबराम हमरे ऊपर दया करिकै लाजर मां भेजि देव जेहिते ऊ अपनी अंगुरी केर किनारा पानी मां भिगोय कै हमरी जीभ का ठंडा करै, काहे ते हम ई आगि मा जरि रहे हन।

<sup>25</sup>मुला अबराम कहिन कि बेटा मार करौ जब तुम अपनी जिन्दगी मां अच्छी चीजें लइ चुके हौ अउर लाजर खराब चीजें मुलाहियां अउर सान्ती पाय रहा

है अउर तुम तड़पि रहे हो।<sup>26</sup>अउर ई बातन केर अलावा हमरे अउर तुमरे बची मां एकु खाई है कि जउन तुमरे पास पार कइके जावा चहै तौ जाय न पावै अउर न कोई वहि पार से यहि पार।

<sup>27</sup>वहु फिर कहिस की हे बापु! हम तुमते विनती करित है कि तुम वहिका हमरे घरे भेजौ।<sup>28</sup>काहे ते हमरे पांच भाई है बहु उनके सामने ई बात की गवाही दे। काहे ते अइस न होय कि उनहूँ यही पीड़ा दियै वाली जगह पर आवै।

<sup>29</sup>अबराम वहिते कहिन कि उनके पास तो मूसा अउर भविस बतावै वालन की किताबे है, उइ वहि केर सुनै।

<sup>30</sup>ऊ कहिस 'नाही' हे बाप अबराम जो कोई मरे भएन मा ते उनके पास जाय तौ उइ मन फिरइ है।

<sup>31</sup>ऊ वहिते कहिन कि जब उइ मूसा अउर भविस बतावे वालन की नाहीं सुनत है तो जौ मरे भये लोगन मां से कोई जिन्दा होइ उठे, त कोउ वहिकी न मनि है।

#### पाप, बिसवासु अउर करतब

**17** फिर ऊ अपने चेलन ते कहिस कि ई तो होई नाहीं सकत कि ठोकर न लागै, मुला हाय उइ मनइ पर जेहिके कारन उइ अइती है।<sup>2</sup>जउन ई छोटन मां ते एकौ का ठोकर खावत है वहिकी खातिर ठीक रहा कि वहिकी गले मां चक्की केर पाट लटकावा जात अउर समुन्दर मां डारि दीन जात।<sup>3</sup>सचेत रहौ, जो तुमारि भाई अपराध करै तौ वहिका समझावौ अउर जो पछिताय तौ वहिका माफु करौ।<sup>4</sup>जो दिन भरे मां ऊ सात दफा तुमरे साथे अपराध करै अउर सातौ दफा तुमरे पास आय कै कहै कि हम पछिताइत है तबौ वहिका माफु करौ।

<sup>5</sup>तब परेरित परभु ते कहिन कि हमार बिसवासु बढ़ा।

<sup>6</sup>परभु कहिन कि जो तुमका राई केर दानों केर बराबर बिसवासु होत, तौ तुम ई तुत केर विरवा ते रहितु कि उखड़ि केर समुन्दर मां जाय लागै तौ ऊ तुमारि बात मान लेत।

<sup>7</sup>मुला तुममाते अइस को है जेहिके दास खेत जोतत या तौ भेड़ी चरावत अउर जब ऊ खेत ते आवै तौ उइते कहै कि तुरन्त आय कै भोजन करैक बइठै।<sup>8</sup>अउर यू न कहै कि हमार खाना तैयार करौ अउर जब तक हम न कहै कि हमार खाना तैयार करौ अउर जब तक हम न खाई—पी जब तक कमर बांधि कै हमारि सेवा करौ। यहि केर बाद तुमहूँ खाय—पी लिहेव।<sup>9</sup>का ऊ वहि दास कै निहोरा मानी कि ऊ

उनही काय किहिस है जिनके आग्या दीनि में रहे।

<sup>10</sup>यही तना ते तुमहूँ जब उइ सब कामन का करि चुकौ, जिनके तुमका आग्या दीनि गै रही, तौ कहौ कि हम निकम्मे दास हन कि हम वै काम कीन जिनके आग्या दीनि गै रही।

#### दस कोदियन कइहन केर चंगा किहिन

<sup>11</sup>अउर अइस भवा कि ऊ यरूसलम जात भये सामरिया अउर गलील केर बीच से हाये कै जात रहा।<sup>12</sup>औ कउनौ गाव केर भीतर जात बखत वहिका दस कोदी मिले।<sup>13</sup>अउर दूर ठाढ़ होइके ऊंची आवाज मा कहिन हे यीसु! हे सुवामी! हमरे ऊपर दया करौ।

<sup>14</sup>ऊ वहिते कहिन कि जाब अउर अपनी तई याजकन का देखावौ। अउर जाते जाते सुद्ध होइगे।

<sup>15</sup>तब उनमा ते एक ई देखि कइ कि हम चंगे होइ गएन हैं ऊंची आवाज मां परमेसुर केर बड़ाई करत भवा लउटा।<sup>16</sup>अउर यीसु केर पावन पर मुंह केर बल गिरि कै वहिके धन्यवादु करै लाग अउर ऊ सामरी रहा।

<sup>17</sup>यहि पर यीसु कहिन का दसौ सुद्ध नहीं भये, फिर बाकी नौ कहौ है।<sup>18</sup>का ई परदेसी का छोड़िकइ अउर कोई नाहीं निकरा, जउन परमेसुर केर बड़ाई करत।<sup>19</sup>तब ऊ वहिते कहिस कि उठि कै चले जाव तुमार बिसवासु तुमका चंगा किहिस है।

#### परमेसुर कइहन राज आने वाला हये

<sup>20</sup>जब फरीसी वहिते पूछिन कि परमेसुर केर राज कब आई? तौ ऊ उनका जवाबु दिहिन कि परमेसुर केर राज परगट रूप में नाई आवत।<sup>21</sup>ई न कहि है कि हियां है या हुआं है काहे ते देखौ परमेसुर केर राज तुमरे बीच मां है।

<sup>22</sup>अउर ऊ चेलन ते कहिस उइ दिन अइहै जब तुम मनई केर बेटवा कइ दिनन माते एक दिन का देखा चहिहौ। अउर देखिन पइहौ।<sup>23</sup>लोग तुमते कहिहै कि देखौ हुआं है या देखौ हियां हैं मुला तुम चले न जायेव अउर न उनके पीछे कोई लियेव।<sup>24</sup>काहे ते जइसे बिजुरी आसमाने केर एक तरफ ते चमकिके दूसरी तरफ चमकत है वइसेन मनई केर बेटवो अपने दिनन का परगट होई।<sup>25</sup>मुला पहिले ई जरूर है कि उइ बहुत दुख उठावै कि ई जमाने केर लोग वहिका छोट कहै।

<sup>26</sup>जइस नूह केर दिनन मां भवा रहा, वइसेन मनई केर बेटवों केर दिनन मां होई।<sup>27</sup>जउने दिन तक नूह

जहाज पर नाही चढ़ा वही दिन तक लोग खात पियत रहैं अउर उनमा विवाह सादी होत रही, अउर जब परलय आय कै उन सब कै नासु कइ दिहिस।

<sup>28</sup>अउर जइस लूत केर दिनन मां भवा रहा कि लोग खात—पियत, लेन—देन करत बिरवा लगावत अउर घर बनावत रहैं। <sup>29</sup>मुला जउन दिन लूत सदीम ते निकरा वहि दिन आगि गन्धक आसमान ते बरसा अउर सबका नासे करि दिहिस।

<sup>30</sup>मनई केर बेटवा केर परगट होय केर दिनों अइसेन होई। <sup>31</sup>उइ दिन जउन कोठे पर होय अउर वहिका सामान घर मां होय, वहिका लेइ का न उतरै अउर जउन खेते मा होय ऊ पीछे न लागि है। <sup>32</sup>लूत की अउरत की याद राखौ। <sup>33</sup>जो कोई आपन परान बचाव चाही ऊ वहिका खोई। अउर जो कोई वहिका खोई ऊ जिन्दा रही। <sup>34</sup>हम तुमते कहित है कि उइ राति का दुइ मनई एकु खटिया पर होइहैं। एक लइ लीन जाई अउर दूसरे छोड़ि दीन जाई। <sup>35</sup>दुइ औरतें एक साथ चक्की पिसती होइहैं। एकु लइ लीन जाई, अउर दूसरी छोड़ि दीन जाई। <sup>36</sup>दुइ जन खेत मा होइहैं एकु लेइ लीन जाई दूसरी छोड़ि दीन जाई।

<sup>37</sup>ई सुनिके उइ वहिते पूछिन हे परभु ई कहां होई? ऊ वहिते कहिस कि जहां लोय है हुआं गिद्ध यकड्डा होइ है।

### दुखी विधवा केर उदाहरन

**18** फिर उइके बारे मां कि पराथना किहेव अउर हियाव न छोड़े क चाहीं, वहिते उदाहरन कहिस। <sup>2</sup>कि कउनउ नगर मा एकु नियायी रहत रहा, जउन न परमेसुर ते डेरात रहा अउर न कउनउ मनई केर परवाह करत रहा। <sup>3</sup>अउर वही नगर मां एकु विधवा रहत रही, जउन परमेसुर ते डेरात रही। जउन वहिके पास आय केर कहा करत रही कि हमार नियाव चुकाय केर हमका मुद्दई से बचाओ।

<sup>4</sup>केतनेउ बखत तक तो ऊ नाही माना, मुला आखिर मां मनमां विचारि कै कहिस, भले हम न परमेसुर ते डेरात हई, अउरन मनइन केर परवाह करित है। <sup>5</sup>तबौ यह विधवा हमका परेशान करत है। ई मारे हम उहिके नियाव चुकइबै। कहुँ अइस न होय कि घरी—घरी आयकै हमरो न नाक मा दम करै।

<sup>6</sup>परभु कहिन कि सुनौ ई अधरमी नियायी का कहत रहा। <sup>7</sup>सो का परमेसुर अपने चुने भयेन केर नियाव न चुकाई? बहुत रात—दिन वहिके दोहाई देत रहत अउर का ऊ उनके बारे मां देर लगाई। <sup>8</sup>हम तुमते कहित है कि ऊ तुरन्ते उनके नियाव चुकाई।

तवौ मनई केर बेटवा जब आई तौ का ऊ धरती पर बिसवासु पाई।

### फरीसी अउर कर वसूले वालेन केर उदाहरन

<sup>9</sup>अउर ऊ केतनेओ तो जउन अपने ऊपर भरोसा राखत रहे कि हम धरमी अउर अउरेन का छोट मानत रहे यह मिसाल किहिस। <sup>10</sup>कि दुइ मनई कउनउ मंदिर मां पराथना करे कि तई गए। एक फरीसी रहा अउर दूसरे चुंगी लेवे वाला। <sup>11</sup>फरीसी ठाढ़ होइके अपने मन मां पराथना करै लगा कि हे परमेसुर हम तुमार धन्यवादु करित है। काहे ते हम मनइन की माई अंधेरे करे वाले अनियायी अउर वेभिचारी नाही हन अउर ई चुंगी लेन वाले केर समान हव। <sup>12</sup>हम हफता मा दुइ दफा उपवासु करित है अउर अपनी सब कमाई केर दसवां हिस्सा देइत है।

<sup>13</sup>मुला चुंगी लेन वाला दूरि ठाढ़ होइके सरग की तरफ आखिउ नाही उठाव चहिस बल्कि अपन छाती पीटि—पीटि केर कहिस कि हे परमेसुर हम पापी पर दया करौ।

<sup>14</sup>हम तुमते कहित है कि उहे मनई धरमी माना गवा अउर तब अपने घरे गवा दूसर नाही। काहे ते जउन कोई अपने का छोट बनाई, ऊ बड़ा कीन जाई।

### यीसु बच्चन कइहन आसीरवाद दिहिन

<sup>15</sup>फिर लोग अपने बच्चन का वहिके पास लावे लागि। कि ऊ उन पर हाथ धरै। अउर चेला उनका देखि कै डाटिन। <sup>16</sup>यीसु बच्चन का अपने पास बोलाय कै कहिस कि बच्चन का हमरे पास आवै देव अउर उनका मना करौ काहे ते परमेसुर केर राज अइसन केर है। <sup>17</sup>हम तुमते कहित है कि जो कोई परमेसुर केर राज का बालकन की नाई कबूल न करी ऊ वहि केर भीतर कबौ न जाय पाई।

### धनी सरदार

<sup>18</sup>कउनउ सरदार वहिते पूछिस कि हे उत्तम गुरू अनन्त जीवनु केर उत्तराधिकारी होय कि खातिर हमका करी।

<sup>19</sup>यीसु वहिते कहिन कि तुम हमका उत्तम काहे कहत हो? एकु परमेसुर का छोड़ि केर कोई उत्तम नाहीं। <sup>20</sup>तुम हुकुम तौ जानत हो कि वेभिचारु न करौ इरसा न करौ, चोरी न करौ झूठी गवाही नदेव, अउर अपने महतारी—बाप केर आदर करौ।

<sup>21</sup>वहु वहिते कहिस कि हम तौ बचपने ते यहिका मानित है।

<sup>22</sup>ई सुनिकै यीसु कहिन कि तुमरे मा अबौ एक बात केर धरी है। अपन सब कुछ बेचि केर कंगालनु मा बाँटि देव तुमका सरग मा धन मिली। अउर हमरे पीछे होइ लेवा।

<sup>23</sup>यह सुनिकै ऊ बहुत उदास भवा, काहे ते ऊ बड़ा धनी रहा। <sup>24</sup>यीसु वहिका देखि केर कहिन कि परमेसुर केर राज मां धनवानन केर परवेस करबु बड़ा कठिन है। <sup>25</sup>परमेसुर केर राज मां धनवान केर परवेस करे ते जादा आसान है सुई केर नाका मा ते ऊंट केर निकरि जाब।

<sup>26</sup>अउर सुनै वाले कहिन कि तौ फिर उद्धार कैसे होइ सकत है?

<sup>27</sup>ऊ कहिस कि जउन मनइन ते नाही होइ सकत है, ऊ परमेसुर ते होइ सकत है।

<sup>28</sup>पतरस कहिन कि द्याखौ हम तो घरवा छोड़ि केर तुमरे पीछे होइ लिहिन है।

<sup>29</sup>ऊ वहिते कहिस कि हम तुमते सांचु कहित है कि अइस कोई नाही, जउन परमेसुर केर राज की तई घर, मेहरारु, भाई, महतारी, बाप या तौ बाल बच्चेन का छोड़ि दिहिस होय। <sup>30</sup>तौ ई बखत यहिते कइउ गुना जादा न पावै अउर अनन्त जीवन परलोक मां न पावै।

### यीसु केर मरने का आपे भविसवानी किहिन

<sup>31</sup>फिर ऊ बारहों का साथे लइके वहिते कहिस देखौ हम यरुसलेम का जाइत है अउर जेतनी बातें मनई केर बेटवा की तई भविस बतावे वाले लिखिन है, उइ सब पूरी होइ है। <sup>32</sup>काहे ते ऊ दूसरी जातिन केर हाथन मा सउंपा जाई। अउर उइ वहिके ठट्टा उड़ाइ है। उइ वहिके अपमान करि है। अउर वहिके ऊपर थूकि है। <sup>33</sup>वहिके कोड़ा मारि है अउर घात करि है अउर ऊ तिसरे दिन जी उठी।

<sup>34</sup>अउर उइ लोग ई बातन मा ते कउनिय बात नाही समझिन अउर यहि बात वहिते छिपी रहिगै। अउर जउन कहा गवा रहय ऊ उनका समझ मा नाही आवा।

### एकु भिखारी केर आखि चंगा करीन

<sup>35</sup>जब ऊ यरीहो केर करीब पहुंचा तौ एकु अंधेरा सड़क केर किनारे बइठ भीख मांगत रहा। <sup>36</sup>अउर वह भीड़ केर चलै कइ आहत सुनिकइ पूछै लागि कि ई का होइ रहा है। <sup>37</sup>वहिका बताइन कि यीसु नासरी जाय रहा है।

<sup>38</sup>तब उइ पुकारि केर कहिस कि हे यीसु दाऊद

की सन्तान हमरे ऊपर दया करौ।

<sup>39</sup>जउन आगे जात रहै उइ वहिका डाटे लागि चुप रहौ, मुला ऊ अउरौ चिल्लाय लाग कि हे दाऊद सन्तान हमरे ऊपर दया करौ।

<sup>40</sup>तब यीसु ठाढ़ होइ केर हुकुम किहिन कि वहिका हमरे पास लाओ अउर जब ऊ बगीचे आवा तौ वहिते पूछिन। <sup>41</sup>तुम का चाहत हौ? हम तुमरी खातिर का करी? वहि कहिस कि हे परभु हम देखे लागीं।

<sup>42</sup>यीसु वहिते कहिन कि देखे लागो तुमार बिसवासु तुमका चंगा कइ दिहिस।

<sup>43</sup>अउर ऊ तुरतै देखे लागि। अउर परमेसुर केर बड़ाई करत उनके पीछे होइ लिहिस। सब लोग ई देखि कय परमेसुर केर विनती किहिन।

### जवकई कर वसूले वालेन

**19**बहु यरिहो मा आइ कइ जात रहा। <sup>2</sup>अउर द्याखव जवकई नाम क्यार एकु मनई रहय जउन चुंगी लेय वालेन का सरदार अउर धनवान रहय। <sup>3</sup>वहि यीसु का द्याखा चाहत रहा कि ऊ कौन सा है मगर भीड़ केर कारन देखि नाही पाइस काहे ते ऊ नारा रहय। <sup>4</sup>तब ऊ दौरि कय एक गूलरि केर बिरवा पर चढ़ि गवा ऊका देखे केर तई काहे ते ऊ वहय रास्ता जाय वाला रहय।

<sup>5</sup>जब यीसु उइ जगह पहुंचे तब ऊपरि देखिकई कहिन जवकई झट ते उतरि आउ काहे ते हम आज तुमरे घरमा जरूर रहिय। <sup>6</sup>तुरतय उतरि केर खुसी ते वहिका अपने घर लै गवा।

<sup>7</sup>यू देखिकय सब लोग कुड़कुड़ाय कहै लाग कि उ तौ एकु पापी मनई केर घर मा उतरा है।

<sup>8</sup>जवकई खड़ा होइके कहय लागि कि हे परभु द्याखव हम आपनि आधी दौलत कंगालुन केर देइत है। अउर यदि हम कोई केर कुछू अन्याय से लै लिहिन है तौ वहिका चौगुना हम फेर देयाव।

<sup>9</sup>तब यीसु वहिते कहिन आजु यहि घर मां उद्धार आवा है। यही तई, कि यह अबराम का एक बेटवा है। <sup>10</sup>काहे ते मनई का बेटवा खोये हुअन का दूढ़व तथा उनका उद्धार करय आवा है।

### दस सिक्कवन केर उदाहरन

<sup>11</sup>जब उइ ई बातय सुनत रहय तब ऊ एक दिरिस्टान्त कहिस यहिकी तई ऊ यरुसलेम केर निकट रहय अउर उइ समझत रहय कि परमेसुर का राज अबहिन परगट हून चाहत है। <sup>12</sup>सो ऊ कहिस कि

एक धनवान मनई दूरि देस का चला ताकि राजपद पायकय फिर आवय।<sup>13</sup>अउर वहु अपने दस दासन केर बुलाय कय दस मुहरें दिहिस अउर कहिस हमरे लौटि आवे तक लेने देन कि हेव।

<sup>14</sup>मगर ऊ केर नगर केर रहय वाले लोग उहिसे बैरु रखत रहय अउर वहिके पीछे दूतन ते कहवाय पठइन कि हम नाहीं चाहित है कि यहू हम पर राज करय।

<sup>15</sup>जब ऊ राज पद पायके लौटि आवा तौ अपने उइ दासन का बुलवाइस जिनका मुहरें दिहिस रहय ताकि यू मालूम हुवय कि उई लेन—देन मां केतना कमाइन।

<sup>16</sup>तब पहिला आय कय कहिस हे मालिक हम तुमरे मुहर ते दस मुहरें अउर कमायेन।

<sup>17</sup>ऊ वहिते कहिस धन्य हव अच्छे दास तुम धन्य हव तुम बहुत थोरें मां बिसवासी निकरवे अब दस नगरन पर अधिकार रखव।

<sup>18</sup>दूसर आय कय कहिस हे मालिक हम तुमरे मुहर से पांच मुहरें अउर कमायेन।

<sup>19</sup>ऊ बहुते कहिस कि तुम पांच नगरन पर अधिकार रखव।

<sup>20</sup>तीसर आयकय कहिस हैं मालिक देखव यह तुमार मुहर है जिहिका हम अंगोछा मां बांधे रखेन।

<sup>21</sup>काहे ते हम तुम डेराइत रहय ई की तई कि तुम कठोर मनई हव जउन नाहीं राखेव ऊ तुम असयलियत है। जउन तुम नाहीं वोवत वहिका तुम काटि लियत है।

<sup>22</sup>ऊ वहिते कहिस हे दुस्ट दास हम तुमरे मुंह ते तुमका दोसी ठहराइत है तू हमका जानत रहव कि कठोर मनई हम जउन हम नाहीं राखेन ऊ हम उठाय लियत है अउर जउन नाहीं वोयन वहिका काटि लेइत है।<sup>23</sup>तौ तुम हमारि रुपया कोठी मा काहे नाहीं राखेव कि हम आयकय बियाजु समेत लइ लेइत।

<sup>24</sup>अउर जउन लोग नेरे खड़े रहय ऊ वहिते कहिस कि ऊ मुहरें वहिते लै लियव अउर जेहिके पास दस मुहरें हय वहिका दय दियउ।

<sup>25</sup>उइ वहिते कहिन हे मालिक वहिके पास दस मुहरय तब है।

<sup>26</sup>हम तुमते कहिस है कि दस मुहरें जेहिके पास है वहिका अउर दीन जाई अउर जेहिके पास नाहीं है वहिते वहव लै लीन जाई जउन वहिके पास हे।

<sup>27</sup>मगर हमरे अ दुसमनन का जउन नाहीं चाहत रहै कि हम उनके ऊपर राज करीं उनका हियां हमरे सामने लाय कय मारि डारव।

### यीसु केर यरुसलेम मां परवेस

<sup>28</sup>ई बातय कहिकय ऊ यरुसलेम की ओर उनके आगे—आगे चला।<sup>29</sup>अउर जब ऊ जैतून नाम पहार पर वैतफगे अउर वैतनित्याह केर पास पहुँचा तब अपने दुइ दासन का यू कहि कय पठाइस।<sup>30</sup>कि सामने गांव में जाव अउर वहिमां पहुँचत ही एक गदही का बच्चा जेहि पर कबो कोऊ सवार नाहीं बंधा हुआ तुमका मिली वहिका खोलि लाऊ।<sup>31</sup>अउर कोऊ यदि तुमते पूछय कि काहे खोलत हव तौ यू कहेव कि परभु को यहिका जरूरति है।

<sup>32</sup>जउन भेजे गये रहय उइ जायकय जइसन उनसे कहा गवा रहा वइसनय पाइन।<sup>33</sup>जब उइ गदहे केर बच्चा का ख्वालत रहय तब वहिका मालिक वहिते पूछिन ई बच्चा का काहे खोलत हव।

<sup>34</sup>उइ कहिन परभु का यहिका जरूरति है।

<sup>35</sup>उइ वहिका यीसु केर पास लइ आये अउर आपनि कपड़ा वहि पर डारि कय यीसु का सवार किहिन।<sup>36</sup>जब ऊ जाति रहय तौ उइ आपनि कपड़ा रास्ता मां विछावत जात रहय।

<sup>37</sup>अउर नेरे आवत भये जब ऊ जैतून पहार की ढलान पर पहुँचा तब चेलन कय सारी मंडली उइ, सब सामरथ केर कामन का जउन उइ देखिन रहय खुस हुइकय बड़े सबदन मां परमेसुर कय स्तुति करय लागि।

<sup>38</sup>धनि हयं वहु राजा जउन परभु केर नाम ते आवत हैं सरग मां सान्ति अउर अकास मन्डलु मा महिमा हो।

<sup>39</sup>तब भीड़ मइ ते कितनेउ फरीसी वहिते कहय लाग कि हे गुरू अपने चेलन का डांटव।

<sup>40</sup>वहु जवाबु दिहिन कि तुमते कहित हे कि उइ चुप रहय तौ पाथर चिल्लाय उठि हय।

<sup>41</sup>जब ऊ नेरे आवा तौ नगर का देखिकय वहि पर खावा।<sup>42</sup>अउर कहिस का भला हुवत कि तुम हां तुमहीं यही दिन मां कुसल की बातय जानत मगर उइ अब तुमरी आखिन ते छिप गई है।<sup>43</sup>काहे ते उइ दिनन अइहय कि तुमारि वैरी मोरचा बाधिकय तुमका घेरि लेहय अउर तुमका चारिउ तरफ ते दवइहय।<sup>44</sup>अउर तुमका अउर तुमरे लरिकन का जउनर तुम मा हवै माटी मां मिलइहय अउर तुम मां पाथर पर पाथर भी न छोड़िहय काहे ते तुम ऊ अवसर जब तुम पर किरपा कीन गई रहय न पहिचाने?

### यीसु मंदिर मां

<sup>45</sup>तब ऊ मंदिर मां जायकय बेचेय वालेन का

बाहेन निकारय लागि। <sup>46</sup>अउर वहिते कहिस लिखा हवय कि हमार घर पराथना घर होई अउर तुम वहिका डाकू केर खोह बनाय दिहेव।

<sup>47</sup>अउर ऊ रोज मंदिर मा उपदेसु करय लाग, अउर महायाजक अउर सास्त्री अउर रईस लोग वहिका नासि करय का अवसर ढूँढत रहय। <sup>48</sup>मगर कउनउ उपाय नाहीं निकार पाइन कि यू की मेर करय काहे ते सब लोग बड़ी चाह ते वहिकय सुनत रहय।

**यीसु केर अधिकारन पइहन संका होवत हये**

**20** एकु दिन अइसन भवा कि जब वह मंदिर मां उपदेसु सुनावत रहय अउर लोगन का खुसखबरी दियत रहय तौ महायाजक अउर सास्त्री पुर्नियन केर साथे पास आय कय खडे भये। <sup>2</sup>अउर कहय लागि कि यू बताउ कि ई कामन का कउने अधिकार से करत हव अउर ऊ कउन है जउन तुमका यहु अधिकार से करत हव अउर ऊ कउन है जउन तुमका यहु अधिकार दिहिस है।

<sup>3</sup>ऊ उनका जवाबु दिहिस कि हमहूँ एक बात तुमते पूछित है हमका बताय। <sup>4</sup>यहुन्ना का बपतिसमा सरग की तरफ से रहय मा मनई की तरफ से रहय।

<sup>5</sup>तब उइ आपस मां कहय लाग कि यदि हम यू कहै कि सरग की तरफ से रहय तौ ऊ यू कही तौ वहिकय परतीत बिसवासु काहे नाहीं किहेव। <sup>6</sup>अउर यदि हम यू कहित है कि मनइन की तरफ से रहय तौ सब लोग पथराव करि हयं काहे ते सब जानत है कि यहुन्ना भविसावकता रहय।

<sup>7</sup>सो उइ जवाबु दिहिन कि हम नाहीं जानित है कि वहु केहि की तरफ से रहय।

<sup>8</sup>यीसु वहिते कहिन तौ हम हूँ नाहीं बताइत हैं कि यहु काम हम केहिके अधिकार से करति है।

**अंगूर केर बागन केर उदाहरन**

<sup>9</sup>तब वहु लोगन ते यू उदाहरन कहय लाग कि कउनव मनई दाख केर वारी लगाइसि अउर किसानन का ठेका दइकइ बहुत दिनन केर तई परदेसु चला गवा। <sup>10</sup>बखत पर ऊ किसानन केर पास एक दस का पठइस कि दाख की बारी क कुछ फल वहिका दियय पर किसान वहिका पीटकय खाली हाथ लौटाय दिहिन। <sup>11</sup>फिर ऊ एकु अउर दास का पठाइस अउर उइ वहु का पीटकय अउर अपमानु करिकय खाली हाथ लौटाय दिहिन। <sup>12</sup>फिर ऊ तीस पठाइन अउर उइ वहिका घायल करिकय निकारि दिहिन।

<sup>13</sup>तव दाख का मालिक कहिस का करी हम अपने

पियारे बेटवा का पठाई काहे ते उइ वहिका आदर करि हय।

<sup>14</sup>जब किसानन वहिका देखिन तौ आपस मां सोचय लाग कि यू तौ वारिस है आउ यहिका मारि डारी कि मिरासु हमार हुई जाय। <sup>15</sup>अउर उइ वहिका दाख की वारी से बाहेर निकारि कय मारि डारिन ई की तई दाख का मालिक उनके साथे का करी। <sup>16</sup>ऊ आयकय उइ किसानन का नासि करी अउर दाख की बारी औरन का सौंपी यू सुनिकय ऊ कहिस परमेसुर अइसन ना करी।

<sup>17</sup>वहु उनकी तरफ देखिकय कहिस यहु का लिखा है कि जउने पाथर का राज मिस्तारिन निकम्मा ठहराइन ऊ कौने का सिरा होइगा।

<sup>18</sup>जउन उइ पाथर पर गिरी ऊ चकनाचून होय जाई अउर जउने पर ऊ गिरी वहिका पीसि डारी।

<sup>19</sup>वही बखत सास्तरी अउर महायाजकय वहिका पकरा चाहिन काहे ते समझि गये कि ऊ हम पर या उदाहरन कहिस है मगर उई लोगन ते डेरान।

**कैसर को कर वसूली**

<sup>20</sup>अउर उइ वहिकी ताक या लागि अउर भेदियन केर पठाइस कि धरम का भेस बनाय कय वहिका कउनउ बात पकरव जेहिते वहिकी हाकिम केर हाथन अउर अधिकार मा सौंपि देय। <sup>21</sup>उइ वहिते कहिन हे गुरु हम जानित है कि तुम ठीक कहत हो अउर सिखावतु है अउर कोई का पच्छपात नाहीं करत हव वरन् परमेसुर का मारग सच्चाई से बतावत हव। <sup>22</sup>का हमका कैसर केर कर दियव ठीक है या नाहीं।

<sup>23</sup>ऊ उन कय चतुराई ताड़िकय उनसे कहिस एक दीनार हमका दिखाव। <sup>24</sup>यहि पर केहिकय नाम अउर मूरति है उइ कहिन कैसर का।

<sup>25</sup>ऊ वहिते कहिस कि जउन कैसर केर है तउन कैसर केर दियव अउर जउन परमेसुर केर है ऊ परमेसुर केर दियव।

<sup>26</sup>उई लोगन केर समूहे उई बात का पकरि न सके, वरन् वहिके जवाबु ते अचरज होइके चुप होइगे।

**पुनरुत्थान अउर विवाह**

<sup>27</sup>फिर सदूकी जउन कहत है कि मरे हुअन का जी उठव हइयै नाहीं उनमा त केतनेव वहिके नेरे आ कय पूछिन।

<sup>28</sup>कुछ मनइ यीसु ते पूछिन कि हे गुरु मूसा हमरी तई लिखिन है कि अगर कोई का भाई आपनि मेहरिया केर रहत भये बिना सन्तान मरि जात है अउर

वहिका भाई वहिकी बीवी का ब्याह लेई अउर अपने भाई की तई बंस उत्पन्न करय।<sup>29</sup>सो सात भाई रहयं पहिला ब्याह करिकय बिना सन्तान केर मरि गवा।<sup>30</sup>फिर दूसर अउर तीसर भी उइ औरत का वियाह किहिन।<sup>31</sup>यही तिना सातव बिना सन्तान केर मरि गये।<sup>32</sup>सबके पीछे वह औरत भी मरि गय।<sup>33</sup>सो जी उठय पर वह केहिकय औरत होई काहे ते वह सातव केर औरत बनि चुकी रहय।

<sup>34</sup>यीसु वहिते कहिन कि यहि जुग मां सन्तानन केर विवाह सादी हुवत है।<sup>35</sup>पर जउन लोग ई योग रहिहय कि मेरे हुवन मइसे जी उठय परापत करिकय उनमा विवाह सादी न होई।<sup>36</sup>उई फिर मरय का नाही काहे तो उई सरग दूतन केर समान होई हयं अउर जी उठय पर परमेसुर केर सन्तान होइ हयं।<sup>37</sup>मगर ई बात की मेरे हुए जी उठत है मूसा भी झाड़ी की कथा मा परगट किहिन है कि उई परभु का अबराम का परमेसुर अउर इसहाक का परमेसुर अउर याकूब का परमेसुर कहत है।<sup>38</sup>परमेसुर तक मुरदन का नाही जिन्दन का परमेसुर है काहे ते वहिके नेरे सब जिन्दा है।

<sup>39</sup>तब यहु सुनिकय सास्त्रीयन मइसे कतनेव कहिन कि हे गुरु तुम अच्छा कहेव।<sup>40</sup>अउर उनका फिर कछू पूछय का हियाव नाही भवा।

### यीसु केकर बेटवा हये

<sup>41</sup>फिर ऊ वहिते पूछिन कि मसीह का दाऊद केर सन्तान काहे कहत है।<sup>42</sup>दाऊद अब भजन—संहिता मां कहत है कि परभु हमरे परभु ते कहिन।

<sup>43</sup>हमरे दहिने बैठि जब तक कि तुमरे दुसमनन केर तुमरे पांवन तले न कर देई।<sup>44</sup>दाऊद तौ वहिका परभु कहत है तौ फिर ऊ वहिका सन्तान कइसे भवा।

<sup>45</sup>जब सबै लोगन सुनत रहयं तब ऊ अपन चेलवन ते कहिस।<sup>46</sup>सास्त्रीयन से चौकस रहेव जिनका बजारन मा नमस्कार अउर सभा मा मुख्य आसन अउर जेवनारन मां मुख्य स्थान अच्छे लागत है।<sup>47</sup>उइ विधवन केर घर खाय जात हवयं अउर देखावय केर तई बड़ी देर तक पराथना करत हवयं ई बहुतय दन्ड पइहयं।

### विधवा केर दान

**21** फिर उ आंख उठाय कय धनवान का आपन— आपन दान भन्डारन मा डारत देखिस।<sup>2</sup>अउर ऊ एक कंगाल विधवा का वहिमा हुई दमड़ी डारत देखिस।<sup>3</sup>तब ऊ कहिस हम तुमसे सांच कहित है

कि यह विधवा सबसे बढिकय डारिस है।<sup>4</sup>काहे उई सब अपनी बढती मइसे दान मा कुछ डारिन है मगर यह अपनी घटी मइसे आपनि सगरी जिविका डारि दिहिस है।

### आखरी समय केर निसार

<sup>5</sup>जब कतनेव लोग मंदिर केर बारे मा कहत रहय कि ऊ कितने सुधरि पाथर अउर भ्याँट की वस्तुअन से संवारा गवा है। तौ ऊ कहिस।<sup>6</sup>उई दिन अइहे जिनमा यहु सब जउन तुम द्याखत हव उनमा से कवनव पाथर पर पाथर भी न छूटी जउन गिरावा न जाई।

<sup>7</sup>उई वहिते पूछिन हे गुरु यू सब कव होई अउर ई बातय जब पूरी हुवय का अइहे तौ उई बखत का चिन्ह होई।

<sup>8</sup>ऊ कहिस कि चौकस रहेव कि भरमाये ना जाव काहे बहुत हमरे नाम आयकय कहिहय कि हम उनहिन आन अउर यही न कि समय नेरे आय गवा है तुम उनके पाछेन चले जायेव।<sup>9</sup>अउर जब तुम लड़ाई अउर बलवन का चरचा सनेव तौ घबराय जायेव काहे से ई पहिले जरूर होइहे मगर उई समय आखिर न होई।

<sup>10</sup>तब ऊ उनसे कहिस कि जाति पर जाति अउर राज पर राज चढ़ाई करिहय।<sup>11</sup>अउर बड़े—बड़े भुई डोल होइहय अउर जगह—जगह अकाल अउर मरिया परिहय अउर अकास से भयंकर वावय अउर बड़े—बड़े चिन्ह परगट होइ हय।

<sup>12</sup>मगर ई सब बातन केर पहिले उई हमरे नाम केर तई तुमका पकरिहय अउर सतइहय अउर पंचायत का सौपिहय अउर जेल खानन मा डरवाइहे अउर राजन अउर हाकिमन केर समूहे लइ जहइयं।<sup>13</sup>पर यूहू तुमरी तई गवाही दियय केर अवसकि होय जाई।<sup>14</sup>यही तई पहिलेन से अपने मनमा ठानि रखेव कि हम पहिले जवाबु दियय कि चिन्ता न करबिय।<sup>15</sup>काहे से हम तुमका एइसा बोल अउर बुद्धि देवय कि तुमरे सब विरोधी तुमार एइसा बोल अउर बुद्धि देवय कि तुमरे सब विरोधी तुमार सामना या खन्डन न करि पइहे।<sup>16</sup>अउर तुमार महतारी बाप अउर भाई तुमका पकरि इहय हियां तक कि तुममाते कतनेन का मरवाय डरिहय।<sup>17</sup>अउर हमरे नाम केर कारन सब लोग तुमसे दुसमनी रखिहय।<sup>18</sup>मगर तुमरे सिर का एकौ वालौ भी बाका न होई।<sup>19</sup>अपने धीरज से तुम अपने परानन का बचाये रखव।

<sup>20</sup>जब तुम यरुसलेम का सेनन से घिरा देखेव

जब जान जायेव कि वहिका उजड़य का बखत नेरे है।<sup>21</sup>तब कउन यहुदिया मा हुअय उई पहारुन पर भागि जाय अउर जउन यरुसलेम मां हुवय उई बाहेर निकरि जाय अउर जउन मा हुवय उई वहिमा न जाय।<sup>22</sup>काहे से यरुसलेम लिये अइसे दिन हुइहै जउन लिखी हुई बातय सब सांची होइ हय।<sup>23</sup>उन दिनन मा जउन गरभवती हुइहय अउर जउन दूध पियावत हुइहय उनकी तई हाय—हाय काहे ते उई दिनन मा देसु मा कलेसु अउर इन लोगन पर बड़ी आफत होई।<sup>24</sup>उई तलवार केर कउर होय जइहयँ अउर बहुआ बनाय कर सब देसन मां पहुँचाये जाइहय अउर जब तक दूसरी जातिन का बखत पूरा न होई तब तक यरुसलेम अन्य जातिन से रौदा जाई।<sup>25</sup>अउर सूरज अउर चाँद अउर तरन मा चीन्ह दिखाइ दिहय अउर धरती पर देस कि लोगन का संकट होइ काहे ते उई समुंदर केर गरजय अउर लहरन से घबराय जइहयँ।<sup>26</sup>अउर भय केर कारन अउर संसार पर आवय वाले घटनन का द्याखत—द्याखत उनके जी में जी नाही रही काहे से आकास का सक्तिया हलाई जइहय।<sup>27</sup>तब उई मनई केर बेटवा का बड़ी सामरथ अउर बड़ी महिमा केर साथ बादर पर आवत देखिहय।<sup>28</sup>जब ई बातय हुवय लागय तौ आपन सिर उपर उठायेव काहे ते तुमार छुटकारा नेरे होई।

<sup>29</sup>ऊ उनसे उदाहरन कहिस कि अंजीर केर विरवा अउर सब विरन का देखिवा।<sup>30</sup>जइसन उनकी कोपलें निकरत है तब तुम जान जात हव कि गरमी नेरे हवें।<sup>31</sup>यही मेर जब तुम ई बातय हुवत देखव तब जान जायेव कि परमेसुर का राज नेरे है।

<sup>32</sup>हम तुमसे सांच कहित हय कि जब तक ई बातय न हुइ हय तब तक यहि पीढ़ी केर अन्त न होई।<sup>33</sup>आकास अउर धरती टरि जाय मगर हमारी बात न टरी।

<sup>34</sup>यही तई सावधान रहेव अइसन न हुवय कि तुमरे मन खुमार अउर मतवालेपन अउर ई जीवन कि चिन्ता ते सुस्त होई जा अउर उई दिन तुम पर फन्दे कि तरह अचानक आये परे।<sup>35</sup>काहे से उ सारी धरती पर रहय वालेन पर यह मेर आय परी।<sup>36</sup>यही तई जागति रहेव अउर हर वखत पराथना करत रहेव कि तुमई सब आवय वाली घटनन से बचय अउर मनई केर बेटवा केर समुहे खड़े हुवय कि लायक बनेव।

<sup>37</sup>अउर ऊ दिन मा मंदिर मा उपदेसु करत रहय अउर रोते मां जैतून पहारु पर रहत रहय।<sup>38</sup>अउर सबेरे तड़के सब लोग वहिकी सुनय कि तई मंदिर मां

वहिके पास आव करत रहय।

### यहूदा यीसु केर बिसवासघात

**22**अखमीरी रोटी केर परब जउन फसल कहावत है नेरे रहय।<sup>2</sup>अउर महायाजक अउर सास्त्री यहि बात की खोज मां रहय कि वहिका कइसे मारि डारय मगर उई लोगन से डेरात रहय।<sup>3</sup>अउर सैतान यहूदा मा समान जउनइ स्कारियोती कहावत अउर बारह चेलन मा गिना जात रहय।<sup>4</sup>ऊ जायकय महायाजक अउर सास्त्री सेवा त किहिस कि वहिका की मेर पकराई<sup>5</sup>उई खुस भये अउर वहिका रुपया दियय का वयन दिहिन<sup>6</sup>ऊ माने लिहिस अउर अवसर दूहय लागि कि बिना उपदरव केर वहिका उनके हाथ कैसे पकरावा जाय।

### आखिरी फसह

<sup>7</sup>तब अखमीरी रोटी केर परब का दिन आवा जेहिका फसह का मेमनावली करय का जरूर रहय।<sup>8</sup>अउर यीसु पतरस अउर यहुन्ना का यू कहिकय पठाइन कि जायकय हमरे फसह खाय कय तयारी करव।

<sup>9</sup>उई वहिसे पूछिन तुम कहां चाहत हव कि हम तयार करी।

<sup>10</sup>ऊ उनके कहिस देखव नगर मां घुसतय तुमका एक मनई पानी का घड़ा उठाये मिली उ जउने घर मा जाय तुम वहिके पाछे चले जायेव।<sup>11</sup>अउर उई घर केर मालिक ते कहेव कि गुरु तुमसे कहिन है कि ऊ पाहुन साला कहां है जेहिका हम अपने चेलन केर साथ बइठकय फसह खाई<sup>12</sup>ऊ तुमका एक सजी सजाई बड़ी अटारी दिखाय देई हुवय तयारी किहेव।

<sup>13</sup>उई जायकय जइसन ऊ वहिते कहिस रहय वइसन पाइन अउर फसह तैयार किहिन।

<sup>14</sup>जनु घरी आई तौ ऊ अपने परेरितन केर साथे भोजनु करेय बइठ।<sup>15</sup>अउर ऊ उनपसे कहिस हमका बड़ी लालस रहय कि भूख भोग से पहिले यह फसह तुमरे साथे खाई।<sup>16</sup>काहे से हम तुमते कहित हय कि जब तक ऊ परमेसुर केर राज मा पूरा न हुवय तब तक हम वहिका कवौ न खइवय।

<sup>17</sup>तब ऊ कटोरा लइकय धन्निवाद किहिस अउर कहिस यहिका लियव अउर आपस मा बाट्ट लियव।<sup>18</sup>काहे से हम तुमसे कहित है कि जब तक परमेसुर का राज न आई तब तक अब हम दाख कवौ न पियव।

<sup>19</sup>फिर ऊ रोटी लिहिस अउर धन्निवाद करिकय तुरिस अउर उनका यू कहिकय दिहिस कि हम हमारि



दूयाह आय जउन तुमरे तई दिन जात है हमरे याद तइ यहय कीन करी।

<sup>20</sup>यही मेर ऊ वियारी केर बाद कटोरा भी यू कहत दिहिस कि यू कटोरा हमरे उई लोहू मां जउन तुमरे तई कहावा जात है। नई वाचा है। <sup>21</sup>पर देखव हमका पकरावय वालन का हाथ हमरे साथे मेज पर है। <sup>22</sup>काहे से मनई केर बेटवा तो जइसनऊ की तई ठहरावा जात है पर हाय उई मनई पर जेहिके दवारा ऊ पकरावा जात है। <sup>23</sup>तब उई आपस मां पूँछ-पूँछ करय लागि कि हममा से ऊ कउन है जउन ई काम करी।

<sup>24</sup>उनमा वाद विवादौ भवा कि हममा कउन बड़ा समझा जात है। <sup>25</sup>ऊ वहिते कहिस कि अन्य जातिन केर राजा उन पर अधिकारू रखत है। अउर जउन उन पर अधिकारू रखत है। उई उपकारक कहावत है। <sup>26</sup>मगर तुम अइसन न हुयेव वरन जउन तुममा बड़ा है ऊ छोटे कि तरह अउर परधान हुवय उ सेवक कि तरह वनय। <sup>27</sup>काहे ते बड़ा कउन है जउन भोजन कर बइठ है या जउन सेवा करत है का ऊ नाही जउन भोजन पर बइठ हवै हम तुमरे बीच सेवक की तरह हन। <sup>28</sup>मगर तुम उई आव जउन हमरी परीछन मुसबतिन मा लगातार हमरे साथे रहेव। <sup>29</sup>अउर जइसन हमार बापु हमरी तई एकु राज ठहराइन है। <sup>30</sup>वइसन हम तुमरी तई ठहराइत है। ताकि तुम हमरे राज मा हमरी मेज पर खाव पियव वरन सिंहासन पर बइठ कय इसराएल केर बारह भोजन का नियाव करेव।

<sup>31</sup>समौन है समौन दूयाखौ सैतान तुम लोगन का मांग लिहिस कि गेहूँ कि तरह फटके। <sup>32</sup>मगर हम तुमरी तई विनती की न कि तुमार बिसवासु न जात रहय अउर जब तुम फिरेव तब अपने साथिनौ का भला किहेव।

<sup>33</sup>ऊ वहिते कहिस है परभु हम तुमरे साथे वन्दी खाने मा जायकै अउर भरय का भी तयार हन। <sup>34</sup>ऊ कहिस हे पतरस हम तुमते कहित है कि आज मुरगा बांग न देई जब तक तुम तीनी बार हमरा इनकार न करि लिहवे कि हम वहिका नाही जानित है।

<sup>35</sup>अउर ऊ वहिते कहिस कि जब तक हम तुमका बटुआ अउर झोली अउर जूता बिना पठये रही तब कउनव वस्तु कय केर घटी भय रहय।

<sup>36</sup>ऊ वहिते कहिस मगर अब जेहिके पास बटुआ हुवय वहिका लय लियय अउर बइसनय झोली भी अउर जेहि केर पास तलवार न हुवय ऊ आपनि कपड़ा बेचिकय लय लियय। <sup>37</sup>काहे से हम तुमते

कहित है यू जउन लिखा है कि ऊ अपराधिन केर साथ गिना जाई ऊ हमका पूरा जरूर होई काहे ते हमरे बा मां वातेय पूरी हुवय केर नेरे है।

<sup>38</sup>उई कहिन हे परभु दूयाखव हियां दुई तलवार यहै। ऊ उनसे कहिस बहुत है।

**यीसु करे पराथनवा जनऊ उई जैतून पहारु पर कहिन**

<sup>39</sup>तब ऊ बाहर निकरि कय अपन रीति केर अनुसार जैतून केर पहारु पर गवा अउर चेलन वहिके साथे होई लिहिन। <sup>40</sup>वहि जगह पहुँचिकय ऊ वहिते कहिस पराथना करव कि तुम परिच्छा मा न परव। <sup>41</sup>अउर ऊ वहिते अलग होइकय एकु ढेला फेकय केर ठपे भर गवा अउर घुटना टिका कय पराथना करय लाग। <sup>42</sup>कि हे बाप यदि तू चाहे कोई कटोरे का हमरे पास से हटाय लियव तवौ हमारि नाही तुमारि इच्छा पूरी हुवय। <sup>43</sup>तब सरग से एक दूत वहिका दिखाई दीन जउन वहिका सामरथ दियत रहय। <sup>44</sup>अउर ऊ बहुत संकट मा व्याकुल होई कय अउरै हिरदय बेदना से पराथना करय लाग अउर वहिका पसीना मानो लोहू की बड़ी-बड़ी बूदन की तरह जमीन पर गिरत रहय।

<sup>45</sup>तब ऊ पराथना से उठा अउर अपने चेलन केर पास आयकय उनका उदासी केर मारे सोवत पाइस अउर वहिते कहिस काहे सोवत हव। <sup>46</sup>उठव पराथना करव परिच्छा मा न परव।

**यीसु कइहन बन्दी बना लीन जात हये**

<sup>47</sup>ऊ यू कहतय रहय कि देखव एक भीड़ आई अउर उन वारन मइसे एकु जेहिका नाम यहूदा रहय उनके आगे-आगे आवत रहय ऊ यीसु केर पास आवा कि वहिका चूमि लियय। <sup>48</sup>यीसु वहिते कहिन है यहूदा का तू चूमा कइकय मनई केर बेटवा का पकरावत हव।

<sup>49</sup>वहिके साथ जब यू देखिन का-का हुवय वाला है। तौ कहिन परभु का हम तलवार चलाई। <sup>50</sup>अउर उनमा से एकु महायाजक केर दास पर चलायकय वहिका दाहिना कानु उड़ाय दिहिस।

<sup>51</sup>यहि पर यीसु कहिन अब बस करव अउर वहिका काम हुई कय वहिका अच्छा किहिन।

<sup>52</sup>तब यीसु महाजायक अउर मंदिर केर पहरू केर वन केर सरदारन अउर पुरनियन से कहिन का तुम हमका डाकू का जानि कय तलवार लाठी लइकय निकरे हव। <sup>53</sup>जब हम मंदिर मा हर दिन तुमरे बीच

रही तब हाथ नाही डारेव पर या तुमार घरी है अंधेरे का अधिकारू है।

#### पतरस यीसु केर इनकार

<sup>54</sup>फिर उई वहिका पकरिकय लई चले अउर महाजायक केर घर का लाये अउर पतरस दूर ही दूर वहि केर पीछे चलत रहय। <sup>55</sup>अउर जब उई आंगन मा आगी सुलगाय कय बइठे तौ पतरस भी उनके बीच बइठ गवा। <sup>56</sup>अउर एक दासी वहिका उजियारे म बइठे देखिकय अउर वहिकी ओर ताकि कय कहय लागि यहव तव वहिके साथे रहय।

<sup>57</sup>मगर ऊ यू कहिकय इनकार किहिस कि हे औरत हम वहिका नाही जानित है।

<sup>58</sup>थोरी देर बाद कोऊ अउर देखिकय किहिस कि तुमहूँ तौ उनहिन मइहां हौ पतरस कहिन हे मनई हम नाही हन।

<sup>59</sup>कोई घंटा भरि बाद एकु अउर मनई जोरु दइके कहय लाग जरूर यहव तौ वहिके साथे रहय काहे से यू गलीली है।

<sup>60</sup>पतरस कहिन हे मनई हम नाही जानित कि तुम का कहत हव ऊ कहतय रहय कि मुरगा तुरतै बांग दिहिस। <sup>61</sup>तब परभु घुमिकय पतरस कि तरफ देखिन अउर पतरस का परभु केर वह बात यदि आई जउन उई कहिन रहय कि आज मुरगा केर बांग दियय से पहिले तुम तीन बार हमार इनकार करिहव। <sup>62</sup>अउर ऊ बाहरे निकरिकय फूटि—फूटि कय रोवन लागि।

#### यीसु केर अपमान किहिन

<sup>63</sup>जउन मनई यीसु केर पकरे रहयं उई वहिका ठट्टा मां उड़ाय कय पीटय लागि। <sup>64</sup>अउर वहिकी आंखी बन्द करिकय वहिते पूछि लागि कि भविसवानी करिकय बताव कि तुमका को मारिस। <sup>65</sup>अउर उई बहुत सी अउर निन्दा की बातय वहि का विरोध मा कहिन।

#### पीलातुस अउर हिरोद केर सामने यीसु कइहन भेजा गवा

<sup>66</sup>जब दिन भवा तौ लोगन केर पुरनिये अउर महायाजक अउर सास्त्री जमा भये अउर वहिका अपनी सभा मा लाय कय पूछिन। <sup>67</sup>यदि तुम मसीह हुयव तो हमते कहि दियव ऊ वहिते कहिस यदि हम तुमते कही तौ परतीति न करिहव। <sup>68</sup>अउर यदि पूछी तौ जवाबु न देहव। <sup>69</sup>मगर अब ते मनई का बेटवा सरबसकती मान परमेसुर केर दाहिनी ओर बइठ रही।

<sup>70</sup>यहि परसव कहिन का तू परमेसुर केर बेटवा आव ऊ वहिते कहिस कि तुम आपन कहत हव।

<sup>71</sup>तब उई कहिन अब हमका गवाही का कउन जरूरति हवय काहे से हम तुमरे मुंह से सुनि लीन है।

**23** तब सारी सभा उठिकय वहिका पीलातुस केर पास लइगय। <sup>2</sup>अउर उई यू कहिकय दोसु लगावय लागि कि यहू हम लोगन का बहकावत अउर सरकार केर दियय से मना करत अउर अपने आपका मसीह राजा कहत सुने हन।

<sup>3</sup>पीलातुस वहिते पूछिन का तू यहूदिन का राजा है। ऊ वहिका जवाबु दिहिस तुम आपै ही आपै कहत हौ।

<sup>4</sup>तब पीलातुस महायाजक अउर लोगन से पूछिस कि हम ई मनई या कवनउ दोसु नही पायेन।

<sup>5</sup>पर उई अउर जोरु दहकय कहय लाग कि यू सारे गलील से इलकय हिया तक सारे यहूदिया मा उपदेसु दइकय लोगन का उकसावत है।

<sup>6</sup>यू सुनिकय पीलातुस पूछिस का यू मनई गलीली है। <sup>7</sup>अउर यू जानिकय कि ऊ हेरोदस केर रियासत का है वहिका हेरोदस केर पास भेज दिहिस काहे से उई दिनन मा वहव यरुसलेम म रहय।

<sup>8</sup>हेरोदस का देखिकय बहुतय खुस भवा काहे से ऊ बहुत दिनन से वहिका द्याखी चाहत रहय ई की तई वहिके बारे मां सुनिस रहय अउर वहिका कुछ चीन्हु देखय की आसा रात रहय। <sup>9</sup>ऊ वहिसे बहुत बातय पूछत रहय पर ऊ वहिका जवाबु नहीं दिहिस।

<sup>10</sup>अउर महायाजक अउर सास्त्री पूरे तन मन से वहिपर दोसु लगावत रहय। <sup>11</sup>तब हेरोदस अपने सिपाहिन केर साथ वहिका अपमान कयिकय वहिका ठट्टा उड़ायन अउर भइकीला कपड़ा पहिनाय कय पीलातुस केर पास लौटाय दिहिस। <sup>12</sup>वही दिन हेरोदस अउर पीलातुस मितर होइगे यहिके पहिले उई एक दूसरे केर दुसमन रहय।

<sup>13</sup>पीलातुस महाजायक अउर सरदारन का बुलाय कयकहिस। <sup>14</sup>तुम ई मनई का लोगन का वहकावय वाला ठहराय कय हमरे पास लायेव अउर हम तुमरे सामने जांच की पर अउनी बातन का दोसु तुम वहि पर लगावत हौ उई बातन का हम वहिमा कउनव दोसु नाही पायेन है। <sup>15</sup>न हेरोदस ने काहे से उई वहिका हमरे पास लौटाय दिहिन अउर द्याखी वहिते ऐसि कुछ नहीं भवा कि वहु जानते मारे केर काबिल ठहरावा जाय। <sup>16</sup>यही तई हम वहिका पिटवाय कय

छोड़ देइत है।<sup>17</sup> तब सब मिलकय चिल्लाय उठे  
<sup>18</sup>कि यहि का काम तमाम कइके हमारी तई  
 वरअब्बा का छाड़ि दियव।<sup>19</sup> यहै कउने बलवे केर  
 कारन जो नगर म भवा रहय अउर हत्या केर कारन  
 बन्दी खाने मा डाला गया रहय।

<sup>20</sup>पर पीलातुस यीसु छोड़य कि इच्छा से लोगन  
 का फिर समझाइन।<sup>21</sup> मगर उई चिल्लाय कय कहिन  
 कि वहिका सलीब पर चढ़ाव सलीब पर।

<sup>22</sup>ऊ तीसरी बार वहिते कहिस काहे यू कउन बुराई  
 किहिस है? हम वहिमा जानते मारै केर लायक  
 कउनव बात नाही पायेन।

<sup>23</sup>मगर उई चिल्लाय कय पीछे परिगे कि ऊ  
 सलीब पर चढ़ावा जाय अउर उनका चिल्लाबु  
 परबल भवा।<sup>24</sup> सो पीलातुस आदेस दिहिस कि  
 उनकी विनती केर अनुसार की न जाय।<sup>25</sup> अउर ऊ  
 मनई का जउन बलबा अउर हतिया केर कारन जेल  
 मे डारा गवा रहय अउर जेहिक उई मागत रहय छाड़ि  
 दिहिन अउर यीसु क उनकी इच्छानुसार सौंपि दिहिन।

### सलीब पइहन चढ़ावा जात हये

<sup>26</sup>जब उई वहिका लिहे जात रहय तौ उन्होने  
 समौन नाम केर एक कुरेनी क जउन गाँव से आवत  
 रहय पकरि कय वहि पर सलीब लादि दिहिन कि ऊ  
 यीसु केर पाछे—पाछे लइक चल्य।<sup>27</sup> अउर लोगन  
 केर बड़ी भीड़ वहिके पाछे होय लिहिस अउर बहुती  
 औरते जउन वहिकी तई छाती पीटती अउर विलाय  
 करती रहय।<sup>28</sup> यीसु उनकी ओर फिरकय कहिन हे  
 यरुसलेम की बेटियन हमरे तई मत रोवव मगर अपने  
 अउर अपने बेटवन केर तई रोवव।<sup>29</sup> काहे ते द्याखव  
 उई दिन आवत है जिनमा कहिहय छनि है। उई जउन  
 बाझ है अउर उई गरभ न जने अउर उई स्तन जउन  
 दूध नही पियाइन।<sup>30</sup> वहि बखत उई पहारुन से कहय  
 लगिहय कि हम पर गिरव अउर टीलन से कि हमका  
 दांपि लियव।

<sup>31</sup>काहे से जब उई हरे बिरवा केर साथे अइसन  
 करत है तौ सूखे केर साथे का न करिहय।

<sup>32</sup>उई अउर दुई मनई जउन कुकरमी रहय वहिके  
 साथे घात करय केर लय चले।<sup>33</sup> जक उइ जगह  
 जेहिका खोपड़ी कहत रहय पहुंचे तौ उई हुवा वहिका  
 अउर उई कुकरमिन कभी एकुक दाहिनी कइती एकु  
 कवायी कइती चढ़ाइन।<sup>34</sup> तब यीसु कहिन हे बाप  
 इनका माफु करौ कहे से ई नाही जानत है कि का  
 करत है। अउर उई चिट्ठी डारिकय वहिके कपड़ा  
 बाटि लिहिन।

<sup>35</sup>लोग खड़े—खड़े द्याखत रहय अउर सरदार भी  
 ठट्ठा कइके कहत रहय कि ई औरन का बचाइस है  
 अउर यू परमेसुर केर मसीह है अउर वहिका चुना  
 भवा है तौ अपने केर बचाय लियय।

<sup>36</sup>सिपाही भी पास आयकय अउर वहिका सिरका  
 दइकय ठट्ठा करि कहत रहय।<sup>37</sup> यदि तुम यहूदियों  
 का राजा है तो अपने आप क बचाव।

<sup>38</sup>अउर वहिके ऊपर एकु पतरौ लगाय दिहिन कि  
 यहू यहूदियन का राजा आय।<sup>39</sup> जउन कुकरमी  
 लटकाये गये रहय वहिमा से एक वहिकय निन्दा  
 करिकय कहिन का तू मसीह नहिन हो तो फिर अपने  
 आप का अउर हमका बचाव।

<sup>40</sup>यहि पर दूसर वहिका डाटि कय कहिस का तुम  
 परमेसुरी ते नाही डेरात हो तुमइ तो वहै दन्दु पा रहे  
 हव।<sup>41</sup> अउर हम तो नियाव केर मुताबिक दन्दु पा  
 रहेन है काहे से हम अपने करमन का ठीक फलु पा  
 रहेन है मगर यू कउनव अनुचित काम नाही किहिस।

<sup>42</sup>तब वहु कहिस हे यीसु जब तुम अपने राज मा  
 आयेव तब हमारि सुधि लिहेव।

<sup>43</sup>ऊ वहिते कहिस हम तुमते सांच कहित है कि  
 आजय तुम हमरे साथ सरग लोग मा होइहव।

### यीसु केर मिरतू

<sup>44</sup>अउर दोपहर से तीसरे पहर तक सिगरे देसु मां  
 अंधेरु छावा रही।<sup>45</sup> अउर सूरज का उजियारु जात  
 रहा अउर मंदिर क्यार परदा बीच से फटि गवा।  
<sup>46</sup>अउर यीसु बड़े सबदन ते पुकारि कय कहिन हे  
 बाप हम आपनि आतमा तुमरे हाथ मां सौंपित है।  
 अउर यू कहिकय परान छाड़ि दिहिन।

<sup>47</sup>सुबेदार जउन कुछ भवा देखिकय परमेसुर कै  
 बड़ाई किहिन अउर कहिसि जरूर यू मनई धरमी  
 रहय।<sup>48</sup> अउर भीड़ जउन यू देखय क जमा भय  
 रहय ई घटना का देखिकय छाती पीटत लौटि गय।  
<sup>49</sup>अउर वहिके सब जान पहचान अउर जउन औरते  
 गलील से वहिके साथ दूर खड़ी भइ ये सब देखती  
 रहय।

### यीसु कइहन कबर मां गाड़ा जात हय

<sup>50</sup>अउर देखव युसुफ नाम एक मन्नी जउन सज्जन  
 अउर धरमी उ मनई रहय।<sup>51</sup> अउर उनके ई विचार  
 अउर इ काम से खुस नाही रहय अउर ऊ यहूदियन  
 केर नगर अरमितया का रहय वाला अउर परमेसुर केर  
 राज की बाट जोहाय वाला रहय।<sup>52</sup> ऊ पीलातुस केर  
 पास जायकय यीसु की लोथ मांग कहिसि।<sup>53</sup> अउर

वहिका उतारिकय चादर मा लपेटिय अउर एक कबर मा रखिस जउन चट्टान मा खोदी गय रहय अउर वहिमा कवौ कोउ नाही रखा गवा रहय।<sup>54</sup>ऊ तयारी का दिन रहय अउर सबत केर दिन सुरू हुवय पर रहय।

<sup>55</sup>अउर उई औरतय जउन गलील से आई रहय पाछे—पाछे जाय कय उई कबर का देखिन अउर यहव कि इहि कि लोथ कउनी मेर रखी गय है।<sup>56</sup>अउर लौटिकय सुगन्धित अउर इतर तैयार किहिन सबत केर दिन उई आदेसु केर मुताबिक बिसराम किहिन।

### यीसु जी उठिन

**24** मगर हफ्ता केर पहिल दिन बड़े भोर केर उई मेहरारूयन सुगन्धित वस्तुअन अउर इतर जउन तयार किहिन रहय लइकय कबर पर पहुँची।<sup>2</sup>अउर उई पाथर का कबर ते लुहका भवा पाइन।<sup>3</sup>अउर भीतर जाय कय परभु यीसु केर लोथ नाही पाइन।<sup>4</sup>जब उई ई बात से भौचक्की हुवय रहय तौ द्याखा कि दूई मनई झलकत कपड़ा पहिने उनके पास आय कय खड़े भये।<sup>5</sup>जब उई डरी गई अउर जमीन केर नीचे मुंह झुकाये रही तब उई वहिते कहिन तुम जिन्दा का मरे हुवन मा काहे दुँहत हव।<sup>6</sup>ऊ हियां नाही मगर जी का उठा है याद करब कि ऊ गलील मा रहय तब तुमते कहिसि रहय।<sup>7</sup>कि जरूर मनई का बेटवा पापिन केर हाथ पकरावा जाय अउर सलीब पर चढ़ावा जाय अउर तीसरे दिन जी उठी।<sup>8</sup>तब वहिकी बातय उनका यादि आई।

<sup>9</sup>अउर कबर से लौटिकय उई उन ग्यारहन का अउर सब परेरितन का सब बातय बताइन।<sup>10</sup>जउन उनके परेरितन का ई बातय उई मरियम मगदलीनी अउर यहुन्ना अउर याकूब क महतारी मरियम अउर उनके साथे कि अउर औरते रहय।<sup>11</sup>मगर उनकी बातय उनका कहानी सी समझ परी अउर उई उनकउ परतीति नाही किहिन।<sup>12</sup>तब पतरस उठिकय कबर पर दौरि गवा अउर झुकिकय केवल कपड़ा परे देखिसि अउर जउन भवा रहय वहिते अचरज करत अपने घर लौटि गया।

### अमाउस केर मारग पै दरसन

<sup>13</sup>देखत वही दिन दूई जने इम्मा उस नाम एक गांव म जात रहय। जउन यरुसलेम से सात कोस दूरी पर रहय।<sup>14</sup>अउर उई इ सब बातय जउन भई रहय आपस मां बतलात जात रहय।<sup>15</sup>अउर जब उई आपस मा बातचीत करत अउर पूछ पाछ करत जात

रहय तौ यीसु पास आयकय उनके साथ होय लिहिन।<sup>16</sup>मगर वहिकी आंखी अइसन बन्द करि दीन गई की वहिका पहचानि न सकै।

<sup>17</sup>ऊ उनसे पूछिस ई कउनी बातय हय जउन तुम चलत—चलत आपस मा करत हव उई उदास से खड़े रहि गये।<sup>18</sup>यू सुनिकय उनमा से एक किल्युपास नाम का मनई कहिस का तुम यरुसलेम मां अकेला परदेसी हव जउन नाही जानत हव कि ई दिनन मा वहिमा का—का भवा है।

<sup>19</sup>वहु वहिते पूछिस कउन सी बातय उई उससे कहिन यीसु नासरी केर बारे म जउन परमेसुर अउर सब लोगन केर नेरे काम अउर वचन मा सामरथी भविसवकता रहय।<sup>20</sup>अउर महायाजक अउर हमरे सरदार वहिका पकराय दिहिन कि वहि पर मिरतू की आदेसु दीन जाय अउर वहिका सलीब पर चढ़वाइन।<sup>21</sup>मगर हमका आसा रहय कि इसराएल का छुटकारा देई। अउर इन सब बातन केर सिवाय ई घटना का भये तीसरा दिन है।<sup>22</sup>अउर हममा से कई औरतय हमका अचरज मा डारि दिहिन जउन भोर का कबर पर गई रहय।<sup>23</sup>अउर जब वहिकी लोथ नाही पाइन तो यू कहत आइ कि ऊ जीवित है।<sup>24</sup>तब हमरे साथिन मइसे कई एक कबर पर गये अउर जइसन औरतय कहिन रहय वइसनय पाइन मगर वहिका नाही देखिन।

<sup>25</sup>तब ऊ वहिते कहिन हे मुखन अउर भविसावकतन कि सब बातन पर बिसवासु करने में मन्द मुखों।<sup>26</sup>का जरूरी नाही है कि मसीह ई सब दुख उठायकय अपनई महिमा मा जाय।<sup>27</sup>तब ऊ मूसा केर लइकय अउर सब भविसावकतन से सुरू कइकय सारे पवित्तर सास्तरन मइसे अपने बारे मा इ बातन का अरथ उनका समझाय दिहिस।

<sup>28</sup>यतने मा उई गांव केर पास पहुँचे जहां उई जात रहय अउर वहिके ढग से अइसन जाने परा कि ऊ आगे बढ़ा चाहत है।<sup>29</sup>मगर उई यू कहिकय वहिका रोकिन कि हमरे साथ रहव काहे से साथ होय गय हे अब दिन बहुत ढलि गवा है तब ऊ उनके साथे रहेय केर तई भीतर गवा।

<sup>30</sup>जब ऊ उनके साथे भोजन करय बइठ तौ ऊ रोटी लइकय धन्निवाडु किहिस अउर वहिका तूरिकय उनका दियय लाग।<sup>31</sup>तब उनकी आखी खुलि गई अउर उई वहिका पहचानि लिहिन अउर ऊ उनकी आंखन ते छिप गवा।<sup>32</sup>उई आपस मां कहिन जब ऊ रास्ता मा हमसे बातय करत रहय अउर पवित्तर सास्तरन का अरथ हमका समझावत रहय तो का

हमारे मन मा उल्लेजना नाही पैदा भय।

<sup>33</sup>उई वही घड़ी उठिकय यरुसलेम का लौटि गये अउर उन ग्यारहन अउर उन केर साथिन क इकट्ठे पाइन। <sup>34</sup>उई कहत रहय कि परभु सचमुच जी उठा है। अउर समौन का दिखाई परा है। <sup>35</sup>तब उई रास्ता कि बातय कि उनका बताय दिहिन अउर यहव कि उई वहिका रोटी तूरत बखत कैसे पहचानिन।

#### यीसु केर दरसन चेलवन कइहन

<sup>36</sup>उई ई बातय कहत रहय कि उनक बीच आय खड़ा भवा अउर वहिते कहिस तुमका सान्ती मिले। <sup>37</sup>मगर उई घबराय गय अउर डेराय गये अउर समझिन कि हम कउनेव भूत का देखित हय। <sup>38</sup>ऊ वहिते कहिसि काहे घबरात हौ अउर तुमरे मनमा काहे संका उठत हय। <sup>39</sup>हमरे हाथ अउर पांव का दोव कि हम उनहिन अहिन हमका छुई कय देखव काहे से आतमा केर हड्डी मांस नाही हुवत है जइसन हममा देखत हव।

<sup>40</sup>यू कहिकय ऊ उनका आपनि हाथ पांव दिखाइस। <sup>41</sup>जब खुसी केर मारे उनका परतीति न भय अउर अचरज करत रहय तौ ऊ वहिते पूछिस का हिया तुमरे पास कुछ खाईका आये। <sup>42</sup>उई वहिका भूजि मछरी केर टुकड़ा दिहिन। <sup>43</sup>ऊ लइकइ उनके समनवे खाइस।

<sup>44</sup>फिर ऊ वहिते कहिस ई हमरी उई बातय हय जउन हम तुमरे साथे रहत भये कही रहै कि जरूर होई कि ज्यतनी बातय मूसा की वेवस्था अउर भविसवकतन अउर भजनन कि किताबन मां हमरे बारे मां लिखी हवयं सब पूरी हुवयं।

<sup>45</sup>तब ऊ पवित्र सास्त्र बूझय कि तई उन केर समझु खोलि दिहिस। <sup>46</sup>अउर वहिते कहिस कि यहु लिखा है कि मसीह दुख उठाई अउर मरे हुवन मइ से तीसरे दिन जी उठी। <sup>47</sup>अउर यरुसलेम से लइकय सब जातिन मां मन फिराव का अउर पापन की माफु क्यार परचारु वहिके नाम से कीन जाई। <sup>48</sup>तुम सब ई बातन केर गवाह हव। <sup>49</sup>अउर द्याखव जेहि केर परतिग्या हमरे बाप किहिन है हम वहिका तुम पर उतरियव जब तक सरग से सामरथ ना पाय तब तक तुम यही नगर मां रूके रहव।

#### यीसु कइहन सरग पर उठायलीन गवा

<sup>50</sup>तब वहु उनका बैतनियाह तक बाहेर लइ गवा अउर आपन हाथ उठाय कय आसीसु दिहिस। <sup>51</sup>अउर उनका आसीसु दियत ऊ वहिते अलग होय गवा सरग पर उठाय लीन गवा। <sup>52</sup>अउर उई वहिका दण्डवतु करिकय बड़ी खुसी से यरुसलेम का लौटि गये। <sup>53</sup>अउर लगातार मंदिर मा आय केर परमेसुर केर स्तुति करे लागे।